

中國史學叢書

張穆編

顧亭林先生年譜

商務印書館發行

MG
B249.15
2

中國史學叢書

張
穆
編

顧
亭
林
先
生
年
譜
附
錄

商
務
印
書
館
發
行



3 1764 9709 1

謹案本朝學業之盛。亭林先生實厲啓之。而洞古今。明治要學。議賾貫卒。亦無能及先生之大者。聞桐城
 胡雋君虔。嘗爲先生撰次年譜。惜未之見。大與徐丈松鉤稽各書。依年排纂。已寫有定本。會何太史紹基
 自金陵來。攜有上元車明經守謙號秋船所輯譜。互用勸校。車氏差詳。蓋車氏本之崑山吳廣文映奎號
 而吳氏又本之先生撫子衍生也。徐丈欲更事釐訂。以出守榆林未遑。程乃不自揆。虞比而敘之。綜兩譜
 之異同。究大賢之本末。世之景行先生者。尙其有考於斯。道光二十三年五月朔日。平定獲學張鑒。



顧亭林先生年譜卷一

清 平定張 種編

明萬曆四十一年癸丑五月二十八日先生生

先生初名絳更名繼紳後仍名絳字志清

元譜 穆案復社姓氏山弟六人顧絳字志清

乙酉後更名炎武

徐譜 國百詩與劉穆案作炎午穆案山東通志采

先生文亦字甯人學者稱亭林先生

元譜 華亭東南三十五里有顧亭林湖其南有顧亭林陳順野王皆居此穆與地志因以爲名其地今爲寶雲寺

穆案 輿地紀勝嘉興府古蹟有顧亭湖在華亭縣南三十五里

書經云黃門侍郎顧野王居此無林字又海鹽縣東有顧亭林亭有陳順野王讀書地東坡顧亭林詩云平林登書櫺歲晚窗扶疏云云唐詩云平林標大道曾是野王居云宋輝詩云昔時高土宅今日梵王居云云林亭字凡兩見皆不作亭林然總下所引東坡詩

云平林登書櫺唐詩云平林標大道似乎華亭海鹽兩縣境內皆有一亭因野王納糶額水則曰顧亭湖傍樹則曰顧亭林傳妙誤倒作林亭爾近志於湖上並增林字亦誤也至宋輝梵王居云云則又與華亭之寶雲寺其事適同不知輝即指華亭故蹟而象之誤

雲之海鹽下否 又案宋嘉祐六年法雲寺重修大殿記弟一行題云大宋秀州華亭縣顧亭林法雲寺重修大殿記此顧亭林三字之見於石刻者

又嘗稱名曰圭年

元譜 廉縣中顧吳縣李灌漢侍御詩署名曰圭年穆案 欽學廉程易

噴瑤田云嘗見萬年少自跋所作秋江別思圖送先生由淮陰渡江歸唐市謂顧子名圭年自云余再轉注而得此名

亦或署蔣山僮

元譜 穆案 蔣山即鍾山後更名神烈山先生嘗僮居山下也 穆案 江澤漢學師承記 庚寅有想家欲願

之僞作商賈。變姓名為蔣山儒。又郡平縣志。前列修志姓氏。有顧
儒字甫人。崑山人。同時數編疑係即儒字之僞。亦或單署曰儒也。
顧氏系出吳郡。五代之際。徙滌州。南宋時。有名慶者。

自滌徙海門之姚劉沙。見先生顧氏譜。姚劉沙。自注。今崇明縣。又鈔書自序。炎武之先。家海上。世為儒。慶次子伯善。又徙崑山。遂為崑山縣人。世居

縣之花蒲保。諸系攷。崑山縣之二十四保地。後徙千墩。元譜。崑山縣之千墩人。陳案。崑新合志。千墩。在城東南三十六里。泮川名。花蒲。自注。今太倉州六都。徐譜。先生家與徐健庵比鄰。見備圖集。母家。遷入。卷序。種菜。蘇

州府志。崑山縣第宅園林內載妙喜園。在西關外。金童橋北。初為嚴氏園。徐坦齋營為別墅。荷池竹園。勝聞。郊之。徐乾學宅在牛山。園西堂曰冠山堂。復構傳是樓。架書其中。宅後有園曰慎園。又有途園。在馬鞍山北麓。徐乘蕪第。在富春。瀟西有增城樓。徐元宅在

牛山橋東。塘內有含經堂。園中有古樟一株。因名得樹園。蓋徐氏鼎貴後。父子兄弟各營。自慶而下。十二世五明。正德閒。曰第宅不復與顧氏為鄰矣。厥後健庵兄弟。欲迎先生南歸。以別業居之。始捐金重園亭歟。

南京工科給事中。廣東按察使司僉事。漆。諸系攷。漆。字乘卿。號小涇。正德庚午舉人。辛巳進士。刑科給事中。濟。諸系攷。濟。字光卿。號厚軒。正德

刑科給事中。何紹基案。類姓登科。攷於顧漆。注崑山縣人。顧濟。顧章志。顧紹芳。皆注太倉州人。種案。鈔書自序。免高麗。刑科生。為給事中。當正德之末。又衍生繕寫書目。有思軒公諫垣疏一卷。又蘇州府志。給事中顧濟第。在崑山縣尚書浦西將溼。

兵部侍郎章志。諸系攷。章志。字子行。號觀海。嘉靖丙午舉人。癸丑進士。歷官行人。行人司副行人司正。刑部員外郎。中。江西饒州府知府。湖廣廣西按察司副使。貴州布政司參政。貴州山東按察司按察使。南京光祿寺卿。應天府尹。南京兵部

右侍郎。顧都察院右都御史。徐譜。南京朝天宮後。有侍郎公祠。又日知錄云。余家有嘉靖年買地文契。蓋徐侍郎公時。又潘振聲歌。序云。萬曆元年。先曾祖官廣西按察副使。種按衍生繕寫書目。有觀海公船政疏一卷。又軍譜云。章志。字行之。種案。鈔書。攷作子行。當

是軍謀。又鈔書自序。嘉靖間。家道中落。先曾祖繼起。爲行人。使積裘。而倭爾入江東。郡邑所藏之書。與其室廬俱焚。無子遺。薄損萬曆初。而先曾祖歷官。至兵部侍郎。中國歷方鎮三四。清介之操。雖一錢不以取諸官。而性獨嗜書。往往出俸購之。 侍郎生

左贊善。紹芳。 譜系攷。紹芳。字實甫。號學海。萬曆丙子舉人。丁丑進士。翰林院檢討。遷。日講官。左春坊。左贊善。兼翰林院編修。嘗

不兩年卒。年四十七。 穆案。鈔書自序。祖贊善公文集。至數百篇。衍生繕寫書目。有學海公寶庵集。十二卷。靜志居詩話。實甫工於五

律。不處新穎。矜練以出之。頗有近於孟襄陽。高蘇門者。又王世貞作紀。遠近交游四十詠。紹芳其一也。蘇州府志。崑山縣。有遺清堂在

樂善內。宮贊。 及國子生紹芾。 譜系攷。紹芾。字德甫。號蘆源。生員。增例入國子監。 車譜。紹芾。天才俊逸。工詩古文。奇奧秀拔。在太

紀事闕文序。臣祖生於饒州官舍。隨臣曾祖之官廣西。山東。南京。一切典故悉諳。而當日門戶與攻門戶之人。兩黨之魁。皆與之游。臣

歷年七十餘矣。足不出戶。猶日夜念廟堂不置。聞邸報。輒手錄成帙。糊字草書。一紙至二千餘字。自萬曆四十八年。至崇禎七年。九

共二十五帙。又鈔書自序。先祖善法蓋過唐人。性豪邁。不。 贊善。生官廢生。 同應。 譜系攷。紹芳子二。長曰同德。生員。次曰同廉。字

穆案。同應。又字實瑤。見情同樂。曰。公清修篤學。負東南重望。蘇州府志。文苑門。同應生十歲而孤。哀毀如成人。長而穎敏好學。精事

子業。工詩文。爲諸生。七試不售。兩中副榜。卒年四十二。性闊達。家雖貧。好施與。卒之日。戚友哭之。幾於罷市。所著有藥房秋嘯等集。明

詩。繆引王平仲語云。仲從詩。詞源。 娶何氏。 穆案。懽園集。先妣顧太夫人行述曰。母何夫人。淹洽書史。爲女工師。舅母朱孺人壽序曰。

意運有白雲自出。山泉泠然之致。 何夫人。性嚴重。嘗竟日不言。獨愛讀書。又曰。自外祖實瑤公未仕。捐館外。祖母以未亡人

支持門戶。茶苦百端。家兄字若詩。 同應之子五。 先生其仲也。 穆案。同應五子。長曰翹。字遐蒙。次曰舒。字殿。次曰權。

生履忱。女弟生健庵。兄弟。又一女兒嫁陳皇士。濟生。健庵。寄皇士大僕詩注。大僕夫人。余從母也。
是也。然元譜稱。健庵太夫人為先生第五妹。又有仲姊適馬氏。則女兄弟之可考者亦四人也。
紹帝生同吉。早卒。元譜陳案。同吉字仲

蓬。皇新合志。謂其
早卒。無子。庶。頌。聘王氏。未婚守節。撫先生為嗣。徐譜。貞孝之婦。顧。當在萬曆二十九年辛丑。其年。貞孝十六歲。車譜。貞
孝。太僕寺卿。字孫女。諸生。述女。事。載。明。史。本。傳。乃。餘。案。先。戴。王。頌。人行。狀。

四十三年乙卯三歲。

先生患痘。頗危。及脫痂。左目為眇。元譜。陳案。全謝山神道表。謂先生雙瞳子。中白而邊黑。見者異之。不
言眇也。或有雙翳。未可知。弟元譜。係。衍。生。所。作。不。應。有。誤。故。仍。之。

是年。本生父。賓。瑤。公。中式副榜。元
知縣。陳君祖苞。拜於貞孝之廬。程據行狀補。進士履歷。顧。祖。苞。字。令。顯。
海鹽人。萬曆癸丑。進士。歷官。順天。巡撫。明。史。

附顧繼。 題傳。

四十四年丙辰四歲。

七月。先生第五妹生。程補。備圖案。先妣行述。吾母生
於萬曆丙辰七月二十八日未時。

四十六年戊午六歲。

春。白氣亘天。自東而北。元譜。程案。三朝紀事。關文序。自臣母授臣大學
之年。而東方兵起。白氣亘天。明年三月。覆軍殺將。夏。四月。大清兵克撫順。七月。克清河堡。

徐 謙

貞孝以大學授先生。元 謙

賓瑤公鄉試，又中副榜。徐 謙

冬十一月，蠡源公配，李碩人卒。元 謙 種案碩人有兄名箕，見先生所作

先妣 行狀

四十七年己未七歲

二月，經略楊鎬，誓師於遼陽，總兵官李如柏、杜松、劉綎、馬林分道出塞。三月，甲申，杜松遇大清兵於吉林崖，戰死。乙酉，馬林兵敗於斐芬山，兵備僉事潘宗顏戰死。庚寅，劉綎深入阿布達里岡，戰死。六月，大

清兵克開原，馬林敗沒。徐 謙

先生就塾。元 謙 徐 謙 日知錄云：愚幼時四書本經俱讀全注。

四十八年庚申八歲

秋七月，神宗崩，光宗立。甫一月，熹宗立。時朝議欲以明年為泰昌元年。左光斗請以七月以前為萬曆四十八年，八月以後為泰昌元年，從之。元 謙

本生母弟紆子殿生。元 謙 謹案：皇新合志：紆字子殿，同縣第三子，少負經濟才，明亡後，結廬仕進，隱居千墩舊廬，居喪哭過哀，目蓬首，乘性耿介，兄奕武講學，素督園，屢徵不赴。紆寓書益相砥礪，楊徐乾學兄弟，聘望方壘，紆獨養高

自黨、陸王宏、需其圖、於不見不聞之地、不燒隱君子

天啟元年辛酉九歲。

三月大清兵取瀋陽、遼陽。徐

先生讀周易。元

季弟纘、子安、生。徐譜案、子安妻朱氏、德庵有舅母朱孀人壽序。

二年壬戌十歲。

正月大清兵破西平堡、取廣寧。徐

蠡源公命先生讀古兵法、孫子、吳子、諸書、及左傳、國語、國策、史記。

元譜、種案、三朝紀事、開文序、天啟初元、遼陽陷、崇禎、安邦彥、並反、其明年、廣寧陷、山東白

蓮、教妖民作亂、一日、臣祖捐庭中草根、謂臣曰、爾他日得食此幸矣、遂命之讀古兵法、孫子、吳子、諸書、及左傳、國語、戰國策、史記。

先生程正夫詩序、余自少時侍於先王父、其終日、言而無擇者、皆祖考之世德、鄉先生之行事。徐

三年癸亥十一歲。

蠡源公以資治通鑒授先生。

元譜、種案、鈔書自序、先祖自炎武十一歲、即授之以溫公資治通鑒、曰、貴人多習綱目、余所不取、凡作書者、莫拘乎其以前人之書、改竄而為自作也。

穆案先生所作先妣行狀。吾母居別室中。晝則紡績。夜觀書。至二更乃息。尤好觀史記通鑿。及本朝政紀諸書。而於劉文成。方忠烈。于忠肅。諸人事。自炎武十數歲時。即舉以教。

四年。甲子。十二歲。

始習科舉文字。元譜。穆案三朝紀事關文序。臣祖故所與往來老人。謂臣祖曰。此兒頗慧。何不令習帖括。乃為是闕遠者乎。於是令習科舉文字。已遂得為諸生。

五年。乙丑。十三歲。

時有納穀寄學之例。蓋源公。以先生天資穎異。合早取科名。遂為先生應例。元譜。穆案。明時寄學。亦羅掘學考取。議試後。準作附生。

六年。丙寅。十四歲。

讀通鑿。畢。讀書。詩。春秋。麻城周提學邦基。取入本學。二十二名。庠名繼紳。元譜。先生入學。在十三歲。穆案。先生撰寇公墓志。謂天啟六年。寇公

為蘇州知府。某年十四。以童子見公。被一言之獎。云。則入學。當是十四。入復社有名。徐譜。常熟王峻次山。作先生傳。年十四。為諸生。入復社。有名。松案。吳應箕所編復社姓氏目錄。前卷。崑山縣入社者十八人。先生名在第六。先生乙卯歲。

孫徵君葬詩引云。適吳中。曾傳示同社名氏者。感觸之深。遂見乎詞。穆案。靜志居詩話。嘗人早年入復社。與同邑歸莊齊名。賓瑤公卒。先生居降服憂。元譜。

先生答徐公肅書云。幼時侍先祖。自十三四歲。讀資治通鑿後。即示之以邸報。徐譜。

崇禎元年。戊辰。十六歲。

陝西饑。流賊大起。徐譜。

歲試。惠安陳提學保泰未發落。即告病去。祇取賞卷蔡復襄以下十二人。先生未與。元譜。

先生與潘次耕書云。自庚申至戊辰邸報。皆曾寓目。徐譜。

穆案。三朝紀事闕文序。先帝即位。天下翕然。以為中興更化之主。無復向時危迫之意。又當先帝頒孝經小學。釐正文字之日。臣乃獨好五經。及宋人性理書。而臣祖乃更誨之。以為士當求實學。凡天文地理。兵農水土。及一代興革之故。不可不熟究。

三年庚午。十八歲。

六月。流賊陷府谷。徐譜。

六月。科試。上虞李提學懋芳。拔先生卷。列一等二十名。元譜。

是年。先生嘗應鄉試。日知錄載。是年應天鄉試。題舉直錯諸枉。能使枉者直。以媚奄諸臣。初定逆案也。

徐譜。

穆案。是年先生弟五妹。歸同邑太僕少卿徐君應聘之孫開法。應聘。萬曆癸未進士。翰林院檢討。開法。字茲念。號坦齋。恩貢生。時年十七。

四年辛未。十九歲。

八月大清兵圍大凌城。閏十一月登州游擊孔有德反。

徐譜。

二月歲試。李提學連任。先生卷列一等十一名。仍更名絳。

元配太倉王孺人來歸。

元譜。

是年。甥徐乾學。生。

徐譜。乾學。字原一。號健庵。官至刑部尚書。

五年壬申。二十歲。

正月。孔有德陷登州。九月。流賊連陷山西州縣。

徐譜。

三月歲試。鄰水甘提學學潤拔先生卷。列一等十四名。

元譜。

六年癸酉。二十一歲。

二月。流賊犯畿南河北。七月。大清兵取旅順。十一月。流賊渡河。陷灤池諸縣。分掠南陽。汝寧。遂犯湖廣。

徐譜。

正月。科試。甘提學連任。先生名列三等。

元譜。

本生母兄縉。遐篆。中式順天舉人。

元譜。縉案。崑新合志。縉。天才俊逸。世傳其兩京賦。埒平子。時務。

策。比長沙。年未四十卒。徐譜。縉以天下多故。好言兵事。舉鄉試。一上公車而卒。見健庵舅母朱孺人壽序。縉有同年長沙陶汝璣。見先生楚僧元瑛談三十年來事詩注。種案。靜志居詩話。陶汝璣字仲調。壯歲好游。自吳入越。晚際化離。出監軍事。捍禦鄉邦有力。

是年、甥徐秉義、生。徐譜、秉義、字彥和、號果亭、官至內閣學士。

七年、甲戌、二十二歲。

正月、賊自鄖陽渡漢、連陷紫陽、平利、二月、陷夔州、六月、賊降復叛、陷所過州縣、七月、大清兵入上、方堡。

至宣府、十一月、賊自陝西分犯河南、江北、湖廣。徐譜。

巡按御史、祁君彭佳、表於貞孝之門。程據行狀補。彭佳、字宏吉、浙江山陰人、明史有傳。

是年、甥徐元文、生。徐譜、元文、字公順、號立齋、官至文華殿大學士。

八年、乙亥、二十三歲。

正月、賊陷鳳陽、六月、賊復走陝西、七月、賊復東犯、十一月、賊陷陝州、攻洛陽。徐譜。

六月、歲試、上虞倪提學元珙、置先生卷二等。元譜。

九年、丙子、二十四歲。

五月、賊復入陝、七月、大清兵入塞、八月、東歸。徐譜。

六月、科試、倪提學連任、置先生卷二等。元譜。

是年先生當應鄉試日知錄載是年應天鄉試春秋題宋公入曹以曹伯陽歸先生護其以公孫羅比

陳啓新曹伯陽比思陵非所宜言大不敬徐譜

巡按御史王君一鶚具題貞孝事狀奏旌其門報可元譜陳案貞孝受旌在九年見先生廣照十八年與史館諸公書縣志亦同元譜列入十年

穆案先生所作先妣行狀貞孝請旌之歲已齒文會知名且十年

十一年戊寅二十六歲

九月大清兵入塞徐譜

二月歲試濰元提學煒置先生卷三等十二月科試元提學連任仍置三等元譜

穆案是年冬蘇州府承天寺浚井得宋鄭所南所藏心史鐵函巡撫張國維刻其書又爲所南立祠堂

詳見先生所作井中心史歌序國清邸曰有偽書出近代佐證分明荷一言及輒譁然起被以大不韙之名且以實可信其有者莫過史彬之致身錄鄭所南之心史一爲史兆斗所撰一爲姚士蔣所撰前說余徵諸

敦齋後說聞諸曹秋岳云又與公肅甥書憶昔時邸報至崇禎十一年方有活版自此以前竝是寫本

十二年己卯二十七歲

正月大清兵入濟南德王由樞被執二月大清兵北歸徐譜

七月城固張提學鳳翽覆試科舉先生取遺才二等。元譜

先生撰肇域志始於是年見自序又郡國利病書序云崇禎己卯秋聞被擯退而讀書。徐譜

十三年庚辰二十八歲

九月張獻忠陷劍州。徐譜

四月邑中修葺文廟先生與葉秀才奕荃歸秀才莊重新兩廡木主而正其位次。元譜據案夏新合志奕荃字元暉一字水修由諸生

入太學性剛直好義工詩古文說師事劉宗周徐石麒陳龍正講求性命之學尤究心邑政利弊乙酉夏以父權杭州闖過國變蕪風往省遷至嘉善為亂民所殺覓其尸不得以衣冠葬之莊字元菴為諸生博涉羣書乙酉後亡命雜髮僧裝稱普明頭陀後乃履金澗里先墓測生平最善顧炎武以博雅獨行相推許而俱不諧於俗有歸奇顧怪之目穆案先生嘗孔廟兩廡位次攷後歸生名莊更名祥明工草隸為東吳高士

十二月歲試張提學連任置先生卷

二等。元譜

先生答徐公肅書憶昔庚辰辛巳之間國步阨危方州瓦解而老成碩彥品節矯然下多折檻之陳上有轉圜之聽思賈誼之言每聞於諭旨烹宏羊之論屢見於封章。徐譜

十四年辛巳二十九歲

正月李自成陷河南殺福王常洵遂犯汝州城陷知州錢祚徵不屈死張獻忠陷襄陽殺襄王翊銘十

一月李自成陷南陽殺唐王聿錡徐譜是年大旱元譜

二月蠡源公卒先生居承重憂元譜穆案三朝紀事關文序臣祖父某年五十一而始抱臣矣武爲孫先妣行狀貞孝請旌之歲先王父年七十有四則蠡源公之卒也年七十九矣十月葬蠡

源公及元配周碩人繼配李碩人於司馬賜塋之穆位元譜將葬既祖奠火作於門里人救之得息徐譜按健庵作

舅母朱孀人壽序述此事云家難復作室廬失火被焚

十五年壬午三十歲

二月大清兵克松山下錦州五月張獻忠陷廬州九月李自成決河灌開封城陷十一月大清兵入薊

州連下畿南山東州縣徐譜

兄遐篆卒弟子叟生子洪善嗣遐篆後元譜記遐篆卒於順治十一年甲午穆案遐篆中式崇禎六年癸酉舉人健庵稱遐篆舉鄉試一上公車而卒歸元養送先生北游序稱崇禎之末祖父蠡源先生

雙兄孝廉捐館健庵爲頌氏甥元養與先生槐角至交皆不當有誤又皇新合志稱遐篆年未四十卒若卒於甲午則先生之年且四十有二推尋其故元譜蓋講歲壬午爲歲甲午耳今爲嗣正即以子叟生子洪善之年爲遐篆健庵之年與各書所言乃一符合

也謙案洪善字達夫號柏亭康縣丙辰進士官中書年未四十卒

十六年癸未三十一歲。

正月李自成陷承天五月張獻忠陷武昌八月陷湖南諸郡十月李自成破潼關遂陷西安延安諸郡。
徐譜。

夏釋承重服循例入成均。元譜案例頁自萬曆間始。

子叟生次子洪泰。元譜。穆案。健庵舅母朱孺人善序教二子過夫來白皆有聲鄉校來白當即洪泰之字蓋亦譜生矣。

先生譙觚序僕自三十以後讀經史輒有所筆記。徐譜。

十七年甲申十月朔為大清順治元年三十二歲。

正月張獻忠寇四川二月李自成陷太原遣別將犯畿南陷真定李自成陷寧武關三月陷京師。徐譜。

九日明莊烈帝崩於宮中萬壽山巾帽局。元譜謙案。陳濟生再生紀略謂在山之紅閣。御元色鑲邊白絛綢半臂紅閣蓋建以復內操者。四月二十九日李賊西

走五月三日王師入睿親王攝政。元譜恭案。世祖章皇帝時甫七齡。駐蹕盛京九月入關十月朔御極定鼎京師。是月初一日明鳳陽總督馬士英

等迎立嗣福王由崧於南都仍稱崇禎十七年以明年乙酉為宏光元年。元譜。

四月先生率家人侍母遷居常熟之唐市。元譜謙案。常熟合志。唐市舊名尤涇。在雙風癩去縣東南三十里又東南則崑山界。十月歸千墩被劫十二月

復遷居常熟之語濂涇。

元譜謙案常昭合志語濂涇黃涇東北入尤涇。程案先生撰先妣行狀兵入南京吳武孝母備居常熟之語濂涇介兩縣之間又從叔父程庵行狀語濂涇去千墩八十餘里又備圖集兄字若詩集序見

氏亭林先生避兵常熟之窮村。兄往依之朝夕討論。故詩日益工。又案望雲樓帖刻先生手札云。醉離無何。忽云改議。兄今其脫然。愈乎。弟則馬學士所云百憂熏心。三冬少暇。往日之舉。犯而不校。適默已無所用。其然。今乃黑夜令人縱火焚個屋一所。弟既蕩無一椽。僕輩亦騰鳥窟集。夫行強雖武士之恆談。火攻則兵家之下策。況於臨池之畏。實為扇煽之謀。包藏禍心。日甚一日。公宮之火。先告於寺人。陵門之戰。首誅乎元濟。燎原之毒。已盈自焚之禍。行及布諸左右。懸情憤然。元泰仁兄。足下。弟緒頓首。所云黑夜縱火。不知即指千墩被劫事否。時尙未更名炎武。則與案方恒構畫一案無涉也。未得其實。附記於此。

崑山令楊君永言應南都詔。列薦先生名於行朝。詔用爲兵部

司務。元譜永言字學立。崑山人。崇禎癸未進士。崑城破後。走陳墓。調事彌月。知不可爲。復入黃浦。依吳帥吳敗。祝髮。珠涇萬壽庵中。釋名。燾靈旋入中峯。後入金華。歸漢卒。勝朝殉節錄。稱其殉乙酉之難。追諡忠節。

先生編年詩起是年。有大行哀詩一首。感事詩六首。

徐請按感事詩云。日角摩符早。天枝主壘隨。安危宗社斷。獨立大臣心。謂南都擁立福王之事。其年四月乙酉。魏國公徐

宏基等。迎福王於江浦。丁亥。百官迎見。王素服角帶。哭。五月庚寅。王行告天禮。升殿。徐宏基跪進監國之寶。王受訖。大赦。戊戌。軍臣勳進箋。三上王許之。壬寅。即皇帝位。改元宏光。先生詩所謂告天傳玉册。哭廟見諸侯。請令屯雷動。恩波解淨流也。詩又云。上率承王命。專征指大江。出關收漢卒。分陝寄周邦。又云。登壇推大將。國士定無雙。請史可法以東閣大學士督師揚州。又云。聽排音非吉。焚旗火乍紅。自注云。六月壬午。督師標下兵與浙江兵鬪於鎮江西門外。焚民房數百家。標下兵者。先生輩安皇帝。本紀所云。標下總兵官于永綏等兵也。

二年、乙酉、南都宏光元年、三十三歲。

五月初九日、王師渡江、初十日夜、宏光帝出走、十五日、王師入南都、明亡。元

春、膺楊永言之薦、至京口。四月、偕從叔父穆庵、赴南京。元譜謙案、崑新合志、穆庵、名顯、字國馨、穎芳從子、以諸生入太學、才名著、一時明亡後、業僅業、水陸稱號南中道。

使授冠帶、辭疾不赴、遁跡田野、以醫濟人、先生餘業、有從叔父穆庵府君行狀、元譜謙案、詩集、誤編、拜祠詩、入辛卯年、穆案、此年拜祠事、有金陵雜詩、記得尙書巷、一首、足證辛卯年、再至金陵而再拜祠畢、即歸語濂涇、

拜祠畢、即歸語濂涇。八字穆庵補。是年貞孝年六十五、月朔、同邑歸莊、嘉定吳其沆、及從叔父穆庵、姊子徐履忱、持觴登堂、為母壽、退而飲至夜半、旦日別去。徐譜、事見吳同初行狀、穆案行狀、貞孝廳、為六月二十六日、而稱觴、乃在五月朔者、蓋即生日

不受質之壽、先生所終身秉承者也、其沆、字同初、少先生七歲、履忱、字爭若、先生伯姊之子、生於崇禎二年、時年十七、與健庵為再從兄弟、

將復詣闕、未旬日而南都陷、先生從軍至蘇州、元譜、徐譜、時大清兵已定江浙、大軍駐金陵、一軍駐蘇、一軍駐杭、一軍駐沿海、吳松等處、有明江南總兵吳志葵者、吏部主事夏允

彙門人也、領兵海上、又有十將官者、屯兵陳湖中、與湖旁諸生陸世綸等、各有衆千餘、閏六月十日、明兵科給事中陳子龍、舉人徐孚遠、軍簡、聞南都不守、起兵松江、與陳湖兵合、允彙、又入志葵軍、為之驅書檄、聯絡士大夫、舉事、則總督兵部侍郎沈猶龍、下江監軍道

劉本徽、中書舍人李待問、嘉定、則左通政司侯嗣賢、進士黃淳耀、總兵蔣若來、崑山、則鄭陽、監倉都御史王永祚、編修朱天麟、吳江

則職方吳易、總兵王翥、太倉、則總兵張士傑、宜興、則行人盧象觀等、互為聲援、先生與楊永言、吳其沆、歸莊、皆佐王永祚軍、諸軍謀以松江兵攻帆、嘉定、太倉兵攻沿海、宜興兵趨南京、約伏鱣江中、獨吳志葵先進、向蘇州、俟蘇州捷、首至、翹日、聞發、先生時云、千里吳封

六三州震澤通。戈矛連海外。文檄勸江東。即赴吳時事也。志葵旣澤蘇州。委將魯之瑯以三百人先登。斬胥門而入。大情兵屢勝於壘。官俟其退擊之。彌焉。旣而松江破。陳子龍走。嘉定陷。侯明賢死。先生遂歸。而崑山兵起。死者四萬人。吳其沈與焉。楊永言還之。關難。先生與歸。六月。仍歸語濂涇。元譜按。先生餘集有云。吳中諸縣。並起義兵自守。而余以母在。獨屏居水鄉不出。自六月至於閏月。無夜不與陳君露坐水邊樹下。仰視月食。遙聞火燄云云。是崑邑守城事。先生一不與謀。故後得免。

閏六月十五日。崑山士民閉城拒守。元譜。先是五月初七日以後。居民聞王師已入南都。紛紛移遷四鄉。而張浦。葑葑。葑安亭諸村鎮。奸民乘機劫掠。縣令楊永言以二十二日盡放獄囚。至月杪。郡

中大吏及守令皆先期遁。六月初七日。豫親王方駐金陵。遣刑部侍郎李廷鑑。巡撫王國寶。統兵撤蘇。新郡守王鎮賢安民。榜至真。並取圖書。永言棄印潛逃於酒橋。陳宏勳家。水利縣丞。閻茂才。借邑紳耆。老於初八日。赴胥門納款。十二日。院遊郡人周荃來真安。十六日。丙申。月食。旣。星流竟夕。元譜。見日知錄。星隕如雨注。而果以縣西真義村兵出迎戰。敗。初五日黎明。王師渡蘇。

據耳。

明靖虜伯鄭鴻逵。戶部主事蘇觀生。奉唐王聿鍵如閩。黃道周。張亨堂等。奉聿鍵稱監國。六月丁未。即位於福州。改元隆武。元譜。魯王以海。亦稱監國於紹興。

七月初六日巳刻。王師下崑山城。元譜。先生生母何太孺人。被游騎斫右臂折。弟子叟。子武。並遭難。子叟

妻朱氏引刀自刺其喉，僵臥瓦礫中，得免。種補：備聞案，夏母朱太孀人，蘇序歲在乙酉，王師南下，衆議登陴守禦，紛紛

城破，兩舅並遭難，舅母朱夫人知事急，引刀刺其喉，氣息僅屬，僵臥瓦礫中，死者累累，何夫人守婦尸不去，俄游騎過，研何夫人，右臂損折久之，朱夫人得甦，起覓其姑，悲不自勝，手製舊襦爲姑製，纒重傷，復自塞其類，相抱匿廡下，破屋以免，越日扶掖登舟出城外，

祖母嘗稱曰：越九日，王師復下常熱，貞孝於十四日聞變，即絕食，至三十日乃終，遺命先生勿更出仕。元

穆案：先生孫先妣行狀：七月乙卯，崑山陷，癸亥常熱陷，吾母聞之，遂不食，糲粒者十有五日，至己卯晦，而吾母卒。八月庚辰朔，大敵又明日而兵至矣，遺言曰：我雖婦人，身受國恩，與國俱亡，義也。汝無爲異國臣子，無負世世國恩，無忘先祖遺訓，則吾可以瞑於地下。

穆案元譜：九日作二日，以行狀乙卯至癸亥推之，知二字誤。十四日作二十四日，以行狀癸亥至己卯推之，知二字衍也。

唐王遙授先生兵部職方司主事。元 九月，至嘉定，過吳其沆家。徐譜：據同初行狀，先生凡三過其居，戊子年，寄薛案詩云：只有延陵心，尙挂姑蘇樹，亦謂其沆

也。 十二月十九日，權厝貞孝柩於司馬塋東偏。元

是年詩有京口卽事二首。徐譜案：是年史可法駐揚州，高傑移屯瓜州，宏光命可法諭四傑，厲兵秣馬，駐防河淮，越期遂師，可法檄諸鎮出兵，高傑首奉命，渡泗水，所部王之淵前驅，淮陽關可法進次河上，先生京口

卽事詩云：白羽出揚州，黃旗下石頭，又云：大將臨江日，中原望捷時，皆是年正月事。京關篇一首，金陵雜詩四首。徐譜：先生金陵雜詩云：重聞百五日，遙祭十三陵，

首。蓋謂宏光自去年命選淑女至此年。千里一首。元譜各詩皆五月以前作。秋山二首。表哀詩一首。奉先妣槩葬詩一首。是

年作軍制論形勢論田功論錢法論。

三年丙戌三十四歲。

三月唐王督師黃道周舉兵至徽州戰敗被執不屈死。唐王將入贛州鄭芝龍使軍民遮留不得行。乃

駐於延平十月明兩江總督丁魁楚廣西巡撫瞿式耜等立桂王於肇慶府以明年為永歷元年。徐譜十

一月王師下建寧延平等府唐王走汀州執而殺之。元譜明大學士蘇觀生又立唐王弟聿錡於廣州改

元紹武十二月王師入廣州殺聿錡。徐譜

五月先生祖庶母黃氏卒。十月十二日命家人趙和等遷居。元譜未詳遷居何地。將往閩中赴職方之召以母

喪未葬不果行。元譜

是年詩有延平使至一首海上四首不去三首。穆案池北偶談有論落日江頭送伍員真字用韻有據一條。老鶴萬里心一首。

作吳同初行狀。

四年丁亥三十五歲。

秋至海上。

十月十日命家人趙和迎祖庶母黃氏柩葬於司馬公域外之西偏。

元譜。穆案。先生嘗玉山史對先祖有二妾。吳武所

遺事。其亡也。葬之域外。

二十日亥時葬貞孝王太安人於賜塋東仲逢府君之兆。

元譜案。少司馬葬時用錢丁亥月辛亥。日丁亥時辛亥。貞孝之葬干支悉同。

十一日具弔奠禮。

十二月二十一日移家語瀟涇先生廬墓。

元譜。送歸莊往吳興。徐譜。元恭時赴吳興。兄弟德清教監繼登骨。

哀執友松江陳太僕子龍同邑顧推官成正吳縣楊主事廷樞及推官二子天遶天達先後死難各以

詩弔之。

元譜。子龍字臥子。青浦人。崇禎丁丑進士。兵科給事中。受魯王部院職銜。與松江提督吳勝兆通謀。是年夏。勝兆反。事泄。遣子龍并逃。藏匿子龍之嘉定侯岐曾於同邑顧天遶。天遶子龍乘間赴水死。岐曾等同被殺於松江。成正字端木。天啟甲子

舉人。咸安府推官。丙戌四月自關中歸。知弟錢塘令成建。舉人咸受。先已殉節。聞唐王立於閩。草書疏附寄舟山黃斌嗣。屬其轉達。為

題卒所獲。以告提督吳勝兆。勝兆秘之。及是年六月。勝兆反。密疏遂發。遂至金陵。為洪承疇所殺。後二子之死僅一月。廷樞字維斗。麻

嶺庚午南京解元。福王時薦授兵部主事兼監察御史。馬阮當國。抑不能用。罷歸。至是年四月。遁居山陽。當事搜索得之。絕食五日不死。作絕命詞十二首。裂衣帛血書之。終以不屈被殺於蘆墟村中。

是年詩有贈顧推官一首。

徐譜案。張乘貞之挾跡王出降。顧成建議官去。追及之於吳江。閏六月朔殺之。詩中果稱血云。云蓋述此事。又先生之從軍於吳。咸正必同行。故有句吳古下國。雖與秦風齊之句。其後吳成

正詩曰。及乎上郡還。始結同盟契。崎嶇戎馬間。周旋一歲。所謂崎嶇周旋者。即指從軍耳。

大漢行。義士行。秦皇行。各一首。墟里一首。塞下曲二首。海上行

一首。徐譜。詩云。大海天之東。其處有黃金之宮。上界帝子居其中。又云。或言有巨魚身如十洲長。變化為龍不可當。一旦失水驚。旁皇盡謂魯王之入海。徒以海水為金湯。舟楫為宮殿。終於淪亡也。又云。但見鯨魚出。沒齒鑿磨牙。先生知鄭芝麓之真屬

襄國。其子成功。始則附國。繼則附粵。終不爲晉王用。而舟山非可以圖存。故又云。東浮大海難復難。不如歸去持漁竿。以明決不宜往之志。神道表以爲幾。孫吳勝光之福。欲赴海上。道梗不前者。似未知先生之意也。程案。據元譜。則先生實曾至海上。謝山云。道梗不前。仍非實錄。但詩編於塞下曲。後塞下曲云。即今三月。驚花滿。此詩當作于春末夏初。時尙未赴海上耳。明年戊子。將遠行。詩云。去秋闕東溟。尤實至海上之顯證。

哭楊主事一首。推官二子被執

一首。淄川行一首。

元譜。爲孫之擬作也。之擬。淄川人。天啟壬戌。進士。補查得官。侍講。名在逆案中。入國朝。爲禮部侍郎。順治二年六月。升兵部尙書。總督軍務。招撫江西。後乞歸。里中。是年九月。土賊丁可澤。勾引叛賊。謝運等。陷淄

川。據之。擬。支解死。結云。取汝一頭。謝元元。當由之。擬。嬰。衆。怒。耳。徐譜。成。正。至。江。寧。總。督。洪。承。疇。問。曰。汝。知。史。可。法。在。乎。不。在。乎。成。正。答。曰。汝

哭陳太僕一首。奉先妣葬於侍郎公墓左一首。墓後結廬三禮一首。精衛一首。吳興行

一首。

作王時沐墓志。

五年。戊子。三十六歲。

秋。至湖。

元譜。徐諸案。將遠行。詩云。去秋闕東溟。今年泛五湖。偶來詩云。偶來湖上已三秋。蓋自秋迄冬。泛五湖也。

冬。抵京口。

是年。語濂涇。家中又被劫。元譜。

是年詩。有越鳥巢南枝一首。江介多悲風一首。擬唐人五言八詔六首。

程案。六詩皆非泛擬。乞解。悲往事也。擊筑投筆。明素志也。義遠聞雞。以不

忘恢復望諸公也。屬里則知時之不可為而倦飛。常熟縣耿侯水利書一首。元譜諫案。常昭合志。耿楨字蘭錫。耿縣進士。萬曆三十二年。以調策至。謀求水利。東渡積。

浦。橫溪。李墓。鹽鐵塘。北溪。福山塘。西渡。奚浦。三丈浦。凡土田高低。宜濬宜灌。尺寸不遺。而其開浚之法。區畫周密。東殿明。具載所著水利全書。其立說以水利用湖不用江。尤不易之論。程案。耿侯水利書。郡國利病書采之頗備。偶來一首。

活溪碑歌一首。辭開封案一首。元譜。諫案。略見人心錄。薛名案。亂後。歸釋。謂去。冠故去。尸去。髮故去。尸因。姓米氏。自號米堆山。將遠行一首。京口一首。

六年己丑三十七歲。

春登靈巖山。清明封墓樹。秋至吳江過八尺。納妾韓氏。元譜。

是年詩有石射棚山一首。先生自注吳郡志。靈巖山在。城西三十里。一名石射棚山。春半一首。元譜中有云。洪州七月。圖。糧盡力亦。擄江西金聲。

官兵所破。聲桓中二矢。懷人一首。秋鷹一首。八尺一首。程案。元譜。有至吳江過八尺一節。然此八尺。孤。投水死。仍發屍示衆。帆一葉舟云。八尺二字似非地名所未詳也。桃花溪歌。贈

陳處士梅一首。程案。梅字鼎和。餘集。有常熟陳君墓志。瞿公子元錫將往桂林不得達而歸一首。元譜。元錫。常熟人。父式。結。為廣西。巡探。南都陷。與丁。魁。楚。等。立。水。明。

王由。櫛。於。梧州。式。結。為。文。淵。閣。大。學。士。雷。守。桂林。王。師。破。桂。林。與。總。督。張。同。敵。俱。被。難。

七年庚寅三十八歲。

正月五日韓氏生子林元名之曰詒穀。元譜謙案崑山張元賽者厄言謂先生無子蓋天奄也殊誕時怨家有欲傾陷之者乃縫衣冠

偽作商賈游金壇登顧龍山。元譜山在縣南五里再至鎮江登北固樓已復往嘉興。

是年詩有顧龍山高皇帝題詞一首。元譜元末丁酉十一月明太祖駐蹕此山題詞云望東南隱隱神壇遍跨征車倚步登山樓等迂迂雲林艷艷風竹珊珊塵不染浮生九寰客中有僧舍三間他日

偷聞花鳥娛情山水相關重至京口一首榜人曲二首流轉一首秀州一首。徐譜案流轉詩云蓋先生自乙酉以後展轉秀州詩云將從馬伏波田牧邊郡北蓋至此而北游之志決矣

八年辛卯三十九歲

至金陵初謁孝陵。元譜拜侍郎公祠。穆案此句元譜本有車君刪去非也疑見乙酉下八月十四日至淮安與山陽王起田略徐州

萬年少壽祺定交。元譜文集有王起田墓志壽祺字年少崇禎庚午舉人工詩文書畫又工寫美人他若琴棋刀劍百工技藝糊而女紅刺繡粗而革工縫紉結不通曉風流豪宕傾動一時滄桑後罷公車僧冠僧服自名明志道人沙

門慈壽齋飲食肉如故孫徐之亂移家公路浦著有臨西堂集抵清江浦。元譜

是年詩有恭謁孝陵一首。穆案郡國利病書孝陵在南都外城內鍾山之陽懿文陵附於其側拜先曾王父木主於朝天宮後祠中一首贈萬

舉人壽祺一首 淮東一首。

元譜。爲劉澤清作也。澤清爲福王時四鎮之一。開府淮東。頗事聲色。順治二年五月。福王出走。七月。澤清率所部納降。又三年。戊子。陰與曹縣叛。寇通許。以內應。遂作亂。陷曹縣。十月。英親王

討平之。詰其由。知出澤清。乃族誅之。詩中云。地下逢黃侯。謂靖國公黃得功也。得功先於乙酉六月。王師據江口時。迎戰中流。矢死。贈人一首。

九年壬辰。四十歲。

入郡城。奠姊壻陳皇士之父。文莊公祠。

元譜。文莊名仁錫。字明癩。號芝莖。天啟壬戌。探花。南京國子監祭酒。福王時。膺薦。事。諡文莊。宏光元年。子濟生。濟生。濟積。奉詔建祠於臥龍街。關廟之右。濟生字皇士。以

薦。歷官至太僕寺丞。稷案。靜志居詩話。皇士。經亂歸田。耕。啟。積。兩朝。遺詩。又命工傳寫。明三百年來。忠臣義士。像。裝以爲冊。可稱好事矣。

至吳縣之橫山。展拜遠祖黃門公墓。

元譜。墓在橫山。東。越來溪上。盧

灤石湖志云。墓上有一巨石。橫臥可二丈許。石上古松。如畫。湖上望見之。即知爲野王墓也。先生時。尙如故。

遇路舍人澤溥於虎邱。

元譜。舍人時。攜家奉母。寄居湖上。徐譜。按先生去歲。贈萬壽壽祺詩云。會待淮水平。清秋賽吳

榜。又贈人詩云。路旁多行人。一南一以北。南北遂分手。去去焉所極。盡所送之人北行。而先生仍南歸矣。故拜黃門墓。而路澤溥詩亦云。相逢金閨西也。稷案。先生有逸書小帖云。路安。顧名澤溥。曲周人。故總督。皓月公之長子。又廣師篇云。險阻備嘗。與時屈伸。吾不

如路安癩。注互見詩下。

自唐市仍返千墩。

至清江浦。渡河。抵王家營。

是年六月。弟子嚴。得子洪慎。

元譜。作十九日。蘇案。崑新合志。洪慎。

字汝嘉。試成均。得州倅。以親老。亂歸。從父。奕。奕。武。卒。於。晉。走。三。千。里。扶。輿。葬。祖。塋。承。遺。命。以。子。宏。佐。爲。奕。奕。武。癯。子。詒。毅。後。性。愛。客。就。所。居。四。偏。疏。泉。壘。石。與。故。人。嘯。詠。以。終。稷。案。據。衍。生。元。譜。先。生。卒。於。曲。沃。從。弟。嚴。自。崑。山。來。借。衍。生。扶。柩。歸。不。云。洪。慎。也。衍。生。又。云。以。遺。書。致。之。立。齋。兩。表。見。及。汝。嘉。兄。則。洪。慎。

時在郡中。未嘗至晉。甚明。當是志。誤。

從叔父穆庵。得子嚴。

元譜。崑新合志。嚴。字大雲。好學。工詩。少游。太學。嘗作落花詩百首。傳誦。聲下。

先生有世僕陸恩。

叛。投里豪葉方恆。

元譜方恆字昭初崇禎壬午舉人順治戊戌進士官至山東濟寧道食奉 種案順治戊戌進士履歷實覽葉方恆字敬默父重華戊辰進士太常少卿溫靈樓刻麴元壽與葉昭初手札陸愚作陸欽後刻集仍改作

風。陸

案鈔書自序年四十斐然欲有所作。徐譜

是年詩有同族兄存愉拜黃門公墓一首贈路舍人澤溥一首。

元譜澤溥父振飛字見白天啟乙丑進士涇陽知縣崇禎中屢遷至金都御史總督漕運遷撫

淮揚北都陷福王立於南京河南副使呂爾周爲圍賊節度使來代振飛突未進土涇陽武備爲賊防禦使招撫徐漕振飛擊擒二人卒爾周於法場命軍士人射三矢乃解縶之縛僕詢諸市鞭八十轎車獻諸南朝伏誅故詩中云松彪獻行朝逆黨皆戰慄又云天子呼恩官干戈對王使者唐王聿鍵嘗以罪緇守陵中官虜之振飛上疏樂寬釋宗得釋乙酉南京破聿鍵自立於福州通召振飛制書有朕有守困恩官路振飛云云既至拜太子太保吏部尚書兼文淵閣大學士官一子驥方員外郎又錄守淮功唐鍾衣世千戶順治三年王師攻克仙霞關聿鍵走汀州振飛追赴不及汀州破走居海島明年將赴永明王乃以悲憤成疾而卒粵中賜諡文貞

清江浦二首丈夫一首王家營一首傳聞

三首。元譜是歲永明王在肇慶李定國攻陷廣西王遣使召定國入衛蓋王爲其下孫可望所制聞闕奔竄故也

爲常熟楊子彝作祠堂記。

元譜謙案汪堯楊顧兩先生傳云萬曆之手士之爲文者喜倡新說時遠傳注兼與大倉顧夢麟方明先儒之說天下翕然從風稱楊顧學以歲貢爲松江訓導作與人材甚廣居五載獲知

都昌縣。以道阻弗克赴任。明亡。遂不出。晚歲自盲。編令人讀背其側。為諸生講說無少倦。年七十九卒。

十年癸巳年四十一歲。

三月魯王去監國號。不知所終。徐譜。

春。至金陵。二月。再謁孝陵。並謁太祖御容於靈谷寺。

元譜雜案。靈谷寺。梁天監十三年。為寶誌公建塔於鍾山玩珠巖。前名開善精舍。後為開善寺。宋改名太平興國寺。後名蔣山寺。明

初。改寺於舊墓之東五里。而舊墓為孝陵。太祖帝后御容。今孫山儀墓庵中。亦有摹本。不知即孝陵中藏本否。

十月。三謁孝陵。并作圖。

詒穀孺。更納戴氏。

元譜雜案。歸元。恭集。戴贈先生

納姬詩云。同心初結在秦淮。孤寄清江音問乖。雖異九秋疑好怨。已如一月太常齋。占熊從此歡無既。弋戾何妨老自憐。不待王耶去。迎接西風今送入君懷。自注。謂甯人於金陵納姬。置之清江浦。至是姬得南歸云云。今則不辨所納何氏。以時事案之。或是戴也。

松案。先生去年自王家營仍歸洞庭山。是年有路舍人家詩。路居於洞庭東山也。由洞庭山至江寧。復自江寧歸吳。贈楊永言詩序云。今復來吳下。感舊有贈。又贈郝將軍詩序云。今為醫於吳之上津橋。言

及舊事感而有贈。贈劉教諭詩亦云。栖遲十載五湖湄。皆在吳之蹟也。徐譜。松案。此段可補元譜。二月後至九月之間。

是年詩。有路舍人家。見東武四先歷一首。元譜。舍人父文貞公。在國時特請製新歷。再謁孝陵一首。恭謁高皇帝御容一首。贈

朱監紀四輔一首。監紀示游粵詩一首。贈鄒處士繼思一首。

徐譜先生此數年中往來無定而金陵揚州市井皆至故贈鄒繼思詩云年年尋杜甫一過澆花

溪鄒實業揚州先生類過之

昔有一首。楊明府永言復來吳下一首。送歸高士之淮上一首。贈劉教諭永錫一首。

元譜案永

錫字欽爾號瞻庵魏縣人崇禎丙子舉人。突未謁選長洲教諭。邑令遂寧李實廉知其貧欲煩以吏事謝不應。已署上海令事。與妻子日食蔬粥居三月還長洲乙酉之變率妻栗氏及童僕二十餘人隱居相城大吏遣人說之永錫拔劍欲自裁乃止。謂其妻曰彼再至我與若立自決矣。皆裂尺帛握之會海上兵起乃罷。永錫有女許字未嫁。亂後恐貽父母憂。絕粒而死。其母哭之成疾。亦死。後大水乏食。家童相繼死。埋骨道旁。永錫遣子臨與婦歸。魏臨既歸思父不置。假貸得百金欲贖以獻父。星夜南下。馬驚墮地。被傷死。初永錫長八九尺。容貌甚偉。至是毀形骨立。見者哀之。久之成疾。漸劇。一夕大呼。烈皇帝者三。遂卒。時甲午秋也。同時有齊丈人者。撫其喪葬於閭門外半塘。以妻女謝之。程案。舊志居詩註。永錫有洎水遺詩。又曰洎水至性之士。兵後隱居相城。有大吏強之仕。祖禍疾視曰。我中原男子。年二十渡漳河。登大徑。躍馬鳴鞘。兩河豪傑。誰不知我。欲見辱邪。取壁上所挂劍。欲自對門下土抱持之。得解。既而女妻相繼餓死。子爲盜所傷亦死。久之洎水歿。其弟子徐盛。陳三島等。經紀其喪。葬之虎邱山塘。贈郝將軍太極一首。孝陵圖一首。十廟一首。

元譜案洪武二年立十廟於雞鳴山。又增功臣廟。祀徐達以下二十一人爲十一。後又增四廟。今已半就祀廢。

顧亭林先生年譜卷二

十一年甲午四十二歲

春至金陵卜居神烈山下

元譜 程案神道表先生僑居神烈山下徧游沿江一帶以觀奮都畿輔之勝

由儀真歷太平登采石磯東抵蕪湖秋游

燕子磯留宿僧院至冬始還

元譜

是年長甥乾學以選貢入成均

程據權團集補

第三甥元文鄉試中式舉人

元譜

先生此數年未歸崑山觀松江別友人詩言十載遠鄉縣三年旅舊都可知矣

徐譜

是年詩有金山一首僑居神烈山下一首古隱十二首真州一首太平一首嶠磯一首

元譜 續在蕪湖

江上

一首久留燕子磯院中一首

徐譜詩云寄食清江院從秋又涉冬盡冬盡又歸神烈僑居故明年元旦得在陵下

范文正公祠一首錢生蕭潤之父出

示所輯方書一首

元譜蕭潤字楚日無錫人著有南忠錄諸書

十二年乙未四十三歲。

二月初五日午刻江南地震。六月初八日地又震。元

元且四謁孝陵。補春自金陵還崑山。五月十三日擒叛奴陸恩數其罪。沈諸水。叛黨復投葉氏。訟

之官。移獄松江。元先生贈路光祿詩序云。先是有僕陸恩。服事余家三世矣。見門祚日微。叛而投里家。余持之愈。乃欲陷余

重案。余聞亟掩之。數其罪。沈諸水。其增復投葉訟之。郡行千金求殺余。余既待訊。法當囚繫。乃不之獄。實而繫諸

秦奴之家。同人不平。爲代懇之。兵備使者移獄松江府。以殺奴論。空計不行。而余有戒心。乃浩然有山東之行矣。神道表。日愈有

爲先生求救於某公者。某欲先生自稱門下。而後許之。其人知先生必不可。而懼失某公之援也。乃自書一刺與之。先生聞之。急策刺

選。不得。列揭於通衢。以自白。某公亦笑曰。甯人之下也。曲周路舍人。議兵備使者。乃爲懇之。始得移訊松江而事解。稟案爲先生求

救者。歸高士元恭。某公者。謂錢謙益也。謙案歸元恭。集與葉順初書。弟到郡時。知甯人兄寤於事。勢將有不測。與論亦多以兄爲已

甚。故弟語稍激切。然論其究竟。愛甯人亦所以愛兄也。已而崑老輩。委曲相勸。兄亦動惻隱之心。要於兄之自爲計亦大便。而弟輩則

軍而誦兄之高義。昨在西郊。文初子佩諸君及二三遠方友人。問及弟。公言於衆曰。此事誤在顧。而葉能不終訟。可謂仁人君子。人皆

服兄爲有量。及歸。忽聞有變局。爲之大驚。兄嘗謂甯人。城府深密。機穽滿腹。兄前已諾和議。而忽出最難之題目。追之以必不能從

之事。是名雖曰和。實欲戰也。兄豈亦有城府。機穽邪。崑老極和平之人。亦以兄爲太甚。今將去矣。弟亦即日同國馨去矣。但思兄若不

肯就。和而而必欲云云。甯人計無復之。必自經濟演無疑也。陸恩。人奴也。尙不可殺。而追其主以取償。甯人非尋常無聞之人。又事

無死法。而一旦追之致死於兄。便乎不便乎。甯人無親子弟。料死後必無與申冤者。卽有兄自當有以待之。固知殺甯人。萬萬無害。獨

不畏清議乎。甯人腹笥之富。文筆之妙。非弟一人之私言。卽瀆老諸公。皆擊節稱賞。四方之士。見其詩古文者。往往吞嗟愛慕。兄能殺

甯人之身。能并其生平之著述而滅之乎。使天下後世讀其詩古文者。以爲如此文人而殺之者。乃葉順初也。此名美乎不美乎。自古

文人之受禍者。如子蘭殺屈原。姚賈殺韓非。後世讀離騷及三公子之書。無不唾罵子蘭。姚賈。陳同甫爲小人。據陷入獄。每讀其傳。爲之髮指。曾以兄平日自待之高。明何苦而爲此事。邪想兄之意。以爲甯人即死於牢獄。死於桎梏。不得兩頰初殺之。吾雖欺。當盡士大夫有口。亦可畏也。凡此之言。皆所謂愛甯人。即以愛兄也。云云。核其語意。松江之獄。所由來歟。徐譜。先生乙未年。答原一公。屬兩場書云。奴隸賤張。親朋凋倒。或有聞死灰之語。流涕而看。韓安覽窮鳥之文。撫心而明。趙壹。杜憲公論得脫危懼。謂此事也。

是年詩。有元旦陵下作一首。歸生屨。陳生芳績書來答之一首。贈路光祿太平一首。

種案。錢飲光明末野史。水歷紀事上。

規模闊大。好仿佛漢光武。平時恩舊。皆以南陽故人目之。如路振飛。遠隔三吳。寡館召至者。費銀五百兩。給以六品京秩。振飛至。取日拜相。官其子太平爲卿。又案。餘集。王國翰墓志。稱太平嘗奉桂王命。徵兵於外。至樂昌。國翰往依之。

嗣王生

仍一首。永夜一首。訓陳生芳績一首。

種案。芳績。字亮工。常熟人。處士鼎和之子。先生避難語濂溪時。與鼎和比鄰。亮工時猶少也。著有歷代地理沿革表四十七卷。道光十三年。其鄉人張顯察大備爲

刊行 贈路舍人一首。錢行人邦寅一首。

十三年丙申四十四歲。

春。獄解。回崑山。三月。本生母何太孺人卒。閏五月。至鍾山舊居。獄解後。葉氏憾不釋。遣刺客偵所

往。至是。追及於金陵太平門外。擊之。傷首。遇救得免。

是月初十日。五謁孝陵。冬。在鍾山度歲。元

是年詩有松江別張處士懋王處士焯諸友人一首贈潘節士極章一首。極章字力田吳江人。極章之兄。恭謁孝陵一

首王處士自松江來拜陵畢遂往蕪湖一首。程案處士即下游潘洪橋之王漢乙卯年閏五月十日詩有三更憶王符老飄零恨不同自注王徵君漢昔日同詣孝陵行香今年七十七

矣。桃葉歌一首黃侍中祠一首。先生自注在南京三山門外橋洪橋。程案橋洪橋祠今已無迹可尋城中金陵閣之祠蓋棟建也。王徵君漢具舟城西同楚二

沙門小坐柵洪橋下一首。程案漢字元偉上元人父之潛慷慨好義漢能色養崇禎丙子舉於鄉先是戶部郎中倪篤之薦於朝以賢良徵不就念世亂親老賦南陔詩以見志著有南陔集見江寧府志及上元縣志

程案明詩綜引顧甯人論元偉詩云先生詩深以婉和而摯不失三百篇溫柔醇厚之旨攝山一首賈倉部必選說易一首。程案江寧府志儒林賈必選字徒南上元人萬曆己酉舉人戶部主事

程案西新倉時巨寇連連兩部復道其黨分伺六倉必選盡黜陋規無所染指為稍赦會同官倪篤之以屯豆下獄必選知其冤據事陳辨謫九江幕俄遷桂林司理升南工部虞衡司未任丁父艱歸即杜門不出以講學者著為事本年八十七著松蔭堂學易

行世旅中一首訓王處士九日見懷一首送張山人應鼎還江陰一首。程案道光二十年新修江陰縣志藝文門采先生此詩而應鼎之名字疑如然則山人信能卉布荷衣

和陳生芳績追痛兩尊人之作二首。鴻冥塵外者矣

作方月斯詩序。程案月斯佚其名穀城人明輔臣岳真之子甲申後賣卜吳門夏節愍完淳集有贈方穀城遺孤流落郡中詩先生序謂與方子訂交自單闕之歲今且六年矣余客鍾山而方子亦僑居鍾山不數數見頃冬春之際

余以仇家之訟至雲間遂被中困不自聊而方子時時相遇藉藉與余
周旋兩月因出其詩草示余讀之云云以時事攷之當在是歲無疑
十四年丁酉四十五歲

元且六謁孝陵

徐譜案元日詩云晨興自江上踰嶺走鍾山又云流轉雖不
居咫尺猶天顏蓋先生是時雖寓金陵而非神烈山之居矣

春自金陵仍返崑山避讎將北游同

人餓之歸元恭爲文以贈其行

元譜序曰余與甯人之交二十五年矣其他同學相與或二十年或十餘年蓋未嘗有經歲
之別也今於甯人之北行也而不能無感慨焉甯人故世家崇禎之末祖父盛源先生賢兄

孝廉捐館一時喪荒賦徭蠲集以遺百八百款典業公子券價僅當田之半仍斬不與閱二載甯人請求無慮百次乃少畀之至十之
六而遂國變公子者素倚其父與伯父之勢陵奪里中其產逼鄰甯人見顧氏世衰本蓄意吞之而甯人自母亡後絕迹居山中不出
同人不平代爲之請公子意弗善也適甯人之僕陸恩得罪於主公子鈞致之令誣甯人不執將與大獄以除顧氏事泄甯人率親友
掩其僕執而箠之死其同謀者懼奔告公子公子挺身出與甯人訟執甯人囚諸奴家脅令自殺同人走叩憲副行提始出甯人比刑
官以獄上甯人殺無罪奴疑城旦憲副與公子年家然心知是獄冤又知郡之官吏上下大小無非公子子人者乃移獄雲間守坐甯人
殺有罪奴疑杖而已公子忿怒遣刺客戕甯人甯人走金陵刺客及之太平門外壁之傷首墜臍會救得免而叛奴之黨受公子指糾
數十人乘間劫甯人家盡其歷世之傳以去甯人度與公子訟力不勝則浩然有遠行而同人知之甯人者攜尊棧送之酒半作而言
曰甯人之出也其將爲伍員之奔吳乎范雎之入秦乎吾輩所以望甯人者不在此夫宣尼大聖猶且遭難畏匡文王之仁不矜厥愷
寧人之學有本而樹立有素使窮年讀書山中誰復知甯人者今且登涉名山大川歷聘六國以廣其志而大其聲藉藉知今日困厄
非甯人行道於天下之發軔乎若曰怨仇是尋非賢人之志別離於念非良友之情於是同人咸曰善請欲以並其行而歸予爲之序

至萊州與掖趙汝彥士完任子良唐臣定交

元譜士完字汝彥崇禎壬午舉人遭亂後棄家而南竊栖廢寺弟士冕官
鎮江太守物色得之強之歸士完故萊之巨族從兄士誥入復社有名同

體兄士元，士亮，士寬，弟士冕，並以才稱。唐臣，字子良，真定弟虞臣，亦以學聞者。

從唐臣假吳才老韻譜讀而校之。過卽墨游勞山。由青州至濟南。

與徐東癡夜，張稷若，爾岐，定交。

元譜東癡，初名元善，字長公，墓稽叔夜之為人，更名夜，字東癡，號稽庵，濟南新城人，東萊韓文章原本經史，王漁洋嘗索其稿，但遜謝而已。後往江西，波瀾陽，稿盡沒於水。漁洋爲據拾遺詩二百餘首，付之梓。稷若，名爾岐，號蕭庵，濟陽諸生，先生與汪鈍庵書云：張君稷若所作儀禮鄭注句讀一書，根本先儒，立言簡當，使夫子見之，當不備謝監獄之稱許也。又與鈍庵論道書云：獨精三禮，卓然經師，吾不知張稷若，日知錄於喪禮，得喪二條，內備載稷若之說。程案：稷若生於萬曆四十年壬子，長先生一歲，稷若歿，先生以詩哭之云：歷山東望正悽然，忽報先生赴九泉，寄去一書懸劍後，貽來什履絕章前，衙門月冷葉驚空，墓道風枯宿草出，從此山東問三禮，康成家法竟誰傳。此詩亭林集不錄，附見蒿庵集末。

是年詩有元旦一首，萊州一首，安平君祠一首，不其山一首，勞山歌一首。徐譜案：詩云：春日會鼓擊，蓬蓬則游勞山，猶在春時。張饒

州，允論，山中彈琴一首。程案：進士履歷便覽：允論，字慈叔，萊陽人，崇禎甲戌進士，戶部主事，丙子升員外，丁丑升郎中，戊寅升饒州知府。徐譜：此詩亦作於游勞山時也。淮北大雨一首，濟

南一首，秋柳一首，訓徐處士元善一首。徐譜：夜亦有九日，得顧審人書約游黃山詩云：故國千年恨，他鄉九日心，山陔餘涕淚，風雨罷登臨，又以書勸先生爲昌平承天之行，則先生後此之關天齋

山嵐士啓之也。

作汝州知州錢君行狀。元譜公子大受字伯衡歲貢生官博興訓導以詩名。

勞山圖志序。穆案池北偶談引先生勞山既注曰顧近寄所著日知錄內辯勞山三則又與前說不同。儀禮鄭注句讀序。齊四王家記。

十五年戊戌四十六歲。

春至泰安登泰山。元譜穆案金石文字記岱岳觀遺像下曰碑下爲積土所壅予來游數四最後舉人發地二尺下而觀之乃觀之云云據元譜先生凡至泰安者

三記中云云未得其年謹志於初游。旋赴兗州至曲阜謁孔林往鄒縣謁周公廟孟廟過鄒平游張氏萬斛園。

元譜故明兵部尙書張廷登所居與邑人馬宛斯驢訪碑郊外。穆補金石文字記鄒平縣南五里有景相公墓某氏之裔自洪武間有兩舉人今亦尙有諸生不能記其祖矣予至其邑有諸生二人來稱某氏之孫

請問其祖爲誰予取通鑿及五代史周世宗紀示之乃謝而去聞一日往郊外視其墓碑雖剝落者十之一二而其曰故中書侍郎平

專事景公諱範字甚明白云云又稱軀云此僕在鄒平與邑人宛斯馬君名驢親訪其碑而錄之者池北偶談馬驢字聰御一字宛斯順治己亥進士仕爲淮安府推官終靈璧令生而清羸博雅善古尤精春秋左氏學著釋史一百

六十篇篇爲一卷始開闢原始迄今令人表其書最爲精博時人稱爲馬三代崑山顧亭林尤服之抵章邱訪張隱君元明。元譜

隱君名光啟世居章邱白雲湖上少爲名諸生崇禎庚辰年四十遂棄舉子業闢一園曰省園以種樹藝花自樂亂後足不履城市年八十餘卒有張仲集詩若干篇漁洋爲刪存百餘篇傳之。元譜至長山主劉隱君果庵家。元譜

隱君名孔懷號果庵長山人精於考覈先生主其家與之辯析疑義復至濟南。元譜訪徐東癡。穆補案東癡有顧舊人見過草堂所著有四書字徵詩經辯韻五經字徵范文正公流寓長山放諸書得張元明手書詩云江南有客來

荒殿手持一編象教辭。我聞整衣拜且展。中有
故人書及時云云。以元譜校之。必此年事也。

再赴萊州之濰縣。

入都至薊州。歷遵化玉田。抵永平。登孤竹山。

謁夷齊廟。是年先生從子熊登武科進士。

元譜謙案。崑新合志。熊字非熊。又字爾策。性耽文史。不樂仕進。嘗輯其先世自上海遷崑宗譜簡畧有體。為從父炎武所稱。

是年詩有登岱一首。謁夫子廟一首。七十二弟子一首。謁周公廟一首。謁孟子廟一首。萬斛園小集

一首。仙隱祠二首。濟南一首。自笑一首。訓韭溪草堂聯句見懷一首。濰縣一首。衡王府一首。督亢一

首。京師一首。薊州一首。玉田道中一首。永平一首。謁夷齊廟一首。

十六年己亥四十七歲。

出山海關。返至永平之昌黎。著營平二州史事六卷。

元譜。先生在永平。適永平府志成。求先生作序。因著此書作序應之。

至昌平州。初謁天壽

山。元譜。穆案。昌平山水記。天壽山在州北一十八里。永樂五年七月。皇后徐氏崩。上命禮部尙書趙瓚等。往擇地。得吉壤於昌平縣東黃土山。及車駕臨視。封其山為天壽山。以七年五月己卯作長陵。自是列聖因之。皆非於長陵之左右。而同為一城焉。

出居庸關。仍返山東。

元譜。穆據。鄆平縣志補。施尙白縣志序。是時比部張奉之。請告家居。藏書多。嘗邀博采勤蒐。進士馬宛斯。討核詳實。而吳門顧爾人自上谷來。悉授以校之書。遂

成。凡八卷。順治歲次己亥九月。督學使者施閔。章字尙白。宣城人。號愚山。逕長清。訪碑靈巖山寺。穆補。金石文字記。靈巖

號。號矩齋。順治己丑進士。由江西參議召試鴻博。授侍講。奉之名萬選。

刺在長清縣靈巖山寺中。其山距府九十里。自前代稱為勝境。宋金元人題字最多。余至則

穆補。金石文字記。靈巖寺。宋李道詩下云。右小石

雷兵火之後。從積靈階。委之荆棘瓦礫之中。然猶得唐一宋金元合四十餘。以後不能悉數。南歸。次揚州。旋復北上。至天津

度歲。徐諸案。秋雨詩云。秋雨合淮泗。一望無高深。顧與治詩序云。余行三歲乃歸揚州。而與治卒。又與江。南諸子別詩云。雲生岱北天多雨。水決淮壩地有魚。蓋秋水之時。先生正南下。旋復北行至天津也。是年八月。以雲南

平。特詔再行會試。補。元文。登進士一甲一名。元諸。程案。順治己亥進士。履歷便覽。徐元文。榜姓陸。庚子。奉旨復。又立齋序。歷代宅京記曰。義者大廷對策。荷先帝國士之知。先生易

曰。必有體國經野之心。而後可以登山臨水。必有濟世安民之識。而後可以攷古論今。同里葉方藹。一甲三名。徐諸。方藹。字子青。號詞庵。程案。詞庵。方恆之胞弟也。

是年詩。有寄弟紆。及友人江南三首。山海關一首。望夫石一首。昌黎一首。三屯營一首。恭謁十三陵

一首。程案。十三陵者。成祖。永樂。長陵。仁宗。洪熙。獻陵。宣宗。宣德。景陵。英宗。正統。裕陵。憲宗。成化。茂陵。孝宗。去治。泰陵。武宗。正德。康陵。世宗。嘉靖。永陵。穆宗。隆慶。昭陵。神宗。萬曆。定陵。光宗。泰昌。慶陵。系宗。天啓。德陵。凡十二陵。合懷宗。思陵。為十三也。

王太監墓一首。程案。昌平山水記。大行皇帝懷宮門外。右。為司禮監太監王承恩墓。以從死。附焉。劉諫議祠一首。自注。在昌平舊縣。今廢。程案。諫議名實。字去華。昌平人。元時。以昌平縣官宮。諫英。請始為之立。

祠。元史。泰定二年。置諫議。書院於昌平縣者。此也。居庸關二首。重登靈巖一首。秋雨一首。與江南諸子別一首。天津一首。舊滄州

一首。

作曳梯郎君祠記。

十七年。庚子。四十八歲。

二月至昌平。再謁天壽山入都。六月仍赴山東。秋南歸過六合。稷案：車君以過六合為明年由浙回蘇後事。抵金陵。七謁孝

陵。元譜：徐譜：神道表云：既謁長陵。念江南山水有未盡者。復歸六謁孝陵。作詩云：聞君何事三千里。春謁長陵秋學陵。是也。稷案：先生實七謁孝陵。表云六謁。誤。

是年長甥乾學中式順天舉人。元譜

女甥塔申稷舉南省鄉試第一。

稷據情園集補：稷字叔旆。號梅江。吳縣人。明大學士時行曾孫也。先生又有姪女嫁大金王吳弁州山人之裔也。字維夏。號頌園。前明諸生。善詩歌古文。吳梅村歎其才為天下無雙。已

未嘗大科。屬力疾入試。報罷旋卒。詔授中書。順張思賢等

筆記曰：頌園妻亭林姪女。少受業於亭林。故學有根柢云。

先生是時寓居淮上。案書吳潘二子事。潘子刻國史攷異三卷。寄余於淮上。即謂是年也。贈黃師正詩。揚州九月中。煨芋試新酎。又顧與治詩序云。冬余過六合。沈子遷出與治詩一編。皆先生此年南歸後行蹤也。徐譜

是年詩有再謁天壽山陵一首。送王文學屬正歸新安一首。

元譜自注：生舊在金侍耶聖幕府。案金正潘。繫於順治乙酉。襄陽勇起義。數州十月大兵破之。殉難。

錄 答徐甥乾學一首。白下一首。重謁孝陵一首。贈林處士古度一首。

元譜：古度字茂之一字那子。福清人。時年已八十一。亂後僑寓金陵。著有茂之詩選。

贈黃職方師正一首。

元譜自注：建陽人。案職方生平無攷。擇詩。意當亦受唐王職。概敗而遁於金陵者。

作顧與治詩序。元譜謙案與治字夢游江寧貢生河南副使孫之曾孫嘗選官棄去王俸今世既述其軼事顧詳。穆案車蓋以與治詩序爲明年辛丑作案云此過六合作顧詩序一則元譜未載今攷車君蓋誤以歸次揚州爲今年事。

故誤以序中明年字屬之辛丑也。

十八年辛丑四十九歲。

是年爲明桂王永歷十五年七月緬酋殺由榔從官十二月獻由榔於大軍明年四月殺於雲南。徐

回蘇至杭州渡江謁禹陵弔宋六陵閏七月仍返山東十二月立春日輯山東攷古錄成。元譜。穆案四庫書

據要存目載此書云王士禛居易錄記炎武嘗預修山東通志或是時所遺稿本未可知也案居易錄明言通志修於癸丑是爲康熙十二年也據要誤。是年申穰成進士。穰補。穰由內閣中書改職部主事送郎中出爲廣西攝

學案

是年適越往來皆由吳江之江村書潘吳二子事云余往越州兩至其廬蓋至吳江卽訪潘力田也。徐

是年詩有杭州二首。元譜指遊王監國時事。禹陵一首宋六陵一首顏神山中見橘一首。元譜山在益都。許瀚案今爲博山縣。爲餘姚

呂莪之章成作呂氏千字文序。元譜謙案餘姚縣志章成字莪之號秋崖大學士本曾孫與陳函輝張明勳楊體元爲憲氣交函輝從事紹興薦章成爲翰林待詔章成曰俾將屬兵日事寇抄越城中顧履頓頭

敦死不遺豈復可爲之日邪卒辭不赴函輝死章成走哭於台州意有所觸則惘惘獨行欲得異人而友之訪戴昂於鄆尉遇顧奕武於昌平山慷慨賦詩歷吳齊燕粵無所遇乃歸名其讀書之室曰藝圃曰予集於藝圃謂茶苦者病中自燬其者述曰此無用之虛談也所存有浴日樓集八卷秋屋詞據志較識先生於昌平山先生自己亥庚子壬寅甲辰己酉丁巳先後凡六至昌平此作序時已再至當是與章成相遇後矣

康熙元年壬寅五十歲

正月由山東入都 三月至昌平 三謁天壽山十九日謁懷宗橫宮

元譜 昌平山水記大行皇帝御宇之日未卜山陵田妃薨葬淳陵之下南距四山口一

里餘遣工部右侍郎陳必謙等營建未畢而都城失守賊以大行皇帝大行皇后周氏梓宮至昌平州之士民率饋棄夫葬之田妃薨內移田妃於右帝居后居左以田妃之梓宮帝梓宮而封之後乃建碑亭各一座門三道殿三間無陛兩廡各三間有周垣而規制狹小音宋之南渡會稽諸陵皆曰懷宮實陵而名不以陵春秋之法君弑賊不討不書葬實葬而名未葬今之言陵者名也未葬者實也實未葬而名葬臣子之義所不敢出也故從其實而書之也

出古北口往薊州仍

至昌平 五月二十八日先生誕辰有致饋者作書辭之 至真定之新樂

元譜 日知錄 木刀溝條自注 余通新樂林君華晚見示所修縣志云

云 稽案 順治十八年 繕紳新樂知縣林華晚 凝山 福建莆田人 披貢 抵曲陽 謁北嶽恆山 元譜 稽案 金石文字記 北嶽廟李寬詩下云 右詩在真定府曲陽求梯不可得 止就 下方讀之云云 至井陘 十月至大同之渾源州 度汾河 至平陽府 元譜 是年公肅甥以江南奏銷案

聖誤 謫官變儀衛經歷 稽據有聞 堂集補

是年詩。有事橫宮時聞緬國之報一首。古北口一首。五十初度時在昌平一首。元譜。日知錄。生日錄下。自注。余昔年薊門生日。

有致觀者。北嶽廟一首。井陘一首。一鴈一首。徐譜。先生之西征也。以初冬就道。故井陘詩云。擊

答以書。在城東七十里。有廟。有金泰和二年碑記。先生於日知錄帝王陵

條詳載諸說。頗以臨汾志爲疑。是時先生經游其地。故有此作。

條詳載諸說。頗以臨汾志爲疑。是時先生經游其地。故有此作。

有謁橫宮文。郡國利病書序。北嶽辨。

二年。癸卯。五十一歲。

正月。自平陽登霍山。

元譜。謙案。詩有春雪覆杉松句。故知當在正月也。穆案。金石文字記。霍山廟。建文碑下云。右小石刻。在霍山中。鎮廟西壁上。余行天下。見洪武永樂以來。祭告岳瀆之文。及它碑記甚多。獨未有建文年者。乃此

文雜於數十百碑之中。而字畫完好無缺。故亟錄之。游女媧廟。元譜。在趙城。縣東八里。

至太原。訪傅處士青主。元譜。傅名山。字青主。初字青竹。號齋廬。別號公之。陽曲人。少受知於袁隆侯。繼成崇禎中。臨侯繼

督九江軍務。爲巡按御史張孫振誣劾被逮。山職納錢贖。伏闕上書。自其寃。馬君常作義士傳。比之裴瑜。魏劬亂後。爲道士裝。以醫爲業。工詩文。書畫入逸品。康熙己未。召試博學鴻詞。不應。授中書舍人。復不就。穆案。臨侯於崇禎七年。由主客員外郎擢山西撫學。倉

事。巡按御史張孫振。因請屬不應。誣劾之。其總督九江軍務。則在崇禎十五年。元譜敘述殊舛。又案青主生於萬曆三十四年丙午。長先生七歲。清邱劄記。老友山右傅青主先生。顧甯人。極稱其識字。先生廣師篇云。蕭然物外。自得天機。吾不知傅青主。潘耒遂初堂

集。出太原郡城東行可七八里。有寺曰永祚。雙塔巍然。捐雲霧日。見之四十里外。浮浮若旌。其下爲松莊。傅際君先生所居也。十七史商榷。昔顧甯人宿傳青主家。晨未起。青主呼曰。日芒矣。甯人怪而問之。青主笑曰。子平日好談古。首令何忽自昧之乎。甯人亦

不覺失笑。古音天呼若汀，明呼若芒，故青主以此戲之。種案：天呼若汀，雖本之陳第，毛詩古音故，然實誤，與先生之輪音不合也。青主一時戲言，故先生亦不復置辯。

至代州游五臺，與富平李子因篤遇。

遂訂交。

元譜：李字天生，更字子德，陝西富平籍，山西洪洞人。遂於經學，著有受祺堂集。康熙已未，試鴻博，授檢討，以母老辭，不許。遂三上，乃允。徐譜案：先生於康熙已未，與子德書云：弟行年四十九，是子德生於崇禎四年辛未，少先生十八歲，而先生作

子德之父墓志云：崇禎七年，因篤方三歲，三畫四字之講也。種案：受祺堂集，陶杜讓水詩注，曹司農秋岳觀察大同，陳使君祺公分藩雁門，予爾此凡八年。又王山史山志：天生從陳祺公於塞上，日事博綜，九經諸史，靡不淹通，祺公視為畏友，投契之深，有同骨肉。天生以是無內顧憂，而益肆力於學，及祺公備兵雁平，攜以入代，復為具養資游。圭組之英，蓬蒿之產，俱與交歡，傳青主，顧爾人，朱鶴電輩尤以古道相底厲。陝西通志：順炎武警業，杜句題贈，因篤云：文章來國士，忠厚與鄉人。鶴徵錄：富孫案：子德先生少孤，外祖田時需，撫之成立，受業其門。吾鄉曹倦翁觀察三晉，先生以故人子相從，因善代州馮觀察雲驥，雅愛其風土人物，唇句注，凡屬聞者十年，種案：倦翁名溶，字潔躬，又字秋岳，秀水人。崇禎丁丑，進士，順治初，由戶部侍郎出為廣東布政使，左運山西陽和道，裁缺，候用，旋丁母憂，歸，不復出。雲驥字訥生，代州人，順治乙未進士。大同教授，官至四川提學僉事。在汾州，聞執友吳赤溟炎、潘力田、種章，遭湖州莊氏私史之難，逸祭

於旂舍。諸先生青吳潘二子事云：蘇之吳江有吳炎、潘種章，二子皆高才，當國變後，年皆二十以上，並棄其諸生，欲成一代史。書以繼運固之後，會湖州莊氏難作，莊名延繡，目雙首，不甚通曉古今，以史運有左邱失明，乃著國語之說，蓋欲著其層那故國輔朱公國楨家，朱公嘗取國事及公卿蒞狀疏草，命胥鈔錄，凡數十秩，未成書而卒，廷鑑得之，則指致實者，日夜編輯，為明書，書冗雜，不足道也。廷鑑死，無子，家貲可萬金，其父允城流涕曰：吾三子皆已析產，獨仲子死無後，吾莫其志，當先刺其書，而後為之置嗣。遂梓行之。吳炎潘盛名，引以為重，列諸參閱姓名中，凡百餘秩，頗有忌諱語，本前人詆斥之詞，未經刪削者，莊氏既巨富，浙人得其實，往往持而恐嚇之，得所欲，以去，歸安令吳之榮者，以賊聚獄，過於得，出有吏教之，買此書恐嚇莊氏，莊氏欲贖之，或曰：贖此爾來。

盡子之財不足以給，不如以一訟絕之。遂謝之。榮告諸大吏，大吏右莊氏，不直之榮。之榮入京師，捕忌諱，語密矣。四大臣大憲，遣官至杭，執莊生之父及其兄廷釗及弟廷錫，并列名於書者十八人，皆論死，其刻書屬書，并知府推官之不發覺者，亦盡之。發廷錫之墓，焚其骨，籍沒其家產，所殺七十餘人，而吳潘二子，與其姪，方莊生作書時，屬客廷予，一至其家，予薄其人，不學，竟去，以是不列名，種免於難。謙案：潘力田，與吳赤溟，同草擬明史，以實錄為綱領，凡志乘文集，墓銘家傳，有關史事者，以類相從，積其異同，核其虛實，為國史攷異一書，頗有稱許之者。所著又有松陵文獻若干卷。由汾州歷聞喜縣之裴村，拜晉公祠。徐取道蒲州入潼關，游西嶽太華，過訪王

山史宏撰於華陰。元譜：山史宏撰，字無異，華陰人，明諸生。康熙戊午，以鴻博徵，不赴。清學好古，收藏法書名畫，金石，最富。居於

韻譜小帖：子政云：王無異名宏撰，一字文修，號山史，住華陰。華下有讀易廬，撰易象圖述及山志砥齋集。穆案：廣師云：好學不倦，篤於朋友，吾不如王山史。先生又有送

蘇西嶽廟南小堡內，故少馬公之子，湖中聲氣之領袖也。至西安。元譜：穆案：長安詩云：積雨乍開，羨漢。游富平，館李

子德家。徐譜：見寄劉大來詩注。又西至乾州。徐譜：十月，過訪李處士中孚於藍屋，遂訂交。元譜：處士名寄，字中孚，藍屋人，少

學著。康熙戊午，以鴻博徵，不赴。當事強迫之，阜至近郊，操刀欲自裁，始得謝病歸。穆案：處士生於天啓七年丁卯，少先生十四歲。二

曲集處士年譜云：癸卯十月朔，東吳顧甯人來訪，甯人博學宏通，上下古今，靡不辨定，既而歎曰：堯舜之知而不徧物，益先務也。吾人

當務之急，原自有在，若舍而不務，惟驚精神於上下古今之間，正昔人所謂攬卻自家無往驪山，訪明宗室存杠。元譜：存杠字

伯常，朱子斗之子。存杠命子烈及甥王太和受業。徐譜：案先生後有寄伯常並二門人詩。穆案：王山史，山志青門七子，皆宗室之賢，而

篤於學者也，各有詩文集，卓然成家，余所及與之游者，子斗翁而已。亂後數往會之。蕭

亦喜余嘗對人有松柏之譽。翁子伯嘗存紅年長於余。以翁與余善。而得余以執友之禮甚恭。然余固厚事翁。不敢以厲行進也。嘗與顧亭林言及亭林入善門。特訪其家。時翁已歿。見伯嘗索翁著作讀之。因爲之序。今伯嘗亦歿。其子孫冒楊氏。蓋從翁之母姓也。
出關至太原。元譜

先生答汪荅文書云。年過五十。乃知不學禮無以立之旨。又與人書云。某自五十以後。篤志經史。其於音學。深有所得。今爲五書。以續三百篇以來久絕之傳。而別著日知錄。上篇經術。中篇治道。下篇博聞。共三十餘卷。徐譜。荅文。號鈍翁。長洲人。順治乙未進士。由主事召試鴻博。授編修。著有養蒙詩文鈔。穆案。荅文。生於天啓四年甲子。少先生十一歲。

是年詩有元旦一首。霍山一首。女媧廟一首。晉王府一首。贈傅處士山一首。誦傅處士一首。陸來復述代許謙草疏攻鄭鄆事一首。詠史一首。李克用墓一首。五臺山一首。誦李處士因篤一首。送申公

子涵光一首。穆案。送韻譜小帖云。申胤。名油光。永年人。太僕公之長子。今庶常隨叔之兄也。太僕公。甲申殉國。難案太僕公名佳。允諡節愍。隨叔名油盼。順治辛丑進士。胤孟著有職山集。 誦史庶常可程一

首。元譜。可程字赤豹。大興籍。祥符人。崇禎癸未進士。閩部可法同祖弟。京師陷。可程降賊。賊敗南歸。可法請直之。還。稱王以可法故。令養母。可程遂寓南京。後寓宜興。四十年乃卒。 穆案。審親王致可法書所云。入關破賊。讓介弟於清班者。謂可程也。

祭吳潘二節士一首。寄節士之弟末一首。元譜。末字次耕。號稼堂。康熙己未。以布衣試鴻博。授檢討。受業於先生。又得王錫蘭及兄禮章之傳。凡詩古文。曆算聲音之學。罔不窮極。樸蕪者有。

遂初堂集 穆案次耕生於順
治三年丙戌少先生三十三歲

王官谷一首 蒲州西門外鐵牛一首 潼關一首 華山一首 驪山行一首 長
安一首 乾陵一首 將去關中別中尉存杠於慈恩寺塔下一首

作五臺山記 裴村記 復庵記 貞烈堂記 朱子斗詩序

穆案靜志居詩話諷料秦穆王九世孫有集才情橫溢極爲
富平李孔德所稱覽其麗麗千一百二十字雖未悉工而清

新不可
及也

三年甲辰五十二歲

正月五日至蒲州之滎河游后土祠適汾州

元譜穆案金石文字記今汾陽有大相小相二村相里氏之後尙有數
十家因攷北齊寺碑題名多相里氏至今千有餘年而裔孫猶居於此不

獨習俗淳樸而山谷之險猶足以自保故能累代不遷若山東
河南則兵火之餘人民散亡欲求元時遺族已寥寥不可見矣

自大同至西口入都

七月至昌平四謁天壽山

奠懷宗橫宮

至河南輝縣訪孫夏峯先生

元譜穆案先生丙午年遂韻譜小帖云孫徵君名奇達字啓泰容城人今
住輝縣萬曆庚子舉人今年八十三河北學者之宗師也元譜夏峯先生

年十七領鄉薦嘗參高陽孫承宗督師關門軍事與左忠毅魏忠節周忠介相善天啓末三公忤逆奄相繼逮繫先生拮据調護供養
饒道弟奇彥同鹿監軍善繼子馳書督師求援督師因上疏以邊事請陛見都門喧傳與兵至關遂奄聞之繞御牀泣軒師方抵邇州
降督勸回諸公遂不免崇禎丙子容城被圍設方拒守城賴以全事聞特詔褒嘉寇氛漸逼移家五峯順治初
復移家輝縣之夏峯生平讀書誤道務爲垂賢之學兩朝徵聘凡十一大輒堅謝不出康熙十四年卒年九十二返至泰安州度

歲。元譜。

是年詩有后土祠一首。龍門一首。自大同至西口四首。有事橫宮一首。贈孫徵君一首。

有謁橫宮文。

四年乙巳五十三歲。

由泰安至德州。復回濟南。置田舍於章邱之大桑家莊。

元譜。先是章邱人謝長吉世泰。負先生賞若干。至是以田產償焉。謙案。靜志居詩話。謂先生兵後盡鬻其產。寄居章邱。

治田舍。久而爲土人攘奪者此也。又先生甲寅年有別禾長白山下詩。案長白山在章邱長山二縣之交。別禾處即桑家莊產業也。

秋。至曲阜。再謁孔林。游闕里。元譜。與顏修來。光敏訂

交。種蠶手蹟補。札見丙午。修來。一字遜甫。曲阜人。康熙丁未進士。官吏部考功司郎中。著有樂園集。

是年詩。有訓程工部先貞一首。

元譜。先貞。字正夫。德州人。明工部侍郎紹孫。以祖蔭。歷官工部員外郎。濟南府志。工部皆病歸。家居二十年。以扶風教崇簡樸。相易勉里中節義之事。搜采成秩。年六十七。錄影一

棺題曰。休息庵。所著有燕山游稿。蕙庵詩草若干卷。穆案。復社姓氏。先貞名列德州弟一。

有與修來手札云。詩本音二屬送上。中有駁正者。乃衛太史筆也。此書未定。不必鈔錄。只將坊刻經一本圈注。其不合及大疏辟者。置之可也。更乞教正。爲衛底事。一有信即求示之。穆案。此札以丙午札推之。知當在此年。查與修來初識面時也。衛太史名

既齊，字爾錫，猗氏人。康熙甲辰進士。又案：手蹟向藏修來先生家，頃歸湖北。荆宜施道陶君樸所移於戊戌者，獲圖錄存之。後凡言手蹟及手札者皆同。

五年丙午五十四歲。

春由大桑家莊過兗州。稷據手蹟補。至廣平之曲周。游太原時，秀水朱錫鬯、彝尊、客晉藩署。過訪先生於

東郊，因與訂交。元諱諫案，彝尊字錫鬯，號竹垞，以布衣試鴻博，授簡討。徐諱案，竹垞年譜，康熙四年秋至太原，五年春，客山西。布政王公顯祥幕，其年二月游晉祠，三月游風峪，先生贈詩，言殊域送良辰。又云，草沒青巖晚，霜浮白墮春，則相

見必於春也。稷案，竹垞生於崇禎二年己巳，少先生十六歲，廣師云文章爾雅，宅心和厚，吾不知朱錫鬯。南海屈大均亦自關中來會。元諱，曠書序集注，屈五少為番禺諸生，名紹隆，諱案，屈字介子，字蕭山，為僧

自固原攜妻至代州，上谷再游京師，下吳會，自金陵歸粵。徐諱，健庵有懷舅氏詩云，自別維亭二載餘，風塵驅走近何如，健庵曾游太原，疑是時與先生相遇也。維亭侯考。出雁門。元諱，稷案，重至代州詩云，雁門春草碧，且復過萍沲，蓋在三月杪也。適應州。重過大同，遇故代府中尉俊晰，訪李

子德於代州，敕陳祺公上年署苑人，順治己丑進士。與子德輩二十餘人，矧貨墾荒於雁門之北。元諱案，先生與潘大耕書

有云，近稍貨質本於雁門之北，五塞之東，靡蕞墾荒，闢草萊，披荆榛，而立室廬。又云，彼地有水而不能用，當事遣人到南方，求能造水車，水碾，水磨之人，與夫能出賞以耕者。又云，北方開山之利，過於墾荒，畜牧之獲，饒於耕釋。云云。稷案，據王山史山志，則子德即以

是年入京師，復往山東，游泰山，謁天慶宮。十月，著韻補正成。至兗州守署，度歲。元諱，稷案，兗州志，此年知府為彭綱，

是年入京師，復往山東，游泰山，謁天慶宮。十月，著韻補正成。至兗州守署，度歲。元諱，稷案，兗州志，此年知府為彭綱，

賈虛黃 是年公肅甥復原官未任以父憂歸。種據有顧堂集補。

是年詩有寄劉處士大來一首。

元譜處士無攷玩詩中云蓋山左人而嘗客代州牧養者。

朱處士彝尊過余於太原東郊一首。屈山

人自關中至一首。重過代州贈李處士一首。出雁門關一首。應州二首。重至大同一首。

元譜日知錄九族一條自注余

丁未歲在大同。過代州中尉俊晰年近五十。攷其世次於孝宗。皆昆季云。案先生游代州。在丙午年。丁未則未嘗至代。編年詩集。系此詩於丙午。原自符合。或日知錄誤寫作丁未耳。

得伯常中尉書卻寄一首。

作聖慈天慶宮記韻補正序。

是年先生有寄顏修來手蹟云。去秋得接光塵。恨首路匆匆。未獲信宿之留。以聆微言而商大業。至於四方同人。遙相問訊。無不仰贊宏才。以爲今代復有知十之姿。庶幾之品也。仲春偶過宛署。未得親詣闕里。再侍雅譚。專俸齋所刻韻譜。呈正大方。至前日所留詩本首稿。係未改定之書。其中有舛誤者。指寫二條附上。閉過粘卷內付還。它日當攜全書奉觀。更求指謬耳。李爾未盡。徐譜以此札系之四年乙巳。去秋得接光塵下附案云。前札云。即過宛州。又云。諸容面悉。必修來於去秋。自關中歸。竟與先生晤也。穆案先生以韻譜寄人。是一時事。據送書小帖云。孫徵君。今年八十三。知必於丙午云。去秋得接光塵者。先生於乙巳秋。謁孔林游闕里。與修來相晤也。蓋前札雖云。即過宛郡。而實於泰安度歲。未即踐音耳。又一通云。捧讀大筆。清新雅逸。逼似唐人。所謂不意永慕之末。復聞正始之音者矣。舊刻二册。乃五六年前作。中有誤韻。幸爲疑之。河北關中書共六書。臚上姓氏居址。別開一紙。煩照單分致。又一通云。昨枉顧。以主人不在。率爾慢去。殊深不安。統俟文旌東過。面頌。并求惠示西征大作耳。長路關山。濁溼清渭。千難珍重。且起作書數千字。恐使人來取。匆匆遂不能詳。

又一通云。魯公書家廟碑。多寶塔碑。爭坐位帖。俱在西安府學。俗所謂碑洞者。其所書郭敬之家廟碑。在布政司內。奉使蔡州。置字并石刻像。在同州。咸懷恪碑。在三原縣碑洞中。石經及漢唐字。但有錢即可買。不必用官府。惟各州縣古碑。非官府不能致。然多是唐碑。惟保陽曹全碑極佳。其他若麟游之九成宮碑。長武之虞恭公碑。俱佳者。多印得曹全碑。各一幅見。真景感。穆案。以上三札。當在修葺殿裝西征之時。

又一通云。弟以今六月至鴈門。時李君天生自關中來。言修來社翁。在方伯署中。不多會客。初秋入都。而敝鄉沈澤老亦自關中來。交相推許。計太華終南之勝。二峪函谷之阻。周秦漢唐之賦。並已收較之行笈矣。山史兄。有王兩門人。並得一見。否石珍社翁。想閉戶著書。臥遊五岳。胸中當別具一邱壑。而鴻文大製。日新富有。則兩君固並關中原矣。弟頃至岱下。俟主人之歸。即過兗郡。先此奉候。并問秦中諸子消息。所置詩本音。乞付下。已大加刪改。將以新本就正也。諸容面悉。不既百一。穆案。徐譜以此札系之三年甲辰。以元譜證之。蓋前札在春末。此札在冬仲也。所云六月至鴈門。乃重至大同時事。所云楊王兩門人者。據途韻譜小帖云。楊伯常名謙。故王孫也。住西安府南八里大塔堡內。大塔者慈恩寺塔也。或寓在灌司署中。則求於到日。即遣人致之。又云。共書六封。各送韻譜一本。伯常則二本。故有七本。案楊氏何以爲故王孫。以字伯常。及住大塔堡攷之。蓋楊謙即朱存杠。鼎革後變其名氏也。大塔即前與存杠別處。獨寄韻譜二本者。存杠之子烈。甥王大和皆受業於先生。所謂楊王兩門人也。沈粹老者。沈荃字真裝。號樵堂。華亭人。順治壬辰翰林。又案。頃借得王山史山志有云。伯嘗物其子孫。冒楊氏喜感潤之不爽也。詳見癸卯下。

又一通云。大作清勁。無一俗筆。太華伊闕諸作。爲集中第一。思悲翁戰城前。亦有白傅議論之遺意。大雅之音。將復起於今日矣。敬服敬服。元稿返上。略商數字。謹以浮粟。未知有當否。諸容晤悉。穆案。此上二札。當在西征既還之後。又有不得其年與事者三通。附載於此。一通云。仙舟一晤。良裕積懷。王程靡及。不獲攀留信宿。以聲願。曾猶爲耿耿耳。所寄書版。乞付去。俾家訓如命。勸正。容於秋仲入都。面奉。率此附候。不悉。

又一通云。昨出。抵暮始歸。承駕左顧。失逆爲罪。家訓勸學。遂上井用硃筆。以便一覽。即得幸爲另鈔一本。仍乞原本見賜感感。

又一通云。弟棧至城中。尙未拜呈。老社翁須兩三日。以未申二時。過我。則得晤矣。大才何藉弟輩。想未見刻啓耳。附上一紙。不盡。

六年丁未五十五歲。

春。留竟李畧。刪訂近儒名論。甲集。

稔補。先生與修來手蹟云。弟向日錄有古今集論五十卷。頃竟李劉年翁延弟至畧。刪取其切於經學治術之要者。付諸梓人。名曰近儒名論甲集。因此淹留。尙有旬月。如黃地

友人家。有鄒架之藏。欲一就觀。且得以晤言講習。尤幸事也。日下欲借唐荆川稗編第一套。鈔錄幾首。未知可轉覓否。大小阮才名。已遠之當事。如便中至郡。可投一刺。極相企慕也。新詩并乞惠示。以便奉揚。伏餐燭下草此。附啓不盡。稔案兗州府志。同知袁烈澤。遺恩賈安化人。康熙八年任。所謂竟李疑卽其人。八年或六年之謬。或先題畧。後實任。未能臆決也。修來卽以此年成進士。足證編書爲正二月間事。徐譜大小阮才名者。修來與叔伯珣俱有時名也。稔案伯珣字季相。明河間府知府。允紹次子。以陪祀特授蘇州州同。

修復芍陂之利。工詩古文。著有既芳園集。

南歸至山陽。主王起田家。

開雕音學五書於淮上。張力臣昭父子任校寫之役。元

力臣。山陽諸生。號亟齋。以實書畫爲生。尤精六書之學。黃而書古。多集金石文字。有昭陵六陵圖贊。焦山瘞鶴銘攷。傳於世。許瀚案。又有濟寧學宮漢碑釋文。濟寧潘氏嘗刻之。而所傳不廣。稔案五書後序。若夫本說文正字體。酌古今之間。而手書之。則張君昭與其二子叶增叶箕。又廣師云。精心六書。信而好古。吾不如張力臣。健庵有題張力臣小像七絕二首。其次章曰。奇字攝盡未渺茫。茂先家法在巾箱。對君轉復思元歎。洒淚風前誦渭陽。自注。力臣方爲舅氏。亭林校刻音學五書。受祺堂集有寄力臣詩曰。一代儒宗兩所向。叩須金石正皇初。自注。謂甯人先生時所著書。多屬君校刻。潛邸割記。甯人著有字書五種。託力臣精寫授梓。力臣曾寄一樣本來。果博且精。不可及也。

北行抵曲周。拜路文貞公祠。入都。

從孫思仁借得春秋纂例、春秋權衡、漢上易傳等書、清苑陳祺公資之薪水紙筆、傳寫以歸。元譜詳見鈔書自序

案先生有手札云、弟爲一二相知所困、似須秋杪方可行、昨諒鈔書者、能爲弟覓二人否、又一通云、弟以校讎之忙、不及親叩、專經走送、別有一函、求投入理、望令叔先生并潘致知己之言、不敢忘、惟努力讀書、以庶幾無負相期之惠也、二札疑皆在是時。

東遠、主德州程工部正夫、李刑部紫瀾家。元譜、李名濟、號述齋、芮城令、李紫瀾、弟、康熙丙辰翰林、官至刑部侍郎。

是年詩、有淮上別王生略一首。徐譜案、王略、因先生之故、以女妻潘耒、是年耒來至山陽、成昏於王氏、見稼堂撰亡妻王孺人壙誌、特先生別王略時、稼堂尙未至淮上耳。贈蕭文學企

昭一首。穆案、企昭、字文超、漢陽人、順治丁酉副榜、貢生、四庫書存目、收企昭性理譜五卷、云其書大旨在於伸程朱、而闢陸王、與歸陽履閑道錄所見同。拜路、文貞墓一首、過程工部一首。

過蘇祿國王墓一首。謙案、蘇祿、在東洋海中、地近浮泥泥閣、自古荒服之地、不通中國、相傳其國分爲東西兩王、而以東王爲尊、明永樂十五年、三王遣率其妻子來朝、貢、因並封爲國王、居二十七日、三王辭歸、其東

王次德州、卒於館、遂爾葬、乃遣使封其長子爲蘇祿國王、十八年、西王遣使入貢、十九年、東王母遣使貢大珠一、重七兩有奇、二十二年、復入貢、自後不復至、本朝雍正五年、始通貢、乾隆十九年、請三年一貢、奉旨五年一貢、由福建巡撫代題、自廈門入境。

遼京

作音學五書序、程正夫詩序。

是年六月、陳祺公重刻廣韻於淮上。王山史山志、李子德嘗得廣韻舊本、顧亭林言之、陳祺公、託張力臣爲綾水淮陰、此唐人所用之韻也。徐譜案、潘稼堂重刻古本廣韻序云、先師顧亭林先生深

明音學實始裴章此書刻之淮上然其所見乃內府刊本已經刪削者久而覺其書之不完作後序以志遺憾裴章先生書誤以宋陳彭年等重修廣韻為廣韻是本故疑此本已經刪削也祿堂竹垞亦同此見四庫總目提要辨之甚嚴

七年戊申五十六歲

春在都寓慈仁寺

徐譜慈仁寺在廣甯門大街額曰大報國慈仁寺 穆案受祺堂集奉答先生贈詩五十韻有云憶折南津柳同欣古寺曩自注前年與先生同客慈仁寺予先別去按即此年春事蓋予離既去之後先生始聞黃培

默事東行也道光二十三年夏何太史紹基句貨為先生建祠堂於寺西偏隙地一區架屋三楹几筵禮器悉備該春秋致饗祀焉二十四年落成二月十四日辛亥公祭程揆文曰先生生當叔季乘黃漢唐學堪為王者師志非以名山老身甘荒遐駐九原貞孝之心時際靈囂灑六調園陵之淚北征初賦策二馬以來游東道既過魏十鑿而恐後香民生之利病邑乘必幾究匪善之賊矣邊事親歷采山練治喻牛生尙論之精勤訂韻諧聲發萬古同文之要妙況乎志存淑世畫構書堂雅慕伏波厲構田牧舉比不塊繁東林復社之末流墨突未黔寒濼逕染莊如散屣惟慈仁之古寺曾作寓公計傳節之過行道在明日誦孔維炊羹之句下榻何頻補無異桑蓋之縣顧廬宛在荆榛乍啓燈豆初銷規墮雲臺典同石室所置墨車風馬貯靈來臨庶幾學海儒林精神不朽尙鑒又五月二十八日祭文先生行成忠孝學洞古今懲未造之蹈虛進吾徒以考實凡今代文苑儒林之彥敬佩遺書合天下求脩尙友之懷恩隆美報專嗣式啓吉觴祇錫敢因載誕之辰奉薦迎神之曲雖薊門卻值痛援往例於靈均而石室修儀展效拜經於榮緒尙其陟降鑒此惓忱

尙聞萊州黃培詩獄牽連卽星馳赴鞫三月下濟南府獄 元譜 先生手蹟云康熙七年二月十五日在京師慈仁寺寓中忽聞山東有案株連卽出都門於三月二日抵濟南始知爲不識面之姜元衡所誣姜元衡者萊州卽縣縣故兵部尙書黃公家僕黃寬之孫黃瓚之子本名黃元衡中進士官翰林以養親回籍揚皆其主原任錦衣衛都指揮使黃培見任浦江縣黃進見任鳳陽府推官黃貞麟等一十四人逆詩一案於五年六月奉旨發著撫親審事歷三載初無干涉忽於今正月三十日撫院審時稟稱有忠節錄卽啓禎集一書(元衡口供啓禎集二本皮面上有舊墨筆寫忠節錄字樣)陳濟生所作係嵐山顧甯人到黃家搜獲發刻者否行原籍逮證據其所告此書中有黃御史(崇島御

坦之父。傳一書有云。家居二年。握髮以終。以爲坦父不會剃頭之證。有顧推官（感正）傳一書有云。晚與甯人游。有云甯人所爲狀在。以爲甯人搜輯此書之證。不知此傳何人搜輯。何人親見刻板。見在何處。此書得之何方。而就此握髮一語。果足以證已故二十餘年黃御史之不剃頭否。就此與游二語。果足以證甯人之願甯人。又即搜輯此書之人否。且讀邸報。此書已於六年二月。曾經沈天甫出首矣。諸略言之。音儼郡有陳明卿先生。以壬戌探花官至國子祭酒。好刻古書。有資治通鑒大學行義等書。一二十種行世。其子濟生。亦好刻書。濟生已故。有光棍施明者。從海外來。與沈天甫等合影。偽造此書。假已故陳濟生之名。而羅江南北之名士巨宦。於其中。以爲挾害之具。又偽造原任閣輔吳桂一序。以騙詐其子。見任中書吳元萊。奉旨閣議。部議書內有名之人。共七百名。內有萬序。寫詩。譏傷本朝之人。五十餘名。合行查究。奉旨沈天甫。夏麟奇。呂中。逃走之施明。未來之吳石林。及代主控告之葉大等。合影損造逆詩。肆行騙詐。雖稱逆詩從海外帶來。茫無憑據。又云。編詩之陳濟生。久經物故。而從海內帶詩之施明。又經逃走。此等奸棍。謗詐平人。煽動良民。誣稱謀叛。以行挾害。大千法紀。爾部即將沈天甫。夏麟奇。呂中。葉大。俱行嚴審。擬罪具奏。逃走之施明。未來之吳石林。俱著嚴行緝拿。獲日也。著擬罪具奏。刑部審得沈天甫等供稱。騙詐吳中書銀二千兩。未給。將此書出首。欲圖三品前程。是實。奉旨將沈天甫。夏麟奇。呂中。葉大。四人。於閏四月二十二日。押赴西市處斬。施明。吳石林。緝拿未獲。今元衡所首之書。一百二十餘葉。與沈天甫之三百一十六葉者。雖刪去頗多。而詩即啓禎之詩傳。即此詩之傳。編造之人。即陳濟生。其爲一書。不問可知也。恭祥明旨。不直曰陳濟生。而加以又云二字。又云者。據沈天甫之所云。是已故之濟生。聖明猶燭其誣罔。而元衡欲以此牽事外之人。而開久定之案。其南北通逆一稟云。據各刻本。山左有文石詩社。有大社。江南有吟社。有遺清等社。皆係故明廢臣。與招擊懷貳之輩。南北通信。書中確載有隱叛。與中興等情。或宣孽通奸。或匹夫起義。小則謗議。大則悖逆。職係史臣。宜明目張膽。秉筆誅逆。故敢昧死陳揭。逆刺種種。罪在不赦。北人之書。削我廟號。仍在明號。且感憤乎。踴躍張虎豹。予王侯。南人之書。以我朝爲東國。爲虎穴。以僞王爲福京。爲行在北人之書。曰斬虜首。黃培刻都汾陽王孝傳中。有新首四千級。捕虜五千人。乃子儀敗安祿山兵紀功之語。據胡姬。征鐵嶺。黃培詩有云。怨女金圍裏。征夫鏡額頭。殺金燈。又有思漢感儀。紀漢春秋。南人之書。有黃御史握髮一語。又有起義。有舉事。有勤衛王儀義。及迎

魯王浙東王上益王等事。又有吳人與魯藩舟中密語。又有平敵將軍。有懸高皇帝像痛哭。及入國入海等事。北人之書。有含章館詩集。友管軒詩集。夕霏亭詩。郭汾陽王考傳。南人之書。有啓禎集。卽忠節錄。歲寒詩。東山詩史。做文信國集。子美句百八十章。其北人則黃培所刻。十二君唱和序跋等。其南人則啓禎集所載姓名籍貫。俱在刻本中。約三百餘人。是元衡之意。不但陷黃坦。陷顧甯人。而并欲陷此刻本有名之三百餘人。也不知元衡與已斬之沈天甫。逃走之施明何親。何故。何以得此海內帶來之書。而前唱後和。如出一口。其與不識面之顧甯人。刻本有名之三百餘人。何緣何際。而必欲與黃氏之十二君者。一網而盡殺之。推其本意。自知以奴告主之罪。律所不赦。欲別起一大獄。以陷人。而爲自脫之計。遂蹈於明旨所謂蘇詐平人。擗動良民。誣稱謀叛。以行挾害者。而不覺也。天道神明。不愆不濫。今於三月四日。束身詣院投到。伏聽審鞠。至教唆陷害。別有其人。尙容擴布。統惟詳察。江南衣布顧甯人頓首。程案。進士履歷便覽。黃元衡。字元澄。卽墨縣籍。滕州人。顧治己丑科會試十八名。欽授內翰林國史院庶吉士。辛卯。升宏文院編修。曾祖繼節。祖父父瑣。又黃貞麟。字振在。卽墨人。顧治戊戌會試二百八名。戶部觀政。庚子。授江南鳳陽府推官。曾祖兼善。廩生。祖宗曉。游安衛。經歷父學庠生。又手札云。在都時極荷倦倦之愛。今姜元衡。及弟名。具題請旨。弟已赴濟南找到矣。先有一札致譚年翁。業詳此事。始末。念知已聞之。必倍懇切。謹此布啓。前沈天甫所指造陳濟生逆書。有序。有目。有詩。有傳。原狀稱共三月一十六葉。今元衡所首之書。無序。無目。無詩。止傳一百餘葉。知卻中原書已燬。刪去。天甫狀中。已經摘出者。稱另是一番據。元衡南北通逆情由一揭。欲借此書。另起大獄。而羅書內有名之三百餘人於其中。以翻主僕名分之案。不知就此百餘葉中。篇篇有濟生名。則卽此一書之明證也。奉旨爲沈天甫指造之書。卽以故之陳濟生尙屬誣罔。而况餘人乎。弟敢不惜微軀。出而剖白此事。尤望大君子主持公論。此札仍乞傳與譚年翁一觀。并以告諸吳越之同聲氣者。廣頌明程宅。候取不盡。又一通云。前有一函。想已微覽。弟不遵明哲之訓。果有此果。今江夏之驕吝。足以致敗。而與之同事。奈何。南冠而繫。竟不得出一切詳之。舟老書中。惟知已爲之壯。拯懇切懇切。語去。佞能道不悉。又一通云。弟來此區區之意。尙未得少申爲歎。二十四日出都。前往歷下。如有札寄。示乞寫德州北李宅家報。付報房封遞。三四日可達。李老先生諱源。字星來。原任河津令。與弟交頗密。卽爲專人。齎至省城也。事畢。再容趨至九頓。報至德州。先到蕭宅。次卽歸至

李宅有二李。故稱北以別之。又一通云。來論滄港。深感愛厚。所云屢有言相致者。止於舟札見之。它皆未到。即賦權者止有一札。無兩札也。所云但當力辭。有無。勿率別事。欲如台旨。箇中之書。昨至德州點簡。二日悉取而焚之矣。并復此中之事。大抵上有求而下不應。弟遂無保出之法。黃氏籍不照管。債主斷絕。日用艱難。莊田之麥。俱爲劉棍割去。每日以數文燒餅度活。何以能支。欲乞一問南夏諸公。若天生至言。可爲弟作書。促之入京。持輩下一二函至歷下。必當有所濟。弟已別有字往關中矣。一切統希垂照。不宜舟書。可互觀之。程案。子德答先生贈詩有云。客返關中路。書傳歷下城。自注。客秋有鄉人至自濟南。拜先生書。又一通云。五月十九日院書。先取有同案中年老者四五人。保識黃御史曾已剃頭口供。次辯啟積案中。有甯人字無顯姓。又不在于黃御史一篇傳內。并審出章邱地土情由。惟問姜要顧甯人輯書實詞。無詞以對。又扳即墨老諸生杜廷交。此人從不識面。爲證。又屈轉推出所獲得書之人。爲萊陽縣孫榮之。乃積年走盜之人。今并行捉去矣。雖未保出。而是非已定。此皆上臺秉公持正。及大人君子字號壯拯之力。惟有世世尸祝。茲因便羽。先此奉聞。元諸衍生案云。是獄爲謝長吉主唆。長吉。卽乙巳歲坑實不償。而以大桑家莊房產作抵者。是秋九月。先生與長吉對簿。始得開釋。程案翁玉濟聽竹山房詩話。謂亭林游濟南。爲一達官置之獄。蓋耳食之言。非實事也。子德答先生贈詩有云。莒萊野野語。虞芮亂竄聲。自注。訟起。因小人審先生田。又云。欽權江波大。潛揚海汐輕。自注。時訟牒株累多人。用已結海。上事。何紹基案。札中所稱控院者。宛平劉公芳也。國史本傳。公以順治七年任山東巡撫。康熙十一年始以憂去。在任者二十三年。嘗奏請緝盜。不得豫勤名數。以防袒陷。又賊證未明。不得以初供定讞。又請撤山東錢局。皆得旨允行。蓋仁明君子也。赴東詩序。墨蹟本有撫院劉公之語。後來刻集乃刪去此節何也。徐諸案是年春。竹垞至山東。客控院劉公幕中。則先生之脫於患難。竹垞嘗與有力焉。程案頗修來有送朱鶴壘之濟南詩曰。攜手河梁振去塵。歷山遙望柳條春。歡庭尙有南冠客。莫向燕臺思故人。自注。時亭林以詔獄在濟南。又案札中屢稱譚年翁及舟老者。譚吉琬。字舟石。青島人。明太僕卿。昌言孫父。良。五經進士。舟石以監生試補宏文院。文中書。遷延安同知。升登州知府。鶴徵錄引亭林語云。舟石勤於讀經。叩其書齋。插架十三經注疏。手施朱墨。始終無一誤句。我行天下。僅見此人。六月十七日戌時。地連震數次。自北而南。聲如

雷城垣顛撲，文廟亦毀。同時被震者，濟南、兗州、東昌等郡，共五十九處。沂州、郟城、死傷尤甚。元譜。穆家此年山東地

震事。流洋年譜亦載之。又子德奉答先生贈詩，經句喧地，舉國句天晴。自注：時地震淫雨。秋，從子熊來省於濟南。元譜。後隨先生入都。十月，獄解得釋。元譜。先生手札云：弟於九月二十日保出。

一月十日，一案之人俱已赴院畫供，想有懸結之望。凡所以入險能出，困而不墮者，皆知已扶持之力。當世世戶祝，不敢以積墨宜充。前具近詩六章，竟徹覽否。屢有札與舟公托其致感，而未見一報。豈其移置，或石頭之浮邪。今有一函乞致之，近况詳之函中可共覽也。旅食無依，暫寄徐玉老署中。不謂有延安之際，則此中別無主人矣。萬老先生，亦已投似蒙注念，院批取保，一宿便發也。弟候命下結案，即詣都中叩謝。如尙遲，則候舍甥北上時代弟九頓台彈。今來者玉老之僕，屬其三日後走領回書。沍寒不莊，幸有長至日，弟名正具。穆案，徐玉老者，濟南府志有徐真修，遷安人。

康熙中由拔貢官濟南遷判，旋升延安同知，蓋即其人。

是年詩有赴東六首。徐譜詩有云：往暮四五日，乃至樂糞時，是訟案時。當三月十九日也。李子德聞余在難，特走

燕中，告急諸友人，復馳至濟南省視，於其行也，作詩贈之一首。穆案：子德春懷詩之第五章有云：歷下東湖青溟州，歷山東望自雲樵。深知鄒子繁非弟，敢謂

魯連排秦謀，欲陟岱宗侯。它日將親滄海難。久留詠此年赴市馳救及因疾先還事也。

歸元恭文鈔，有與先生書云：戊申春夏之交，聞兄以山左精神相離之事，連及時適有海陵之行，無從同得確耗。秋間還從令甥處，知兄遂不免汗賦，私心憂之，未幾而得所寄書及六詩讀之，深歎兄之善處憂患，張元節之亡命，雖幸免禍，君子職之，兄乃自

處，知兄遂不免汗賦，私心憂之，未幾而得所寄書及六詩讀之，深歎兄之善處憂患，張元節之亡命，雖幸免禍，君子職之，兄乃自

詣獄。不惟舉動光明。揆之事理。亦自宜爾。蓋兩姓交惡。而委罪於兄。兄身出則事白。事白則身全。兄之慷慨就獄。乃精於脫禍者也。但不知出獄之後。復栖遲何所。弟前書中戲詰三窟。後察之亦不甚確。惟濟上一窟是實。而聞又爲人所實。種種委冤。幸脫於羅。將仍依此窟。抑復別尋窟乎。一笑。六詩已和。得奉覽。其中迂怪不悅。及江南樂土等語。初非因此事而發。蓋別有爲。前書自言精於音韻之學。著書已成。弟未見及。但友人頗傳兄論音韻。必宗上古。謂孔子未免有誤。此語大駭人聽。許論案語似駭人。實無可駭。傳語者不得其旨。即未免駭人耳。先生於此道。復安有所謂僻也。歸君意深可感。其於韻學。殆亦未精。因此度兄學益博。則僻益甚。將不獨音韻爲然。其它議論。倘或類此。不亦迂怪之甚者乎。卻子語迂。單子知其不免。況又加之以怪乎。此平生故人。所以切切憂之。願兄抑察知之過。以就中庸也。向讀所寄山陵詩。忠義感激。使人泣下。願兄之去墳墓。十餘年矣。初因避讎。勢非得已。歲月既久。怨讎已釋。且今年蘇家已盡室赴任。更無所慮。柳子厚窟南方。惟以不得上邱墓爲恨。爾其祖先。曾不若焉。暨夏。桂之鬼。猶得享歲時之祭。彼以得葬不能歸。兄今欲歸。其執紼之。獨無邱墓之思乎。此又平生故人。所懇懇於懷者也。和詩不免局於短篇幅。未能盡達所懷。故復及之。令子定已長成。曾再索三索否。弟則屢抱山簡之痛。方深伯道之悲也。年來筆耕。僅能餬口。雖不閉戶。亦難遠遊。惟去歲爲先太僕遺集事。與李侍御相商。一渡長江耳。詩古文以乏人繕寫。不能遠寄。刻文一首。呈覽。立齋太史北上。草此附候。便羽幸惠德音。

顧亭林先生年譜卷三

八年己酉五十七歲

春入都寓七聖庵旋往山東已復入都寓文昌閣三月往昌平五謁天壽山及懷宗懋宮是行也與

李子德偕

元譜 穆案受祺堂詩集有舊年甯人先生以無妄繫濟南走書報我觸暑馳視苦疾作辭選先生寄贈行三十韻詩春日晤保州董會齋門奉答前詩廣五十韻一首詩有云甫定他鄉榻俄從上日航自註先生以二月朔至又云每詢

邨邑樹誰薦寢園樓自注時在清明是先生此年與子德會合及謁陵之時日也二月朔至保定一節譜亦失載又案江藩宋學淵源記謂天生於甲申乙酉間與先生冒鋒刃開關至燕中兩謁愍帝懋宮是并先生詩文集亦未之見也

回都移

寓公肅甥邸舍

元譜 穆案時公肅起補國史院修撰旋進祕書院侍講秋典試陝西

四月出都至順德歷邯鄲返章邱與謝長吉對簿案始

結

元譜 先生有與顏修來手札云夏初匆匆出都歉然之懷難以筆道想道履彌勝大業彌增令叔先生今在都門亦當聽鶴起之音奏鹿鳴之什矣弟久滯安德仰藉洪庇章邱一案已得小結雖陷害之情未明而霸占之律已正轉蓬思息倦鳥知還九仞

之功非伏英侯不能終此一貫敢乞鼎致其詳在札中未緘以舟老正值文場不敢瀆札并乞於試畢日道念小价王登往莊故另遣潘一廛其人謹願呈示回諭詳文於二十日後到廳更懇家報中速聞之至禱至禱

赴大名歸還保

定冬抵平原潘次耕來來受學

穆補案 遂初堂集補遺有己酉冬自淮陰抵平原呈亭林先生六十韻詩詩末云汝野黃雲凍沂山白草枯隻身經兩雪遠道涉崎嶇先生答詩云蕭蕭行李鹿飛秋是次耕以

冬初謁先生於平原也。

十一月至都主申叔旆又主謝方山重輝。

元譜方山名未詳。種案方山名重輝。德州人。以父陸廡官至刑部郎中。陸字伊晉。萬曆丁未進士。官至建極殿大學士。

國初徵爲左柱國內院大學士卒。嚴清義宋欽仲李湘北田山遷集中均有與方山酬倡之作。趙給山談龍錄舉本朝詩人山左有九皆各有所就了無扶持依傍而德州謝刑部方山重輝居其一。漁洋詩話稱其過鏡佛寺詩池光偶談又述方山言銀瓦寺古鐘事又嘗序其所著杏村集曰去膚存骨去枝葉存老幹真賞甚稀存之篋中以待元次山杜清碧其人定相賞於弦指之外可謂推擇不遺餘力而臨清汪灝送方山告歸詩云真得意時惟嘯咏不知人處是功名蓋亦恬於進取者又案鶴徵錄清次耕之試鴻博也由左諭德盧琦及刑部主事謝重輝薦舉然則方山學行亦約略可見矣。先生有與顏修來札云老年囊既罄秩寅清而令兄復駿養東國凡在知己莫不欣忭弟有訟事未了尙缺叩賀茲有德州方山謝年兄入都附此申候方山爲內院清義公之家嗣翻開文雅更能熱於古今少年中鮮其儔匹屬以蔭職赴部一切仰祈照拂緣弟莫敢主於其家所夕對譚心所歸依惟在門下至於居官涉世之道亦望時時提命貴鄉才俊可爲後勳不俟弟言之畢也。冬杪圖晤不悉中懷。種案札云晉秩寅清者修來以中書舍人恭逢之祖臨雍加恩四氏遷禮部儀副司主事也。云令兄駿養東國者修來兄光猷以是年秋領本省鄉薦也。

是年次甥秉義中式順天舉人。

執友王起田王思齡歿。元譜思齡里居

是年詩有樓桑廟一首有事於櫺宮一首贈李貢士嘉一首邯鄲一首邢州一首自大名至保定子

德已先一月西行一首潘節士之弟來遠來受學一首。

徐譜案是年潘耒將還書於婦翁王略家六月略卒十一月耒娶亦卒故耒去山陽適平原也時當已冬盡矣。

有謁櫺宮文王起田墓志。

九年庚戌五十八歲。

四月往德州。六月程正夫、李紫瀾延先生於家講易。至九月初講畢。卽以是月入都。九日與朱錫嘏及

嘉定陸翼、王元輔在北平孫氏研山齋。詳定所藏古碑刻。

元譜、謙案、元輔、號翰隱、經學滿深、門海弟子、學術志行、不

日、曾崑山順美武甯人。嘉定陸元輔翼王、永平申油光堯孟、嘉興譚吉璣舟石、觀於宛平孫氏。山齋是年。竹垞又有同紀。處士映鍾

杜大史鎮、譚舍人兄吉遠、集孫侍耶研山齋四律。其第三首尾句云：齊東回首望，最憶虎頭癡。自注謂顧子炎武蓋研山一集之後卽

出都。竹垞復有妻。出都至曲周訪路安卿。歷河南至山西復回山東度歲。是年初刻日知錄八卷。元譜、

徐譜案、初刻八卷、本有七七一條、今刻本無見、全謝山經史同答、今

刻本第六卷有一條、有錄無書、是錄爲先生自定、書則經後人刪潤也。元譜、長撈乾學、登進士一甲三名。元譜、穆案、是年公

備團集、書錢糧論後曰、勇氏亭林先生、學博而識精、於天文、河渠、禮樂、兵農、錢穀之故、上下古今、洞悉原委、數往來、饋餉、齊魯、秦晉、閩

粵、衛時、事聞有所作錢糧論二篇、至爲痛切、仲長統、昌言、崔寔、政論之儔匹也。某昨歲對策、謂須得公忠強幹之臣、權萬物之有無、計

百姓之贏絀、而爲之變通、蓋本於先生之論。紹基按、健庵對策云、漢唐三代、以帛爲租、宋始用錢。金章宗鑄銀曰、承安寶貨、公私

迄今用之、曠廢久閉、薄納已停、民間之銀日耗而不生、而上供者必以常額、宋齊卽有言錢非耕業所得、以錢收稅、是教民棄本逐末

也。此塞本。於錢糧論。是年詩、有述古一首、德州講易畢奉束諸君一首、輓股公子岳一首。元譜、岳、字伯嚴、一字宗山、雞澤人、有廣

五言古詩平生不解爲近體常爲雜寧令輒自罷歸

是年程正夫有贈先生序云東吳顧亭林先生今之大儒於書無所不讀於然國家典制以至人情物理淹貫會通折衷而守之卓乎爲經世之學者也而失意於時君子惜之以故北游上國歷燕趙之墟上太行渡黃河出塞入關極秦晉之郵折而南滯於齊魯間皆得周覽其名山將以擬太史公之故事乃每過吾州輒見訪如儒札之數舉舉之托也爲余談說經史不憚纒纒或面信宿或浹月經時然後乃去固見其著述之富汗牛充棟要皆崇正黜邪一軌於聖賢之微旨抽關啓鑰盡見其全其辭詳以取其論典以要其思平實以遠其義純粹以精本於經而不泥於昔聞原於史而不拘於成說多前賢所未明一旦自我發之者自漢唐以來諸賢林立觀其意思略與鄭康成王文中輩相彷彿皆能深造理窟立追大雅以斯文爲己任者也以視今之作者不啻黃鐘大呂於秋蟲響答之前其鉅細不侔矣假使先生得時而駕爲當代柱石功業所至不過封侯而止其於閉先王之道以津塗將來爲天下後世之利且孰得而孰失乎今年結夏於此與二三同人講易復得發其日知錄一書觀之多攷古論世之學而其大指在於明經術扶王道爲之三歎服膺勸其出以惠學者此自亭林支峯憂豎余老病荒忽書數語其後附以不朽必欲東觀大海盡十洲三島之奇則有先生所著之全書在非一朝一夕所得而卒業者矣余不佞倘如蠶之五爻疾而不死請得讀書養氣十年之後文思少進爲先生細論之康熙九年八月

是年爲路安卿之舅氏王君國翰撰墓志銘

十五年辛亥五十九歲

從子洪善洪慎來省先生於都門入都主原一甥家夏熊青岳閣學欲薦先生佐修明史力辭之

元諱謙案青岳名賜履字敬修孝感人順治戊戌進士謚文瑞又戊午答潘次詩書云辛亥之夏孝感特簡相招
飲吾佐之修史吾答以果有此命非死則逃原一在座與聞都人士亦頗有傳之者耿耿此心終始不變云云

出都歷忻州

之靜樂平定州之孟縣至太原

諱謙是年太原知府爲延津周令樹隱書亭集辛亥年春有送周都丞令樹還太原
守詩是也令樹重建晉祠詩序記往崑山顧炎武爲令樹言唐宋人題名及詩多刻之古碑

陰碑陰既滿往往闌入行間此獨以御製御書唐人無敢刻一字至宋始有題名碑陰及兩旁者而正
文特完好云云按記作於明年壬子端午後三日所詣往者即此年事也令樹字計百順治乙未進士

爲太原守周計百令

樹點定有悅漢紀

種補遂初堂集代人作重刻漢紀序晉陽書肆之書漫不足觀民間又鮮藏本間訪傳青主徵君於松莊
案間見有荀氏書喜甚假以歸手自校釋往往與舊書相出入蓋荀書雖遺班書他所據據尚多故願存異

同又有班書所未載者參得失廣異聞固悅本志也後人每據班書以改此書而其誤編莊宋熙寧李氏已言印本多誤此本爲明黃
姬水所刻舛錯不少適顧亭林先生來爲點定一過刊誤存疑遂爲晉本云云案次耕雙塔寺雅集詩序出太原郡城東南行七八里
松莊傳隱君青主所居也太守延津計百周君歲之初吉率子若壻屏騎從翠壺驪躬造於處是訪青主者爲部守周令樹也又次耕
太原守周令樹墓志云余布交時嘗讀書太原署中則此敘即代周作也又九日同惠元龍家雙南九登瑞光寺塔詩注辛亥九日同
園古古傳青主飲太原新寺是次耕以此年春
太原周假書顧校書潘代作書序皆一時事也

十月交城令趙恆夫天羽邀與華亭陸集生慶臻上海蔡竹濤

湘翦燭賦詩

元諱謙案頃夫名天羽號吉士休寧人人籍諱順治辛卯舉人由知縣內陞戶科給事中降補國子監學正著有
續表忠記音韻正譌寄園寄所寄萬青閣全集集生名慶臻金山衛人崇禎壬午舉人順治八年揀選推官不赴游

秦晉間晚始歸里著養庵詩稿資甚不克葬其親泣曰得墓田一笏
驚難足矣故又號笏田竹濤名湘竹地阮亭均與倡和後客死交城

是年詩有寄張文學昭時淮上有築隄之役一首。元譜案是年安於淮揚界築覆家場至十八年七月藏功山陽寶應高郵江都四州縣河西諸湖涸出者招民佃之雙雁

一首夏日二首秋風行一首靜樂一首寄王高士錫闌一首。錫闌字寅旭一字昭冥號餘不亦號曉庵又號天

丁未曆稿推步交食測日小記三長誓志闡解曉庵新法曆說曆策左右旋問答諸書 程案廣師云學究天人雖乎不拔吾不如王寅旭 又案廣師所列不知之人十而見於詩文集者九獨與吳任臣交游之蹟無可攷見附識於此廣師云博聞強記

書之府吾不如吳任臣任臣字志伊一字爾器浙江仁和廩生福建莆田人已未試鴻博二等授檢討著有周禮大義禮通十國春秋山海經廣注等書魏冰叔稱當世著作有不可少之書三十國春秋其一也王倅今世說云吳志伊志行端整博學深思兼

精天官奇玉之術又精樂律嘗於市上見編鐘一枚曰此大呂鐘也後滌視款識果然 孟縣北藏山一首

十一年壬子六十歲

由山西至京主公肅甥從兄平庵甥徐履忱來省。元譜平庵名孝宏以貢選奉翼 縣訓導即武孝廉爾策之父五月至濟南八月入

都仍主公肅甥十月往德州。元譜先生手蹟云舍甥久積傾慕昨奉叩未晤今擬於初四日披駕一談俾弟亦得侍聆

誨言至感至感弟在初旬內亦欲出都矣又一通云五日前曾走叩未晤既台命詳詳不敢出都往德州此刻擬一造別并問貴鄉有旅伴可同行否退谷先生常問起居附及程案此三札以元譜推尋情事當在是時 由

河南至山西。元譜與閻百詩若璩相遇於太原 徐諸案尙書古文疏證有壬子冬客太原與顧衛人論朱謀埠水經注箋事

程案潛研堂集圖先生傳康熙元年始游京師旋改歸太原故籍爲諸生

祭酒顧先生奕武游太原。以所撰日知錄相質。即爲改訂數條。顧虛心從之。又清邱劄記。有與先生論齒并髻。在禹貢九州外一條。云余時剛客太原。面質正云云。又曰吾與君所共游者。非石嶺關以南乎。清邱生於崇禎九年丙子。少先生二十三歲。松案清邱補正日知錄。凡四十一條。復糾錄城志。言晉穆侯。晉境不得至界休之非。又言代四譯。不止於三。江西三。僅知其二。說具載所著劄記中。然與劉超宗書。言先生之書精且博。與戴唐器書。言讀顧氏音學五書。心花怒生。背汗浹出。又言此地縉紳。有如馬宛斯其人者。文學中有如傅青主。顧甯人其人者。使後生小子。感奮興起。紹明古學。直追金華嘉定諸先生之遺風。其服膺先生至矣。

度歲於靜樂。

衷和敏德來學。

寓書潘次耕。

議撫吳江族子衍生爲嗣。

是年從子洪善鄉試中式舉人。

元

原一主順天鄉試。

韓元少出其門。

有撫其取副

榜不及漢軍者。坐降級歸。

穆據有懷堂集補。

潘稼堂贈先生六十壽序云。吾師亭林先生。負名世之資。學貫天人。而遭罹厄會。崎嶇戎馬之間。顛沛岸獄之下。瀕危者數矣。卒自全。客游二十歲。窮邊絕塞。靡險不經。而筋力不息。今六十矣。精明彊固。無

減壯年。

徐譜。

是年詩有讀李處士襄城紀事一首。寄楊高士瑀一首。

謙案瑀字雪臣。武進人。著有飛樓集。一百二十卷。年七十餘卒。穆案廣師云。讀書爲己。探頤洞微。吾不如楊雪臣。

健庵雪臣七十壽序。先生少日好立奇節。既而厚自刻厲。率諸子鍵戶讀書。自經史而外。分授天官地理。曆律兵農之書。出則與樞通初講學。南田及東林書院。如是者三十餘年。齊祭器行一首。題李先生矩亭

一首。謙案：惠太史周揚李君墓表，君諱源，字江餘，一字星來，德州人。順治丙戌進士，授河津令，有能稱，罷歸。為人易恬退，好讀書，至老不倦。於古今河渠、漕屯、兵農諸事，討論尤精。云云。濟南府志：稱源歸里後樂退庵，因以自號。植竹、籬、書、畝，山、巖、

處士炎武，聞源談易數，歎曰：今之管輅也。
案：此即先生戊申赴東手蹟，所謂北李家也。
瓠一首，土門旅宿一首。

謙案：先生是年有與李武會書云：弟夏五出都，仲秋復入年來蹤跡，大抵在此。將讀退谷先生之藏書，如好音見，惠亦復易達頌者，日知錄已刻成樣本，特寄上一部。天末萬山中，冀冀此如觀面也。率爾不宜據手，毋墨蹟補入。

後遺騎送回，此啓次耕賢弟，炎武頓首，以時攻之。當在此年八月，復入都門時也。又案：周令樹重建晉祠碑亭記，未云時游者，有炎武之弟子，吳江潘耒，記作於此年端午後三日，意次耕由太原入都，冬乃南歸也。故有與謙立族子衍生之書。

十二年癸丑六十一歲

正月，由靜樂南歸，至揚州。元譜：作由山西之山東據手札正說見後。入都主公肅甥。四月，至德州，訂州志。返章邱，桑家莊。八

月，游濟南。元譜：寓通志局。穆據居易錄及手蹟補。居易錄，山東通志，修於癸丑，嘗事既視爲具文，秉筆者又與莽滅裂，不諳掌

餘可概見矣。時方伯施泰瞻天裔，主其事，聘吳郡顧炎武在局，而不一是可惜也。先生有與顏修來手札云：弟今年歲暮，牛在廐下，牛在章邱而修志之局，郡邑之書頗備，弟得藉以自成其山東輿地記，若貴省之志，山川古跡，稍爲刪改，其餘概未經目，雖抱素餐之譏，幸無害人之病，然以視令叔先生，則眞魯之兩生，不敢望後塵矣。汝陽歸我，治之四年，始得皆爲良田，今將寬主售之，然後束書西行，爲入山讀書之計，所刻座右銘一通，並音學五對，函葉呈教，近日又成日知錄八卷，章布之士，僅能立言，惟遠而在上者爲之擴

廣其教於人心世道不無小補也。率此附候不宜。禮深遺忘之役。張種者亦在局中見所作李穡齋文鈔序。李穡齋者即先生諸儒十事所云樂安李象先也。

十月、自章邱至德州。哭程正夫工部。

又聞從叔父穆庵及歸元恭訃。設祭於桑家莊。

入都。得滇南報。

元譜是年初議撤三藩兵衛。

寄潘次耕書。令族子

衍生北上。在京度歲。元譜

是年。次甥秉義登進士一甲三名。

稜補。韓英榜。英字元少。號蘆長洲人。

是年詩。有贈錢編修秉鏡一首。

元譜。秉鏡字幼光。後改名澄。字欽光。安光時客嘉善錢步節仲取家。馬阮方異大獄。逮捕諸清流。欽光名亦在捕中。乃變姓名逸去。南都失守。欽光走粵東。妻蔡盡死於篋。乃

爲僧裝釋名四頌。七年後始返故里。編修。蓋唐藩遙授者。程案。諸謂編修爲唐王遙授。大隸。程嘗鈔得欽光所撰明末野史。其永歷紀事篇載云。永歷三年十二月二十四日。上臨軒親試經義三道論一道詩一首。取中八人。授翰林院庶吉士。秉鏡名在第二。又一條云。庚寅冬。蒙臨軒特典。改授庶吉士。予出山陰。殿公起恆門。公在上前。極稱予有制誥才。請改編修。管制誥。上頷之。然則欽光乃桂王間關從龍之彥矣。故先生詩曰。斷煙愁竹泣蒼梧。荒筆悽文來溟海也。松案。欽光於壬子冬入都。館學尚書。

學案。見儋園集。謙案。欽光嘗問易於溧浦黃先生。撰田間易學。又撰田間詩學。以小序首句爲主。采諸儒論說。自注疏。彙傳外凡二十家。於名物訓詁山川地理言之尤詳。詩得香山劍南之神。有藏山閣稿。田間集。先妣忌日一

首。自章邱回至德州。則程工部逝已三日矣。一首。有歎一首。哭歸高士四首。

程案。微靈堂雜記。顧甯人與吾友歸元恭同里。閉元恭守

鄉曲。而甯人出游四方。所至墾田自給。元恭嘗邀同社諸君子會於影園。余以病不果往。元恭旋歿。余以詩哭之。又爲文祭之。曰。先王道衰。士習懦。孔子有言。必也狂。獲麟奇。顧怪。四字出於此。一時之遷流。蠶子史。貫穿經傳。志高氣盛。雄傑魁岸。顧

四方燕塞秦甸，君獨閉門，枯守筆硯，亦強不羈，俗人笑罵，抱大德文，冤羅拾遺，胡忽隕亡，逝如飛電。

有從叔父穆庵府君行狀。

是年，先生有答李武曾書云：黔中數千里所刻之書，并十行之贖，乃不久而遂。又得手報，至方山所而寄我於樓煩鴈門之間。若類屬至近，天生至密而遠客三楚，此時猶未見弟之成書也。穆案受祺堂樂子德於壬子癸丑兩年，俱在湖北癸丑夏，有得甯人先生書，感賦一首，入事之不齊，有如此者，可爲喟然一歎。此書中有二條，未得高明駁正，輒乃自行簡舉，容改後再呈。且續錄又得六卷，未必來者之不勝於今日也。交城縣刻弟所正之七經誤字，附上一紙，比客維揚，頗能操疾，遠承注問，并謝附李來書云：客春黔陽一減，奉候，想入詔室，自後驅車關塞，不覺臨年，朔氣惹人，每憶江鄉景物，恨不能奮飛，與先生共話蒼黃柳碧間也。邇來道體何似，肺病想不復作，甚念之。弟新正入都，爲諸公所留，差下司勳之榻，屈指邗江繫纜，又在來春，爲耿耿耳。所攜台札，一一致到，阮亭匆匆，屬筆前，貽錫粵物，面致久矣。君館於東橋，甚善也。好風南來，時慕遠音，以慰飄切。謙案，武曾秋歸山房，樂序辛亥春，從曹澹餘侍郎入黔，朱竹垞江湖載酒集，亦有寄武曾在貴竹金縷曲詞，中有上巳浮杯匆匆，別句，則武曾之往貴州，是辛亥三月，茲書首云客春黔陽一札，當指到黔之次年壬子，而此書之發，蓋在癸丑歲也。兼得兩先生手翰，故於今年並補錄之。第以是年朱李兩家蹤跡，就竹垞年譜證之，與李書所云多不相符，而元譜於先生今年，亦未有揚州養病之事，其中如何，并近，未敢臆斷，存之以俟續攷。穆案，據元譜，辛亥十月在交城令所，此云交城縣所刻七經誤字，知必在辛亥之後。據此年寄修來札云：又成日知錄八卷，此云續錄，又得六卷，知必在此年之前。先生上年於靜樂度歲，故云寄我於樓煩鴈門之間。比客維揚，則作復書之地也。然則此札，必在癸丑春首，竟由靜樂南征。元譜誤云之山東耳。若良年一札，則與先生書前後俱不相應。知者先生既以著書相寄，不容更無一語相復，又瀟洋以壬子夏，與試四川差旋，遂奉母夫人諱，家居。此有阮亭匆匆屬筆之語，札必不作於癸丑，更無疑也。此札或前或後，不敢遽定。然考健庵李分虎詩集序曰：長水李斯年，武曾分虎三兄弟，俱瀟湘，質樸才，俱好遊，六七年，斯年游粵東，武曾游黔中，而分虎尤越在萬里外，在五溪六詔間，既念家有老母，日南天末，不可以久居，則

由金董慶黃筑從其仲兄武會開關跋涉以歸。蓋歸甫踰時。而西南之變作。改吳遂以十三年正月反。而先生丙辰冬。有與分虎詩曰。李生符自南中歸。橋李三年矣。則武會之歸。當在此年冬。盡札首又有此後驅車開塞。不覺踰年。朔氣恣人云云。似是自歸後。又作西北之游。意此札亦當在乙卯丙辰間也。車君因先生書有比客雜揚語。李著有邗江繫纜語。遂誤切爲來書耳。曹澗餘侍郎者。安邱曹申吉也。康熙十年。由兵部侍郎授貴州巡撫。吳三桂反。申吉從賊。後不知所終。或云三桂疑而縶之矣。又案。頃借得良年秋錦山房集。其子潮偕跋云。是編即以行止出處爲卷次。蓋仍然編年也。癸丑歲。九友詩。其弟二首。爲憫見山願書人炎武。尾句云。昨者日知錄寄我楚南峯。確係歲壬子也。春杪有聞斯年兄從嶺南歸。營草堂於長水東村。相見當在今臘詩。又二月中得分虎自滇中寄詩有云。約束琴書好歸去。其令又過菊花時。歸途與分虎舟中夜坐共話家園詩。有云。武凌烟霞照江底。人家茅屋秋雲裏。則於晚秋道出湖南也。此年蹤跡合之。健庵詩序。無不一一符合。次年甲寅家居。有家議及同人游宴諸作。次年乙卯。歷游邗上。滁州。懷遠。龍山諸處。所謂自後驅車開塞。不覺踰年也。此後或家居。或暫出游。以未遺涉。故詩亦不詳。其健庵官坊集。錢遵王述古堂。及立齋園居落成招飲諸作。則丁巳後徐氏兄弟居憂時事。然則此札必在戊午臘詔北上後無疑。時流洋已服闋。改官翰林。竹垞亦被薦入都。與札中云云。又一符合也。據知客春云者。特回憶往事。非孤指作札之前一年。而先生之札。及貽竹垞物。何由得良年攜來。此間情事。則不可臆推矣。良年初襲虞姓。名兆演。又名法遠。後復姓名李良年。字武會。號秋錦。嘉興人。生於崇禎六年癸酉。少先生二十歲。

十三年甲寅六十二歲。

正月出京。由易州往汾州。四月至德州。回濟南。度歲於桑家莊。元譜

是年詩有廣昌道中二首。寄問傅處士土堂山中一首。與胡處士庭訪北齊碑一首。元譜。雜案。庭字季子。汾陽人。曾主第。

子。稷案戴玄厚修汾州志。庭父名遇春。崇禎戊辰進士。由聊城知縣。擢戶部主事。庭自李自成之亂。遂與弟同。並隱居講學。庭於易。詩。春秋。論語。大學。孟子。皆有論著。又曰顧炎武。其學上摺漢唐。攷核之儒。其金石文字。詔所載。大相里。齊天保三年。相里寺碑。郭社村。唐乾封二年。郭君碑文。侯村。唐上元三年。任君碑。小相里。唐相里瑞碑。晉天福五年。相里金碑。皆身至其地。摹拓者。

謝一首。過短亭一首。潘次耕南歸寄示一首。子房一首。劉禾長白山下一首。歲暮一首。

十四年乙卯六十三歲。

從子洪善來省於章邱。赴濟陽訪張稷若。往德州送程工部葬。八月自山東歷河南抵山西之

祁縣。主戴楓仲廷杖家。元譜。楓仲名廷杖。祁縣人。家多藏書。及法書名畫。著有半可集。與傅青主。王漁洋友善。謙案。竹南漫錄。楓仲博學好古。所居丹楓閣。上圖書鼎彝。羅列左右。人力之倪迂清閤。楓仲為築

室祁之南山。稷據受祺堂集。答戴楓仲見懷詩注補。詩云。漢室聞遺老。君為築草亭。自注。顧亭林將起山堂祁之南山。戴力任之。先生因之置書堂焉。稷據。蕭庵集。及竹垞詩話補。蕭庵自敘墓志。所著有儀禮鄭

注句讀。遇崑山顧甯人錄一本。藏山西祁縣所立書堂。靜志居詩話。甯人於山西營書院一區。盡取家中所藏十四經。二十一史。聲明

異朝實錄。插籤於架。予嘗分書題其柱云。入則孝。出則弟。守先王之道。以待後學。誦其詩。讀其書。友天下之士。尚論古人。稷案。先生

又嘗欲作書堂於西河之介休。築天下之書齋。以貽後之學者。見健庵兄弟徵書啓。

十月六日。張帝臣某及張又南雲翼過訪。元譜。帝臣無攷。又南。名雲翼。咸寧人。靖逆侯甘肅提督勇之異

子。以父庭官大理寺卿。是年春。平涼王輔臣反。三月。輔臣函大將軍符鼎。招勇。勇斬其使。命長子雲翼赴京首獎。勇得管侯爵。閏五月。大破賊於靈昌。收復寧州等衛之陷賊者。亂遂平。勇喜與賢士大夫廷接。同里者李中浮。王山。史。李子維。咸與之為忘分交。謙案。先生

著左傳杜解補正三卷。又南。捐賞刻之。程案。衍生書。寫歷代宅京記一部。贈靖逆侯。其時又南已襲爵矣。

納妾於靜樂。

元譜。先生辛亥。在大原遇傅育主診。先生厭云。尙可得子。至是因納妾。

是年。公肅改

翰林院學士原一復元官。

程補。彥和。時官中允。

是年詩。有兄子洪善北來。言及近年吳中有開松江之役一首。

元譜案。康熙十年二月。江蘇巡撫馬祐。奏津劉家河。五千一百八十八丈。十二月。委蘇松常道參

議韓佐周。及蘇松二府同知通判師佐。王永熙。周祥昌等。董濬吳淞江。一萬四百九十一丈。各於海口置閘。其經費則奏准留蘇。松常三府漕折銀九萬兩。浙省杭嘉湖三府漕折銀五萬兩充費。同藩司董天顏檄行所屬實理。是年九月。崑山知縣董正位。申詳開濬瓦浦。凡三十六里。是月興工。至十二年五月訖工。邑諸生朱青。以歲旱請於巡撫凌注浦。自刁家橋東出吳淞。民賴其利。改注浦曰朱浦。詩中有云。那聞父老復愁兵。秦關楚塞方酣戰者。是歲以耿吳二逆之故。天下騷然。所在多不靖云。 閏五

月十日二首。過張貢士爾岐一首。送程工部葬一首。寄路舍人一首。孫徵君葬於夏峯。時僑寓太原。不獲執紼一首。

元譜案。李徵君年譜。乙卯冬。顧甯人書來。甯人自癸卯盡屋別後。雖足迹遍天下。而音問時寄。是時徵君流寓蘆平。寄書略云。先生龍鐘而際。確乎不拔。真吾道所倚。爲長城。同人所望。爲山斗者也。今講學之士。其篤信而深造者。推先生異日九疇之訪。丹書之受。必有可以贊後王。而啓來學者。則閣卜藥平。陽管幼安復見於茲。弟將策蹇滯上一敘。漏棕也。

是年撰陳鼎和墓志。

十五年丙辰六十四歲。

正月自山西之山東 二月入都主原一甥。

元譜 程案原一時官右贊善餘集有與潘次耕札云原一官彌貴客編多便候者留剛方者去今且欲延一二學問之士以委其家願吾以六十

四之舅氏主於其家見彼蠅趨蟻附之流駭人耳目至於徵色發聲而拒之乃僅得自免

三月回山東 五月入都二十八日先生誕辰原一具酒稱祝。

秋至薊州仍入都 十一月二十四日先生弟五妹徐太夫人訃到二十七日成服越二日設奠命

撫子衍生北上並寓書湖州沈允斌三曾沈度汪涵昆季附其家眷舟至京。元譜 程案沈度汪名涵一字心齋歸安人康熙丙辰進士官至閣

學一統志稱其嘗學福建時試士公明雖助賞請托弗許所拔皆名宿以朱子分年讀書法課士士習爲之不變秩滿去闕人刺清若書院祀之允斌未攷 程案康熙丙辰進士履歷便覽沈三曾允斌丙午年生歸安籍烏程人壬子十二名會試三十六名二甲二名欽選清書庶吉士戊午授編修沈涵度汪丁酉年生歸安人乙卯五名會試十七名二甲三名欽選清書庶吉士戊午授編修三代兩書胞兄弟也以生年核之度汪是年二十歲允斌若生於丙午歲十一歲耳丙子殆甲子之誤是時年二十三也然試年多不足據知下願洪善生於崇禎壬午而履歷作戊子則減六歲也。元 程補 康熙丙

又案康熙十八年己未會試允斌度汪皆充同考。

在京度歲 是年從子洪善成進士。元 程補 康熙丙

便覽顧洪善字達夫戊子年正月十六日生崑山人壬子十四名舉人會試十二名二甲十六名 先生有手札云歲云莫矣欲走冀中一晤不知可得片刻之暇商訂風雅否此間殊覺總總弟於二十七日移至舍姪富中度節礙城記想已聞華幸付下此啓以元譜攷之知必在是時蓋因徐氏居冀故 從子洪慎得子於崑命名世樞字之曰榮緒後更名宏佐字復呂立爲孺於成服之日即移至達夫寓中也。

子詒穀後

元譜。崑新合志。宏佐年十三。補松江府庠生。長洲何焯跋其文。魁以繩武。年未二十。病瘵卒。健庵立孫。講。舅氏亭林。先生立從子洪慎之子世樞爲孫。或者曰。無子而立孫。非昭穆之序。是使世樞有祖而無嗣也。先生卽有子而瘵。不立後。蓋釋諸族兄弟之子以爲嗣乎。予應之曰。不然。自夫子之肯子游。已謂三代以後。天下爲家。各親其親。各子其子。爲人之情。是助兄弟之子。必親於從兄弟之子。從兄弟之子。必親於族兄弟之子也。明矣。古人之立宗也。自非大宗。五世親盡。則族屬絕。荀謂兄弟之子無當立者。舍兄弟之孫弗立。而立疏遠族屬之子爲嗣。其於祖若考之意。果無憾乎。有國者之繼世。與士大夫之承家。其理則一而已矣。吾外家顧氏侍郎公有二子。贊善公爲大宗。夢庵公繼嗣之宗也。夢庵公有子未昏。而天貞孝王孺人服喪哀以歸於顧。又十二年。先生生。先生方在襁褓。夢庵公撫而立之。爲貞孝後。先生贊善外祖實若公之子。於寶瑤公之子孫爲至親。寶瑤公諸孫。洪善家適也。洪泰孤子不得爲人後。吾仲舅子嚴失明年老。唯洪慎一子非支子不得爲人後。洪慎生三子矣。立世樞爲先生後。不亦可乎。贊善荀顛傳。顛無子。以從孫徵嗣。中興初。以顛兄元孫序爲顛後。封臨淮公。荀氏穎川名族。子姓甚繁。豈無昭穆之倫。可立爲子者。而獨以從孫嗣。其必不舍親屬而他立也。禮之權而不失經者也。何琦之從父。以孫紹族祖琦。以爲宗。紹不絕。若昆弟以孫若曾孫後之。理宜然也。禮緣事而興。不必拘常以爲礙也。故雷次宗釋儀禮爲人後者之文。以爲不言所後之父者。或後其父。或後高曾。凡諸所後。皆備於其中。庚純云。爲人後者三年。或爲子。或爲孫。若荀太尉養兄孫以爲孫。是小記所謂爲祖後者也。祖所養孫猶子。而孫奉祖猶父。無改父祖之差。同三年也。何琦。庚純。古所稱知禮之君子。其言鑿鑿如此。惟庚蔚之謂間代取嗣。古未之聞。然試以各親其親之常情準之。則必喟然發寤。以爲不悖於先王之道矣。故昭穆相親。其常也。如親屬無當立者。不得已而立從孫爲孫。如父子之誼。仍不改其昭穆之倫。毋亦勢之不得不然。而聖人之所許與乎。故詳論之。以告吾母。云。甥徐乾學謹識。謙案。先生與李霖。皆荀子衍生。稍知禮法。不好嬉戲。竟立以爲子。而崑山從弟子嚴。連得二孫。父令刺妻抱其一。以爲孺兒。之後云云。所抱者。卽洪慎之子宏佐。本先生立爲孺子詒穀之後。先生之治命也。而行生立爲子。亦先生初意。且相隨五六年。並爲之授室。以至於視舍飯。恩義亦非泛常。乃稽其家譜。立爲先生後者。別名洪瑞。又不詳洪瑞之所出。豈先生旣歿。家人乃斥退衍生。復爲立洪瑞。邪。抑洪瑞卽衍生之改名。邪。均不可。

致矣。程家洪瑞蓋衍生之譜名，歷代宅京邸，後有衍生跋云：先府君著書俱有自序，茲編告成最晚，甫脫稿，府君猶館徐相國遺人，取去自念雲泥勢阻，無能往索，至相國歸田後始獲檢還，不肖衍生泣血誌哀，立齋以康熙二十九年九月致位歸里，距先生之歿已九年，又元和顧廣圻家藏先生著書目錄，衍生手跋也，跋云：歲丙子，不肖衍生於舊館中檢得此本，說之滋然，因追想當年多所不符，丁亥冬於宛陵旅舍出而錄之云云。丙子為康熙三十五年，丁亥為康熙四十六年，距先生之歿二十六年矣。康熙壬戌衍生年十七，至康熙丁亥，衍生年四十有三矣。抱業稱孤，曾無異說。豈有家人斥退之理，得此二證，車君之疑可渙然釋矣。

是年詩有漢三君詩三首，楚僧元瑛談湖南三十年來事，作四絕句四首，簷下雀一首。元譜書居徐氏真邸時作

門送子德歸關中一首。徐譜子德蓋自先生詩獄事畢至此年重至京師 寄李生符一首。徐譜符字分虎良年之弟

作日知錄自序與戴耘野書。徐譜戴笠初名鼎立字則之更名笠字耘野又字曼公吳江人潘稼堂之師

先生是年有與黃太冲書云：辛丑之歲一至武林，便思東渡娥江，謁先生之杖履，而遶巡未果，及至北方，十有五載，流覽山川，周行邊塞，粗得古人之陳迹，而離羣索居，幾同僧父，年逾六十，迄無所成，如何如何，伏念炎武自中年以前，不過從諸文士之後，注蟲魚，吟風月而已，積以歲月，窮探古今，然後知後海先河，為山履實，而於聖賢六經之指，國家治亂之原，生民根本之計，漸有所窺，未得就正有道，頃過前門，見貴門人陳萬兩君，具談起居無恙，因出大著待訪錄讀之再三，於是知天下之未嘗無人，百王之敝可以復起，而三代之盛可以徐還也。天下之事有其識者，未必還其時，而當其時者，或無其識，古之君子所以著書待後有王者起，得而師之，然而易窮則變，變則通，通則久，聖人復起，不易吾言，可預信於今日也。炎武以管見為日知錄一書，竊自幸其中

所論同於先生者十之六七。但鄙著恆自改竄未刻。其已刻八卷。及續編論二篇。乃數年前筆也。先附呈大教。倘辱收諸同志之未賜以梓。不厭往復。以開未學之愚。以貽後人。以幸萬世。曷任禱切。謹案。此書不載集中。茲從梨洲所著愚菴錄中補入。種

十六年丁巳六十五歲。

正月與甥原一彥和公肅。話別於天甯寺。元譜。種案。寺在廣甯門外。

二月至昌平。六謁天壽山。及懷宗橫宮。是行

也。與王山史偕。四月出都。十三日至德州。見撫子衍生及衍生之師李旣足。雲霑於張簡可家。元譜。先三

日衍生及師李旣足。附沈度汪家眷至德州。將入都。先生預留書張簡可家。止之。至是相見。行父子禮。議案張簡可未致。種案自此以下皆衍生所親見。故記述頗詳。

訪李霖瞻。淡。李星來源。元譜。霖瞻。名淡。號陶庵。種

州人。順治丙戌進士。延慶知州。芮城知縣。潘次耕陶庵詩序。先生雅慕賡節。爲人築一室曰陶庵。日哦其中。

是月二十一日。自德州至鄭家口。二十四日抵曲周。主路安

卿家。祀先於旅寓。五月七日移寓曲周之增福廟。元譜。主僧名晏如。時當塗令。實宣三應。旌亦寓廟中。延旣足。暫留課子。即去之山

西道汾州之介休。霍州之靈石。九月入陝。主王山史家。種補訂。王山史山志。丁巳秋九月初三日。亭林入關。主於予家。將同作買山之計。頗陽郭九芝明府聞之。以書來

曰聞顧甯人先生已抵山居甯人命世宿儒道篤儼然非無所期而至止關學不攝已久斯其為大興之日邪予復之曰弟年近五十始歸正學今幸甯人先生不棄正欲策厲萬鍾收效桑榆云云受祺堂集有承問甯人先生中秋抵華下阻雨尙稽省視悵然有作四首又詣華陰時甯人先生未至一宿而行二首元譜記先生冬入陝十一月始訪山史

於華陰以王李所詔核之知諸誤也蓋衍生雖南來尙留德州未隨行故所詔稍差耳訪李中孚於富平東南軍營之北元譜李徵君年譜甯人自山右來訪密邇徵君時至臥室盤桓語必達旦案徵君年譜系此則於丙辰冬

改衍生元譜丙辰年未嘗入秦其至富平實系丁巳當時衍生已隨侍往來應無誤記李譜或偶譌耳李子德來迎因過所居月明山下登堂拜母

徐語山在富平縣東北七十五里子德居於山下十一月游太華重訪山史於華陰種稜案受祺堂集邑里絕句詩注顏山亦名月明山

復回山西度歲於太原之祁縣是歲從子洪慎舉次子先生名之曰世棠字曰思召元譜此下曰即寄書從弟子殿欲立世福

為孺子諱穀後並屬達夫致詞諫案崑新合志世棠以諸生入太學喜覽羅先世手澤以長子炯詩為宏佐後構遺清堂貯從祖炎武遺書俾世守焉嫁妾於李又泉元譜先生親友人書云於靜樂買一妾立嗣隨定即出而嫁之李又泉無

攻稜案餘集有與潘次耕札云去秋已遣祁縣之妾以時考之去秋即指此年或靜樂所買之妾乃祁縣人邪日知錄月食條下有云靜樂李鱸晉西洋之學疑又泉即鱸之字矣

是年詩有有事於橫宮一首贈賈太監宗一首陵下人言上年冬祭時有聲自寶城出一首郭林宗

墓一首介休一首介之推祠一首霍北道中懷關西諸君一首河上一首案丙辰年叛將王輔臣踞陝西之龍駒岩斷商雒南路旋復引川寇

犯通渭是年輔臣為大將軍圍海所敗朝命招撫乃率衆降而賊黨吳之茂寇秦州十二月朝命建輝將軍吳丹略地華爾副都統佟舒運敗賊於峻嶺復山陽縣故詩有去年方關爭逼濠守朝那云云

雨中至華下宿王山

史家一首。過李子德四首。

徐譜案補徵錄云。天生與章林竹地。李良年為布衣兄弟。天生年小於顧朱。而長於良年。二歲。雖在客所及私寓。無或亂者。故詩云。及門初拜母。讓齒為兄。程案受祺堂集有雷人先生

肯訪山村留宿見贈

四詩用韻奉答四首。卓帽一首。采芝一首。寄李生雲鶴一首。

有答會庭聞書。

元譜。庭聞名晚。初名傳燈。寧都舉人弟名傳陳。字青藜。皆駿雄自命。有雙丁之目。

作華陰王氏宗祠記。

十七年六十六歲。

春。由太原入關中。富平令郭九芝傳芳。

元譜。大同人。程案。陝西通志。令其名宦。郭傳芳。字九芝。大同縣邊衛人。由選貢

將入境。乘鷁揭巢。新獲有功。時軍書旁午。傳芳轉輸有法。民不告勞。又受祺堂集與九芝詩至多。九芝一字獻素。明年升任達州。

迎先生於二十里外。

元譜。程案。餘集。先生有與潘次耕書。曰。頻陽令郭公既迎中孚。而儒居其邑。

今復遣人千里來迎。可稱重道之風。而天生遂欲為我買田結婚之計。雖未可必。然中心願之矣。又受祺堂集有陳情歸賦書中曲。呈郭明府詩曰。晨起呼童秣吾馬。為公親介初度陽。前年是日杯相屬。左有東吳右二曲。自注。謂雷人先生中孚家兄。正此年秋事。又云。今此二妙跡稍遠。太原徵君聲光耀。自注。時迎青主傳先生至案。明年先生出游。黃少冬仲始旋關中。故云。跡稍遠。而九芝又迎青主入關。信乎好賢之篤矣。

既足。期會於富平軍岩李中孚家。

四月朔。九芝邀先生至署。寓南庵。旋移寓朱公子樹滋齋中。

元譜。樹滋。

字長源。故宜府巡撫都御史。子。馮子長。齋。鐘佛以終其身。

與既足次弟故友遺詩。

元譜。程案。尚書古文疏證卷八。余戊午。應薦至京師。真山顧炎武甯人。時在富平。有自富平來傳其新論者云云。

時期議以纂修明史。特開博學宏儒科。徵舉海內名儒。官為資送。以是年冬。齊集都門候試。先生同邑

葉初庵閣學及長洲韓慕廬侍講。欲以先生名薦。已而知先生志不可屈。乃已。於是先生絕迹不至

都中。元譜。穆案。已未詞科錄。賈崧按。葉初庵侍郎。欲舉亭林。亭林固辭。致書者三。遂不列薦刺常。然吳龍錫有詩云。終南山下草連天。種放猶慚古史箋。到底不曾書鶴板。江南惟有顧圭年。

冬。張又南廷尉承父命。來聘往蘭州。堅辭之。元譜。張靖逆。時提督蘭州。潼商道胡狷庵戴仁來訪。欲聘至署。亦辭不

往。元譜。何狷庵。未詳。穆案。何乃胡謫。陝西通志。分巡潼商道。有胡戴仁。北直容城人。康熙十四年以參議任。過同州之華陰。達華州。止吏目王二華爾謙署。元譜。爾謙。常熟人。

是年詩有春雨一首。寄同時二處士被薦者一首。井中心史歌一首。夏日一首。元譜。時素。梓潼篇一。關者早。

首。和王山史燕中對菊一首。關中雜詩五首。過朝邑王處士建常一首。元譜。建常。字仲復。邠州長武人。唐河渭之間。早棄帖括。以著述自娛。著有

律呂圖 說二卷。

有答潘次耕書。與李湘北書。元譜。湘北。名天觀。合厓籍。水城人。順治戊戌進士。官至大學士。謚文定。著有容齋集。徐譜。湘北時官內閣學士。子德之舉鴻博。是湘北所薦。故先生為子德致書。與李星

來書。答李紫瀾書。與友人辭往教書。答李子德書。與友人書。

顧亭林先生年譜卷四

十八年己未六十七歲。

正月往延安抵同官縣拜寇公墓。

元譜。程案。寇公名慎字永修同官人墓在縣東南義興原。餘集有寇公墓志曰天啟六年寇公爲蘇州知府炎武年十四以童子試見公被一言之獎於今五十有四年而始得

至同官拜公於墓下。旋攜衍生成移寓華下山史所構新齋。

元譜案。先生關中雜詩第五首自注云。山史新構小齋將送余往。又元譜是年二月攜衍生成往華陰。主王山史家而先生與從子書則謂新正已

移至華下據正。程案。受祺堂集有題無異先生顧廬三首序曰無異先生初輯是廬舉易其中因以顧之顧亭林先生至華下借居之亭林先生既歿山翁改署今名李生見而哀之且多山翁之敦夙好也爲詩紀寔云爾然則所構新齋即山史之讀馬廬矣。

先是山史以朱子於淳熙乙巳寄祿華州雲臺觀欲爲建祠堂兼營書院以居先生因遷入山史家。

元譜。

先生與從子書云。新正已移至華下。祠堂書院之事雖皆秦人爲之然吾亦須自買塋中書室一所水田四五十畝爲養食之計。素八墓經學重處士持清議寔與他省不同華陰稍穀關河之口一旦有警入山守險不過十里之遙若志在四方則一出關門亦有儲餼之勞。餘集有與潘次耕札曰。朱子祠堂山史但能割地耳。經營之事吾將一身任之。程案。祠堂於辛酉夏始落成書院則當因山史南游故未竟其業故先生與李中孚書曰不欲再起書院蓋不欲借祠堂之名自營葺葺也。受祺堂集有奉先生詩曰。曾論殿祀虛塵豆。許傍新宮自築堂。自注。先生有約居雲臺觀。朱子祠內。徐譜。是年李子德自京師還潘稼堂贈詩有云。吾師顧亭林名德今第一。停車華山陽與君等膠漆。又云。吾師築書堂髮近俯栝。雲臺紫陽祠氣象甚宏。見君樂難支。管席諒不割。爾先生在華陰時。

事也。三月出關作嵩少之游。元譜。程案。金石文字記。開母廟。石闕記。今在嵩山。啟母廟南。歲曆緣路。洛春亭。余親至廟下。觀此石闕云云。又有嵩山大室神道石闕銘云。在登封縣中岳廟南百餘步。又有少室神道石闕銘。

云在登封縣四十里邢家舖。西距少室山尚十餘里。四月至曲周。旋由河南抵汾州。馬右實嗣光。製甘肅道。欲挈姊氏赴任。時右

實已患病。止之弗聽。元譜。嗣光無改。程案。順治丙戌進士。履歷便覽。馬嗣光。榜名剛。字右實。雋州人。工部。擢政。授北直廣平。知縣。丁亥。調湖廣辰溪。知縣。戊子。本省同考。庚寅。考察。已亥。補江南懷寧。知縣。戊申。升吏部。驗封司主事。

庚戌。會試同考。本年升禮部司員外郎。奉旨改名。又庚戌同考。吏部。驗封清吏司主事。馬剛。裕三。河南籍。山東臨朐人。又順治十八年。精神備案。知縣。馬剛。字胸。河南睢州人。又受禮堂集。有送馬右實吏部。分巡蕭州時。子德應。鴻博。試在京師也。長洲

毛錦銜。今風來受業。奠王式。吾及平陽王九如。元譜。二人俱無改。十一月回華陰。十二月二十七日。張又

南廷尉。夜半造訪。是年葉詒庵閣學。充明史館總裁。欲招先生入史局。復力卻之。元公蕭甥二月。

召監修明史。九月赴闕。程補。

是年詩。有寄子嚴一首。寄次耕一首。次耕書來言時貴有求。觀余所著書者一首。雲臺觀一首。西瀛

路一首。雒陽一首。嵩山會善寺一首。少林寺一首。嵩山一首。測景臺一首。謙案。潘耒游中嶽記。告城鎮。即古之陽城也。周公卜洛。立表測景。以

此為地中。今有測景臺。存焉。臺高五丈。縱廣三丈。形體正方。而缺其北面十之二三。以懸壺滴漏。當缺處。鋪平石一行於地。其具。觀臺之廣。廣可二丈許。刻水道其上。以承壺漏。視水所至。以定時。俗謂之量天尺。規制古樸。思理精微。非周公不能作。臺南一石。

高文許上立一表其長八尺是謂土
圭此唐儀鳳中所立見杜氏通典

卓太傅祠一首梁園一首海上一首五嶽一首贈張方臣一首元證時方
臣北游

子德西歸省吾於汾州天甯寺一首

稷案汾州志李因篤與崑山顧炎武太原閻若璩皆以博古精
考核為學者推重其至汾關因顧炎武游汾時取道而來也

寄次耕四首

歲暮西還時李生雲霏方讀鹽鐵論一首

作寇公墓志銘為吳江朱處士明德作廣宋遺民錄序

元證明德字不遠隱居灤溪之濱少治經義
有聲別著句吳外史編詔鼎革時事甚悉

書太廬山

人象象譚後與潘次耕書與公肅甥書與葉訥庵書與史館諸君書答湯荆峴書

元證案文正謝病里居
時先生曾以書通問既

開局修明史文正分編太祖本紀四卷列傳十餘卷以書來詢答之如此謙案湯子遺書內載有答先
生書一通稷案受祿堂前有與湯荆峴詩云東吳披裘翁足跡天下徧掉臂淺道舉惟公接游燕

與人書二十二元證
案舉

福宮在登封縣北嵩陽書院之旁井叔氏葉名封武昌人順治丁亥進士康熙中授延平推官改知登封尋鴻博報罷入為兵馬
指揮介石氏耿名介順治壬辰進士登封人康熙十八年以兵備副使家居講學時登封令為長洲張璠此書疑張於未克工時

以書相質故答之如此其明年工
竣湯文正公為作嵩陽書院記

十九年庚申六十八歲

元旦作一聯云六十年前二聖升遐之歲三千里外孤忠未死之人以明神宗光宗俱崩於萬曆庚申

也。正月至富平。二月先生仲姊訃至。間二日成服設祭。三月山西總使會章山寅致餽。元譜。禮案。賓江西

清江人。康熙癸丑翰林。四月山史有諸母卒。為議服及葬祭之禮。五月送馬右實喪出關。既足。附之南歸。二

十八日先生誕辰。富平令郭九芝將親來致祝。力止之。華陰令遲屏萬維城造訪。因與謀建朱子祠堂。事遲欣然捐俸為倡。元譜。禮案。屏萬。又字蘭生。受祺堂集有贈華陰遲明府屏萬詩云。雲臺樹接紫陽祠。道節陶潛附一枝。隔代虛傳揭舉祿。新宮兼致草堂賞。正謂此事。次句自注謂甯人先生。又寄答孟謙。謙詩注朱祠倡於

遲明府成於董明府。董號裕庵。又陝西通志。遲維城。廣寧人。康熙十九年任華陰令。歷任五載。嚴禁刁風。獎拔善類。建朱子祠堂。春秋奉祀。十月攜衍生往汾州之陽城里。訪前中尉朱

敏浮。元譜。禮案。汾州志。有朱敏濠。字龍澤。慶成府鎮國將軍。李自成之亂。罵賊死。敏浮。當即其兄弟。行志既錄。先生詩於藝文。乃不詳敏浮出處何也。陽城里。在縣東南十里。汾州守周西水于漆。延請

入署。元譜。禮案。汾州志。于漆。江浦拔貢。十一月元配王安人卒於崑山。訃至。次日出署。十一日成服。設祭。逢七。祭奠焚

帛如常儀。度歲於王位沖德元中翰家。元譜。禮案。汾州志。王德元。汾陽人。由貢官兵部職方司主事。是年公肅擢左都御史。原一以

贊善充明史館總裁。禮補。

是年詩有送康文學乃心歸邵陽一首。元譜。乃心。字太乙。邵陽人。漁洋奉使祭告西岳。游慈惠寺。見太乙題。兼莊。襄王墓絕句。亟稱之。康以此得名。學使陸殿庭。錄元拔之。充實是科。以第五人冠其

鍾長安語云關中二季，友人來座中口占二絕二首。送李生雲霄南歸。寄戴笠。王錫闡二高士二首。翻族不如一鹿者有莘野集。

子涓一首。元譜。涓字伊人。太倉人。著有水鄉集。朱處士鶴齡寄尚書埤傳一首。元譜。鶴齡字長孺。吳江諸生。甲申後。自號風塵。絕慮仕進。專心經學。以朱子指騷小序大過。乃集諸家說疏通。

序義。爲毛詩通義。以秦氏釋書未精。撰尚書傳。以胡氏傳春秋。多偏見鑿說。乃合唐宋以來諸儒之解。撰春秋集說。又以杜氏注左傳。未盡合俗儒。又以林注亂之。撰讀左日鈔。自注詩文曰愚庵小集。又注杜工部李義山詩與先生及同里陳啟源相友者。

李侍御灌谿先生模一首。元譜。侍御字子木。吳縣人。天啟乙丑進士。東莞知縣。行取遷河南道御史。華下有懷願推官一首。華陰古蹟二首。悼

亡五首。程案。詩有云。送汝黃泉六歲孫。謂世樞也。世樞。以丙辰生。至明年送頤人葬。六歲矣。冬至寓汾州之陽城里中尉敏浮家祭畢而飲三首。

有音學五書後序。答王山史書。答王仲復書。程案。王山史山志。王仲復。司寇心。一公之從子也。其學一以孝事爲歸。持躬處物。悉有矩矱。昔司寇爲逆黨誣害。追贖。仲復先君舉義助之。故

仲復長而家貧。遺亂棄諸生。跋涉涓涓。教授生徒。足不入城市。關西高蹈。當推獨步。庚申春。予治先君側室張氏之喪。雖其出也。微念至孝苦節。五十六年。意不忍溺。爲之加禮。繞以從事。時亭林已在予家。仲復貽書亭林。謂發乎情而不能止乎禮義。非賢者所爲。時予事已畢。未之能從。然不敢忘好友之規也。元譜。諫書以此事實之。李申書。太史兆洛。太史曰。王山史幼嗣叔父。其本生父母俱在其父播之入都。詳見山史集中。兩書未具原始。幾若山史爲撫於張氏者。如此。則有慈母。如母。及庶母。慈已之。服。豈僅以祖免從事乎。後人有以此義駁先生者。然書稱諸母。固非慈母比也。特以少申數語。致啟羣疑耳。與友人辭祝書。與王山史書。元譜案。是時山史客游於外。先生從山右寄書。復張又南

書與毛錦銜書與公肅甥書與王虹友書

元譜。虹友名耀。號汲園。廉監生。太常時敘第七子。

答公肅甥書

元譜。以上三書。疑皆庚申在華陰時作。時三藩戍勦。秦隴間饑。

翰勞午。故於公肅書中詳及時事。

二十年辛酉六十九歲

二月望先生去汾州

元譜。去汾州日。別劉學使梅汾州太守周西水于漆州司馬黃伯華良驥。案劉梅字訓夫。故城人。順治戊戌進士。良驥福建龍溪生。良時官汾州通判。

往曲沃至解州運城

元譜。穆案。運城在鹽池北路邨。

鹽運使黃棗園妻來會

元譜。穆案。妻浙江鄞縣人。康熙庚戌翰林。與健庵同年。棗園案有送黃棗園視鹽河東詩。

晦日往答即延先生入署

四月五日棗園丁內艱先生入弔畢旋出署攜衍生入關至華陰訪山史山史先於二月南游吳越遂出棗園之餽落成朱子祠堂七月既足自南來八月二日自華陰假裝至山西由運城抵曲沃

縣縣令熊耐徒僕聞先生至命輿至候馬驛相迎入城寓元帝廟

元譜。穆案。曲沃志。熊僕江西新淦人。進士。康熙十八年任。進士履歷。僕字匪我。清江人。

順治己亥進士。候馬驛在縣西南三十里。

十一日先生患歐瀉十八日既足得其父母凶問星夜馳歸九月移寓上坡韓氏

鏡家十月又移寓下坡韓村韓旬公宣之宜園

元譜。穆案。進士履歷。僕。韓宣。又字裕齋。康熙己未進士。曲沃志。韓村在縣南五里之韓河里許。齊燕韓旬公傳曰。齊師顧晉人先生。江左

大儒。千里造訪。挾圖書子僕。館之宜園。顧歿。先生視舍歛。撫幼子。收其四方遺寶。走書告其家。并維持還里。穆又聞曲沃人云。先生館于宜園之白石樓。

望後病稍減

元譜。穆案。受祺堂集。有亭林先生寓曲沃臥病小愈。走書相問。即遣使起居。

奉詩
五首。為衍生儀婚斬氏。元譜。稔案。曲沃斬氏。為漢斬彊之裔。代有名人。世居縣東北二十五里之曲村。

媒四人。廣東道仇君昌祚。義學師衛處士蒿。縣

令熊君僕。武尹徐君嘉霖。

元譜。稔案。曲沃志。昌祚。字振先。朔實里人。初以恩貢授鄆陽通判。遷潮州府同知。將抵潮。聞魏兵劉進忠叛。急返程鄉。為邏者所獲。追受偽職。昌祚引鑿自刺。餓十二日。賊逆黨來視。終不贊一言。以瘠報賊。意少解。賜賊業者三年。潮平。得旨從優議敘。授惠潮兵備道。旋以銀歸。蒿。字匪我。初名麟。字瑞鳴。以居母喪。易今名字。與汾陽曹良直。太原傅山友。善晚年。聞絳山書院。教授其中。人稱絳山先生。嘉霖。嘉興人。

是年詩。有寄題貞孝墓後四柿一首。贈衛處士蒿一首。調李子德一首。

稔案。調子德詩。李子德哭先生詩注。當在明年正月易簣之日。集本於奇。

題貞孝墓後四柿題下。已注云。重光作噩。此題下。復注。諡陽歲。名知是誤也。因贈毛錦銜一首。未知當在何時。故仍類次於此。贈毛錦銜一首。

有朱子祠堂上梁文病起與薊門當事書。

二十一年壬戌七十歲。

正月四日。旬公設宴會賓友。八日。先生早起。將答賀熊令及諸官紳。上馬。失足墜地。疾作。竟日夜臥。瀉不止。初九日丑刻。捐館。韓熊。仇。衛。徐。郭諸君。為經紀棺斂。并典邑人秦氏之室。停柩其中。元譜云。不肖衍生。美英子。立侍。

奉而已。年雖十七。目未經此大事。賴韓。熊。仇。衛。徐。郭諸公。經紀棺槨。含斂。並典秦氏之室。停柩。而不肖廢焉。稔案。郭名未詳。

三月。先生從弟巖。自崑山來。偕衍生扶柩歸。元譜。稔案。王

山史山志。辛酉秋。予至嘉興。訪曹秋岳司農。相見。即致悼亭林之痛。為文獻之。惜予曰。亭林無恙。尚在于家。予來時。亭林亦有山西之行。秋岳且驚且喜。逾年壬戌夏。予在海州。接園百詩手札。云亭林於初春。勸於曲沃。予為位而哭之。勸秋。予西歸。取道揚州。將往崑山。

過淮安見張力臣云亭林之極尙未歸不知何以淹滯於彼深以不獲拯
極一哭爲慟又怪亭林未殉江南何以遠有此間彌管偶記涕下沾衿

葬於司馬賜塋東偏嗣父仲逢府君之昭位

元譜終七後不肯入關取向所寄各姓處書籍嗣大雲叔於三月望前抵曲沃簡閱遺書文稿二十四日衍從關中旋沃同居喪次所
有遺書文稿皆攜往郡中致之健庵立齋兩表兄及汝嘉兄衍忝爲之後曾不得一寓目焉勸讀惜哉 謙案在崑山六保衛新浦

爲五圖鳴字均計三 門人潘耒爲之表 元譜 程案此文
十八畝三分六釐 遂初堂集不載

道光二十一年辛丑奉旨顧炎武准其入祀崑山鄉賢祠

禮部謹題爲題請入祀鄉賢事禮科抄出江蘇巡撫會同江
蘇學政疏稱崑山縣先儒顧炎武砥礪廉隅匡扶名教題請

入祀鄉賢祠造具事實冊結具題請旨奉旨該部議奏欽此欽遵抄出到部臣等謹得定例各省舉報名宦鄉賢該督撫學政每年八
月前具題並將事實冊結送部詳覈於歲底彙題又崇祀名宦鄉賢應確核事蹟倘名實不能相副及僅以人品學問空言譽美並無
實跡者即行指駁等語今查該省送事實冊內開已故江蘇崑山縣先儒顧炎武植躬清峻砥行端方講求經世之學歷覽天下府州
縣志及歷代奏疏文集復周流西北偏行澆塞得之目驗成一百二十卷曰天下郡國利病書別有一百卷曰肇域志又著有首學五
書考古功深斟酌允當其餘所著有日知錄三十二卷五經同異三冊左傳杜解補正三卷九經誤字一卷金石文字記
六卷求古錄一卷吳才老韻補正一卷二十一史表十卷歷代宅京記二十卷昌平山水記二卷十九陵圖志六卷萬壽山考一卷岱
岳記八卷北平古今記十卷延康古今記十卷營平二州史事六卷荊錄十五卷詩律蒙告一卷其他雜著不可枚舉所有顧炎武題
請入祀鄉賢之處係屬名實相副臣等謹擬准其入祀鄉賢祠再此本向屬彙題合併聲明臣等未敢擅便謹題請旨於道光二十一
年十二月十七日題十
九日奉旨依議欽此

稷案先生著書之可攷者。日知錄三十二卷。

衍生云。潘察堂先生攜至國中。同汪峰庵先生刻。四庫書收入子部。稷案類三。有提要一篇。案坊間有大小二版本。又有嘉定黃汝成集釋本。

去。曾得潘次耕刪節元款。許瀚案。吳縣王亮生藏一抄本。黃曾借校其本。乃未經清刪者耳。瀚親見之。

補遺四卷。有袖珍本。古音表三卷。易音三卷。詩本音十卷。唐韻正二

十卷。音論三卷。統名音學五書。

衍生云。五書刻於淮上。後為張力臣藏於安溪李公。案。潘稼堂有訪顧亭林先生遺書。不

屬之者。誦也。四庫書收入經部小學類三。有提要五篇。

五經同異三卷。有常熟薛氏刻。本。衍生書目無。左傳杜解補正三卷。衍生云。爵張又南先生捐賞刻。四庫書收入經部春秋類四。有提要一篇。

九經誤字一卷。四庫書收入經部五經總義類。有提要一篇。

五經攷一卷。四庫書收入史部目錄類二。有提要一篇。求古錄一卷。衍生書目無。四庫書收入史部目錄類三。有提要一篇。彭文勤知

聖道齋集。有啟尾。

金石文字記六卷。四庫書收入史部目錄類二。有提要二篇。竹垞有辯金石文字記一條。見徐健庵日下舊聞攷序。

韻補正一卷。衍生書目作二卷。四庫全書收入經部小學類三。有提要一篇。

昌平山水記二卷。文集六卷。

養新錄。顧甯人文集。刻印本。有誤附書一篇。本馬貴與之說。甯人手鈔之意。欲採入日知錄。潘次耕誤仍為顧作。乃以誤附書為題。收入集中。今本無此。則此書已覺其誤矣。詩

集五卷。衍生云。已上七種。潘稼堂先生捐賞刻。

詠觚一卷。四庫全書地理類。存目。有提要一篇。

顧氏譜系攷一卷。衍生云。已上二種。潘稼堂刻。譜系攷。作顧氏譜略。二十一史年

表十卷。天下郡國利病書一百卷。

有四川龍氏聚珍版本。四庫全書地理類。存目。有提要一篇。歷代宅京記二十卷。四庫書目。歷代下。有帝王二字。收入史部地理類一。

蘇州府志云。一作歷代都城宮闈攷二十一卷。十九陵圖志六卷。徐譜案。潘稼堂呈先生詩注云。有昌平山水等圖。當即此書。萬歲山攷一卷。肇城記一百卷。記。一作志。原杰云。肇城志。

手乘。今存仁和許周士主政家。蠅頭小楷。一筆不苟。蘇州府志曰。今存山東二册。岱嶽記八卷。北平古今記十卷。建康古今記十卷。營平二州史事六

卷。四庫總目。又有營平二州地名記一卷。收入史部地理類三。有提要一篇。蘇州府志。又有蘇州府志。又

營務書六卷。菰中隨筆三卷。有曲阜孔氏刻本。徐譜案。拜經樓詩話載。詩律蒙告一條。注云。見菰中隨筆。今刻本無。官田始末攷一卷。京東攷古錄一卷。

吳震方說鈴中攷之。四庫書存目。謂其文皆見炎武所撰日知錄。及昌平山水記。皆震方勸取別行。僞立此名也。案衍生書目本有此名。提要殊武斷。蓋先生所著書。其精華無不采入日知錄者。不但此一書也。山東攷古錄一卷。此及

攷古錄。四庫全書地理類存目各有提要一篇。熹廟諒闇記一卷。聖朝記事一卷。又近有一梳志案說一書。乃襟案方輿紀要中總

論。合為一編。坊賈不知其為宛溪。題曰顧亭林原本。其妄蓋不待辯也。

松案。先生勘定之書。有西安府儒學碑目。見先生文集。有勘定家訓。近儒名論甲集。見先生手蹟。有纂

錄易解。程朱各自為書。見答汪若文書。有纂錄南都時事。近坊刻有聖安皇帝本紀。二卷。題先生撰。疑即此書。見與戴耘野書。有點定

荷悅漢紀。見潘稼堂重刻漢紀序。有區言五十卷。治河事一秩。見何義門菰中隨筆序。有備錄見江左

十五子詩選注。案詩選徐昂發關索。詩注引顧亭林備錄。又嘗欲編輯姓氏書。健庵有與先生論姓氏書。見日知錄。錄

西山史山志。顧亭林古所謂義士不合於時。以游為隱者也。丰姿不揚。而留心經術。胸中富有日新。不易窺測。下筆為文。直入唐宋大家之室。講明音韻。克傳絕緒。他所為日知錄。金石文字記。天下利病諸書。卷秩之積。幾於等身。朝野傾慕之。行誼甚高。而與人過嚴。詩文矜重。心所不欲。雖百計求之。終不可得。或以是致怨。弗顧也。居恆自奉極儉。辭受之際。頗有權衡。四方之游。必以圖書自隨。手所鈔錄。皆作蠅頭行楷。萬字如一。每見予輩。或宴飲終日。輒為攢眉。客退必戒曰。可惜一日虛度矣。其勤厲如此。所著昌平山水記二卷。巨細咸存。尺寸不爽。凡親歷對證。三易稿矣。而亭林猶以為未愜。正使博聞強記。或尙有人。而精詳不苟。未見其倫也。山志又載先生論假借轉注一條。論極乖刺。與先生平日之說正相反。蓋係山史誤記。故不取也。

又曰。博稽詳研。發前人所未發。為不朽之業者。顧亭林之於音韻。梅定九之於曆數。顧景范之於地理也。
又曰。劉太室居母喪三十六月。除服。顧亭林馳書論之。謂先王制禮不敢過也。秦俗以是日謂之三周。親友送即吉之儀。至有稱賀者。亭林曰。君子有終身之喪。祭日之謂也。哀之不暇。而何賀焉。或有言以次日舉者。亭林比之朝祥莫歌之類。斯不易之言也。

又曰。予嘗作三案論。獨是移宮。而於挺擊紅丸。不盡同東林諸君子之意。亭林頗然之。

閻百詩。南雷黃氏哀詞。當髮未燥時。即愛從海內讀書者游。博而能精。上下五百年。縱橫一萬里。僅僅得三人焉。曰錢牧齋。宗伯也。曰顧亭林。處士也。及先生而三。先生云亡。上距牧齋薨。已三十有二年。即

亭林歿亦且十四五年。穆案。南雷卒於康熙乙亥。距先生之亡。實十三年。蓋至是而海內讀書種子盡矣。

潛邱劄記。有與戴唐器書云。十二聖人者。錢牧齋。馮定遠。黃南雷。呂晚村。魏叔子。汪若文。朱錫鬯。顧梁汾。顧甯人。杜子皇。程子上。鄭汝器。更增喻嘉言。黃龍士。凡十四人。謂之聖人。乃唐人以蕭統爲聖人之聖。非周孔也。

李文貞顧甯人小傳。自幼博涉強識。好爲蒐討辯論之學。十三經諸史。旁及子集稗野。列代名人著述。微文碎義。無不攷究。騎驢走天下。所至荒山頽阻。有古碑版遺蹟。必披榛菅。拭斑緜。讀之。手錄其要。以歸。十餘歲。至七十而老。勤如一日。於六書音義。尤有獨得。余始官庶吉士。曾相遇爲半日話。又七年復來京師。則甯人歿矣。聞其書已成。亟求觀之。甯人之學。於是始窺其備。有顧氏之書。然後三代之文可讀。雅頌之音各得其所。自漢晉以來。未之有也。書既刻。厚自寶祕。曰。五十年後。乃有知我者耳。衛先生爾錫言。其地理書。用心尤多。然未見也。孤僻負氣。譏訶古今。人必刺切。徑情傷物。以是吳人警之。然近代博雅淹洽。未見其比。

潘次耕日知錄序崑山顧甯人先生生長世族負絕異之資潛心古學九經諸史略能背誦尤留心當世之故實錄奏報手自鈔節經世要務一一講求嘗明末年奮欲有所自樹而迄不得試窮約以老然憂天閔人之志未嘗少衰事關民生國命者必窮源溯本討論其所以然足跡半天下所至交其賢豪長者攷其山川風俗疾苦利病如指諸掌精力絕人無它嗜好自少至老未嘗一日廢書出必載書數篋自隨旅店少休披尋搜討曾無倦色有一疑義反復參攷必歸於至當有一獨見援古證今必暢其說而後止當代文人才士甚多然語學問必斂衽推顧先生凡制度典禮有不能明者必質諸先生暨文軼事有不知者必徵諸先生先生手畫口誦探源竟委人人各得其意去天下無賢不肖皆知先生爲通儒也。

又贈先生六十壽序先生之學邃于經術而又洞達當世之故其言覈而通大而有體要上自經籍圖史方輿音律下至名物器數元元本本至精至悉有功後學不在康成下。

湯孔伯有答先生書云前歲山史自關中見訪詢及交游名賢卽曰吳郡顧先生品高學博國家典制郡邑掌故天文曆象河漕兵農之屬無不洞悉原委坐而言起而可見諸行事真當今第一有用儒者也後晤甫草元禮計東字甫草舉人葉舒崇字元禮進士俱吳江人往往言與山史同吾道之衰久矣得大力闡明豈非斯人之幸。

汪荅文答從弟論師道書僕宦游十五年矣其有經學修明者得二人焉曰顧子甯人李子天生。

朱錫鬯靜志居詩話論先生詩云詩無長語事必精當詞必古雅抒山長老所云清景當中天地秋色庶幾似之。

繆天自云天自名永謀一名沐又字于野嘉興人有苕溪集詩有俚語經顧甯人筆輒與。

無名氏隨筆記先生一日在京師酒次王漁洋問樂府蝴蝶行能記否先生應口誦之不失一字蝴蝶行最詰屈難讀學者所不經意者也漁洋歎服稷案此事未得其年附記於此

王蘭泉昶與汪容甫書開顧亭林先生少時每年以春夏溫經請文學中聲音宏敞者四人設左右坐置注疏本於前先生居中其前亦置經本使一人誦而已聽之遇其中字句不同或偶忘者詳問而辯論之凡讀二十紙再易一人四人周而復始計一日溫書二百紙十三經畢接溫三史或南北史故事林先生之學如此習熟而纖悉不遺也。

江藩漢學師承記炎武生性兀敖不諧於世身本南人好居北土嘗謂人曰性不能舟行食稻而喜餐麥跨鞍。

程魚門晉芳正學論亭林黎洲博極羣書其於古今治亂興廢得失之數皆融貫於胸中因筆之於書以爲世法。

李子德哭顧亭林先生詩一百韵朝籬初零露浮雲忽障天史無正月紀星脫少微躔一代摧梁木千

春恨杜鵑，典刑今頓整。文獻爾俱全，際剝哀吾道。瞻卬失大賢，渾思焚著述。未忍沒周旋，勁節堪追勗。
名家敢盜傳，門諱吳郡後。望庇武陵前，畫省基藩牧。影塞珥御鈿，鍾靈籌絃第。比美孝廉船。先生曾大父，自方伯陞侍

郡大父贊 善兄鄉事 閱閱窺芳矩，詞宗起卯年。友兼鄉國盛，聲挾俊廚駢。少登復社 勝地頻交軫，留都幾著鞭。銜杯才最

逸，弱管賦誰先。吐納蒼江麗，招尋紫陌連。同過遵石渚，獨步採香塋。競睹潛修治，徐教懿緒延。遭時傷
失路，振翼爽乘權。上客逍遙久，佳人契約偏。徒勞殷密勿，莫與救迍遭。海涸龍虛碎，山頽風不還。難求

難翻好，漫惜領珠圓。剖血探危躅，攀髯少並肩。鼎湖仍問渡，喬嶽遠懷仙。信宿寒郊址，恭圖寢廟塹。學

陵 裝潢勤更肅，拂拭對增虔。沐髮管辭舍，備身偶就塵。北來馳險阻。北調十 南嚮灑潺湲。壤邱詢遺迹

荒圻拜故阡，湯孫昭穆萃。漢祖壁墉堅，歷歷捫松楸。競競執豆蓬，金檀澄有赫。碧瓦秀含煙，灑埽甘從

事，勳華恥讓鐫。著昌平山水記 特書森具體，凡例發流泉。古兆原分立，斯文實創編。班揚愁視甚，左馬色蒼然。

自此淹羈旅，餘齡肯棄捐。經搜墳典闊，世譜乞提懸。似欲超吟詠，何曾叩僮僮。雄心灰弗已，績學勵相

宜。逮夜隨燒燭，長征亦費研。驅車攜竹笈，入肆展霜箋。臺案皆親注，盈牀益勉旃。纖瑕攻琬琰。所論多捕古人之類

細字炳丹鉛，取誌惟徵邑。著利病書必欲盡考縣志 遺聞迴匯川，訂謨周利病。往冊賴刪詮，屢易猶藏稿。通行且待緣。

昌言昭日錄著日知錄。暇力正詩篇著音學五書。轉叶音何陋。葩駢韻累遷。爰稽三頌始。盡洗六朝愆。憤樂忘頭白。

遨遊任足穿。觀恆趨裔塞。踐漫涉層淵。積雪貞珉皎。匡藤側蔓纏。謂宜輕櫂楫。翻喜跨鞍韉。到處逢迎。

備。臨歧指顧牽。公卿雖倒屣。華寶每安絃。鄴架抽光數。郇廚領味專。食不兼味。晴曠裝澹澹。素魄坐娟娟。桂

棘寧知老。松疎那受憐。刊垂資祖籍。把贈解囊錢。晚結菟裘計。將除蘊藻田。隔苔聊近探。關阜儘高褻。

旬服羣推首。邦衡舊象乾。王風留黍稷。伯略香鷹鷄。遂逆洪河浪。因窮太華巔。臺祠洵曠舉。因生文公實主營壘壘

俱為。縣宰得循員。華陰令。遇君任其事。亭林致送陪享。濁俗多崇墨。豪者半雜禪。迷津煩拯助。出谷仗陶甄。漸覺嚶鳴侈。俄開

霽景鮮。盍簪要奮激。傾蓋及狂顛。綺帶曾貽晉。先生初同曹司農公過雁門晤余於陳使君席上。清觴再集燕。爾飲襲宗伯公宅。愚蒙沾善誘。

等列荷區銓。謬許私盟牒。尤期軼草元。深恩鴻鴈並。暫別鯉魚聯。卜宅推中表。寅表弟長源家。披帷共醉眠。頗

耽亭水潔。遲眺徑花妍。匣劍舒悲嘯。堂琴寫靜便。縱談衷曲盡。遐寄物情獨。鬼微喧飛檄。神州滿控弦。

繁腸彌悵望。叱馭復翩翾。積歲兵機稔。中宵客慮煎。匿形乖辟殺。覘夢罷迴收。憶昨登高少。悽其俯澗

澗。凌晨謀稅野。決意謝歸舩。抵絳依重郭。去秦居曲沃。誅茅假數椽。泣麟微旨在。衰鳳託終焉。臘杪纒呼走。

遵使往。冰嚴薄餽綿。報章驚絕筆。晨起承報余詩二十四韻夕卒。幽怨屈空拳。耿介標孤性。忠誠冠八埏。末繇齋志展。疇使

訊起居。

抱痾瘥。彼網欣通鶴。維巢訝類鳶。心休沿板蕩。目視爲戈鋌。恐逸陽秋撰。須存卽次甞。外甥俱倚香。三

徐公司寇

今姪中翰
大史相國

猶子已騰籌。

君洪善

幸接旁陰茂。當提主器儔。聖途湮豈斷。儒術衆疑俊。鏡具睽峯整。生芻

布几筵。輦旌悲浩漫。墓樹想葱芊。直擬歌黃鳥。眞應駕白蓮。招魂稱至德。陟降蔣山邊。潘次耕已西冬。自淮陰抵平原。呈亭林先生六十韻。耆德何寥落。人倫孰楷模。斯文知未墜。夫子實通儒。世德推江表。高名冠海隅。才猷鼎鼐重。器略廟堂須。妙譽歸人傑。英姿識鳳雛。風雲遲絕足。羽翼礙天衢。築版功名遠。躬耕心事紆。勞勞悲擊楫。渺渺欲乘桴。甘載中原客。單車萬里驅。北游頻五岳。作賦幾三都。漢塞雲隨鴈。秦關月照榆。胸中百郡志。掌上列邊圖。

先生有昌平山水等圖

結客傾豪俊。論文盡顯廚。襟懷小天地。聞見溢

寰區。學貫天人奧。身苞造化樞。大文經緯著。讜論古今臚。賈馬寧方駕。班揚敢竝趨。才高道乃契。心小聖爲符。雅痛微言絕。深嗟學術殊。幾年摯傳注。百代掃榛蕪。精理通爻象。鴻猷擴典謨。禮堂尊講席。絳帳盛生徒。小子深瞻仰。通家自友于。追陪憶往歲。侍從足歡娛。稽阮交原厚。陳雷好不渝。時時枉高駕。往往到菰蘆。永漏杯同把。明鐙筆共濡。情深等膠漆。調叶比笙竽。各矢青雲志。祗愁白日徂。龍蛇夢俄兆。鷓鴣識堪吁。向子聞鄰笛。王公憶酒壺。遙知悲宿草。無處奠生芻。落魄餘文學。伶仃有少孤。素絃哀絕調。枯樹慘同株。戢影依慈母。含辛對阿奴。向人言慷慨。伏枕淚模糊。流浪來淮市。飄零客射湖。江關

淹歲月。縱跡混泥塗。范叔綈袍盡。相如四壁無。三秋長旅食。半刺只窮途。詎敢題鸚鵡。那堪聽鷓鴣。壯懷感馬援。歧路畏楊朱。愁到思投筆。窮來未棄襦。橘甯爲枳。蘭不效蕭敷。把卷難窮牖。編書亦絕蒲。三冬曼情惜。一榻幼安俱。汲古漸修綆。攻文愧小巫。孤生原讀劣。曲學況牽拘。窺豹非全目。雕蟲豈壯夫。夙懷期負笈。雅志有懸弧。碩德惟劉董。儒宗有鄭盧。龍門雖自峻。蠡測肯辭愚。問字侯芭去。傳經服慎呼。贏糧非早暮。命駕敢踟躕。汝野黃雲凍。沂山白草枯。隻身經雨雪。遠道涉崎嶇。捧杖徹誠遂。橫經鄙顯輸。驚駘還賴策。蓬草或堪扶。斧削資良匠。陶鎔付大鑪。垂恩無以報。感激一微軀。又呈亭林先生一首。尼父志不達。浩然動歸思。羣材良斐然。裁成將待誰。迴車訂六籍。制作通神祇。三年致祥麟。大道以不隱。海內有先生。人倫之宗師。學惟天人貫。道乃汗隆宜。嚴冬霜雪集。萬木爲之萎。孤根獨巋然。知天未喪斯。周游遍五岳。歷覽環三垂。天地有大文。一一爲搜披。成書藏名山。故里歸何遲。下國寡良材。斧斤諒難施。區區園葵意。朝陽甯見知。何當裹糧去。萬里相追隨。秦岱峯嶢嶸。日觀路險巖。一覽小天下。慰此平生期。

王山史拜亭林先生墓詩。三年客江東。兩度撫君墓。野日滋宿草。秋花淒零露。緬惟同心交。明誓金石固。稽古啓愚昧。敏求祛冥悟。惠然止吾廬。一似形影附。同泣鹿馬石。手攀神烈樹。倏更四十春。戚感不忘故。嗚昔夢雲闕。白衣從玉輅。連蟻下大荒。偃蹇問天步。歎息桑榆景。裴回崑崙暮。幽明事已非。生死

情一訴。灑淚歸山去。長辭西州路。又哭墓詩云。與君長別九年矣。白馬重來千里餘。獨拜荒邱淒宿草。

更揮老淚問遺書。爲憶神明恆若存。莫將封禪比文園。當年羊傅徒輕爵。何似龍門有外孫。葉封山志序 義余獲交真

山顧亭林先生。亭林於當世士。多否少可。獨亟稱華陰王山史先生。已山史至京師。余一見輒心儀之。願思別去。比亭林就居山史之家。兩人肯好學。佇行志相得也。康熙壬戌歲。莫余客揚州。山史亦來。則先是出游。將二盈驗。聞亭林之歿。且周歲矣。

梨洲先生世譜

姚江黃氏。漢潁川之後。靖康之亂。遷於婺源。有仕爲慶元通判者。金人破慶元。不屈死之。子三人。分地避兵。一居定海。東發之始祖。一居慈谿吳舉。一居鳳凰山竹墩。居竹墩者。諱萬河。字時通。號鶴山。居三十年。又徙

餘姚之竹橋。柳道傳詩。連延黃竹浦是也。則梨洲先生之始祖也。當是時離亂之餘。力田給食。不遑詩書之業。故以下四

世皆失名諱。第七世文茂。字茂卿。始登泰定甲子進士第。授餘姚州判。從學吳章虞歸。而主教於鄉。每令學者靜坐數日。然後得親函丈。子三人。德彰。至順庚午進士。任浙江宣司。德順。以制舉授鄞縣教諭。德澤。武舉。以都元帥鎮定海。又一世均保。號菊源。洪武庚午貢士。北平道御史。擢與同邑陳子方。嘗遜國之難。賦詩爲臣。真欲效全忠。豈料翻成與叛同。北狩綠藏青史筆。南還猶是白頭公。赴水死。失其世次。第十世韶。字九成。成化己丑進士。仕至江西提學僉事。翊。字九霄。書畫皆入能品。而菊花尤傳於世。九成有道南八景詩。其和者。華亭張東海。常熟桑民懌也。伯川。字德洪。號蜚菴。舉順天壬午。除建寧府教授。主考陝西。有竹橋十咏。同邑倪小野。稱其蕭散閒遠。超於塵外。珣。字廷璽。成化辛卯鄉試榜首。登辛丑進士第二。歷官南冢宰。逆瑾勒令致仕。卒。諡文僖。第十一世堂。字勉敬。號南浦。宏治壬戌進士。擬第一甲。未傳臚而卒。鄉人至今稱爲探花也。嘉愛。字懋仁。號鶴谿。正德戊辰進士。從王文成講學。卒官欽州。嘉會。字懋禮。號履

齋舉宏治辛酉。知金溪縣。嘉仁，號半山。其詩清新，不加雕繪，有自然之色。第十二世變，字子韶。嘉靖乙卯貢元。從文成於稽山書院。第十三世尙質，號醒泉。舉嘉靖己酉。守景州。致仕詩。與山人楊珂齊名。第十五世珠，字鳳。署萬曆庚戌進士。譜繁不能盡書。書其著者。黎洲之世。自州判叔父世堂。而名諱始可得詳。世堂生文貴。文貴生子尹。子尹生安祥。安祥生廷杲。廷杲生璽。字廷璽。兄伯震。出商於外。踰十年不歸。璽往求之。裂紙數百張。繕寫兄之年貌籍貫。爲零丁。榜之寺觀街市。經行萬里。卒無所遇。不懈益虔。流轉襄漢。閒至道州。入廁。置傘路旁。伯震適過之。見傘而心動。曰。此吾鄉之傘也。循其柄而視之。有字一行。曰。姚江黃小雷記。小雷者。璽之別號。伯震方疑駭。璽出而相視。若夢寐。慟哭失聲。道路觀者。亦嘆息泣下。遂奉兄而歸。廷璽生諒。號素菴。舉義倉之法於里中。年八十。素菴生稔。號東河。娶章氏。撫其孤子。孤子入城市。必向其所之。而立待其歸。始食。未嘗先一飯也。守節數十年。東河生大綬。號對川。爲人精緻。十五歲。官役爲庫子。老吏不能欺之。知其孫忠端公必貴。嘗問之曰。孫之推封其祖父。何品及之。對曰。三品。忠端公以七品死節。故老言其不驗。未幾。贈官三品。追封對川爲太僕寺卿。對川生曰中。號醒漢。以易爲大師。諸生應試。以文先定。其次第。無不奇中。五經。左氏。內外傳。國策。莊騷。隨舉一句。應口誦其全文。與人言。亦必原本經傳。忠端公之喪。蔣令弔之於途。公曰。此郊弔也。明府以春秋起家。豈宜有此。一邑利害。他人不敢言者。公獨言之。有伍伯倚令勢。魚肉小民。公投以治生帖。伍伯叩頭請死。吏亦從此不敢近伍伯。之逆案。尙

齊某使其僮客越境追人。公呼僮客杖之曰：吾非杖汝，聊以此寄汝主耳。其疾惡如此。觀漢生忠端公諱尊素，字真長，號白安。天啓開官御史，劾魏忠賢、客氏，削藉三吳，訛言翻局，以公爲主，逆奄忌而害之，贈官賜祭葬，諡忠端。梨洲先生名宗羲，字太沖，號梨洲，忠端公之長子也。忠端公五子，著者三人：宗炎，字晦木，宗會，字澤望，自鶴山至先生爲世凡十七云。南雷里，唐謝遺塵之故居在焉。距竹橋數里而近。先生因以名集。大述黃氏世譜，冠於集端，倣胡助述宋氏世譜，以冠潛溪集之例也。門人萬斯大述。

國史儒林傳

顧炎武，字甯人，初名絳，崑山人。明贊善紹芳孫，年十四爲諸生，耿介絕俗，不與人苟同，惟與同里歸莊相善。相傳有歸奇顧怪之目。其論學以博學有恥爲先，嘗與友人論學云：百餘年來之爲學者，往往言心言性，而茫然不得其解也。命與仁，夫子所罕言，性與天道，子貢所未得聞，性命之理，著之易傳，未嘗數以語人。其答問士則曰：行己有恥，其爲學則曰：好古敏求。其與門弟子言，但曰允執厥中，四海困窮，天祿永終。其告哀公明善之功，先之以博學，顏子幾於聖人，猶曰博我以文，自曾子而下，篤實莫若子夏，言仁則曰博學而篤志，切問而近思，今之君子則不然，聚賓客門人數十百人，與之言心言性，舍多學而議以求一貫之方，置四海之困窮不言，而講危微精一，是必其道高于夫子，而其弟子之賢于子貢也，我弗敢知也。孟子一書，言心言性，亦諄諄矣，乃至萬章、公孫丑、陳代、陳臻、周霄、彭更之所問，與孟子之所答，常在乎出處去就，辭受取與之間，是故性也，命也，天也，夫子之所罕言，而今之君子之所恆言也。出處去就，辭受取與之辨，孔子孟子之所恆言，而今之君子所罕言也。愚所謂聖人之道者，如之何？曰博學於文，曰行己有恥，自一身以至於天下國家皆學之事也。自子臣弟友，以至出入往來，辭受取與之間，皆有恥之事也。士而不先言恥，則爲無本之人，非好古多聞，則爲空虛之學，以無本之人，而講空虛之學，吾見其日從事於

聖人。去之彌遠也。又曰。今之理學。禪學也。不取之五經論語。而但資之語錄。不知本矣。其論文。非有關於經旨世務者。皆謂之巧言。不以措筆。故炎武之學。大抵主於斂華就實。救弊扶衰。凡國家典制。郡邑掌故。天文儀象。河漕兵農之屬。莫不窮究原委。考正得失。而又廣交賢豪長者。虛懷商榷。不自滿假。作廣師篇云。學究天人。確乎不拔。吾不如王錫闡。讀書爲己。探頤洞微。吾不如楊雪臣。獨精三禮。卓然經師。吾不如張爾岐。蕭然物外。自得天機。吾不如傅山。堅苦力學。無師而成。吾不如李容。險阻備嘗。與時屈伸。吾不如路安卿。穆案。本集所舉十人。皆稱其字。此改稱名。國史體也。而楊雪臣名孫。路安卿名澤溥。獨仍而不改何也。博聞強記。羣書之府。吾不如吳任臣。文章爾雅。宅心和

厚。吾不如朱彝尊。好學不倦。篤於友朋。吾不如王宏撰。精心六書。信而好古。吾不如張弼。至於達而在位。其可稱述者。亦多有之。然非布衣之所得議也。炎武生平精力絕人。自少至老。無一刻離書。國朝稱學有根柢者。以炎武爲最。炎武撰天下郡國利病書一百二十卷。歷覽諸史。圖經。實錄。文編。說部之類。取其關於民生利病者。且周流西北。歷二十年。其書始成。別有肇域志一編。則考索利病之餘。合圖經而成者。炎武精韻學。撰音論三卷。言古韻者。自明陳第。雖創闢榛蕪。猶未達密。至炎武。乃推尋經傳。探討本原。又詩本音十卷。其書主第詩無協韻之說。不與吳棫本音爭。亦全不用補音之例。但卽本經之韻互考。且證以他書。明古音原作是讀。非有遷就。故曰本音。又易音三卷。卽周易以求古音。考證精確。又唐韻正二十卷。韻補正一卷。古音表二卷。皆能追復三代以來之音。分部正舛。而知其變。自吳才老而下。廓如也。炎武又

撰金石文字記、求古錄、與經史相證。歐趙洪王不及其精，而日知錄三十卷，尤爲炎武終身精詣之書。蓋積三十餘年而後成。凡經史、吏治、財賦、典禮、藝文之類，皆疏通考證之。炎武又以杜預左傳集解，時有關失，作杜解補正三卷。其他著作，有石經考、二十一史年表、歷代帝王宅京記、亭林文集詩集、營平二州地名記、昌平山水記、山東考古錄、讀觚、菴中隨筆、救文格論等書。並有補於學術世道。初，炎武嗣母王氏，未嫁守節，嘗斷指療姑。於崇禎十年被旌。及聞明亡，不食卒。誠炎武勿出仕。福王時，崑山令楊永言薦炎武爲兵部司務，旋以職方郎召，皆未赴。既葬母，遂出遊。歷遭艱險，所至之地，以二騾二馬載書，遇邊塞亭障，呼老卒詢曲折，有與平日所聞不合，卽於坊肆中發書對勘，或平原大野，則於鞍上默誦諸經注疏。在華陰，與王宏撰等於雲臺觀側建朱子祠。康熙間，詔舉博學鴻儒科，又修明史，大臣爭薦之，並辭未赴。康熙二十一年卒於華陰，年六十九。穆案先生年七十卒於曲沃，此皆誤。無子，門人以其喪歸葬崑山。吳江潘耒敘其遺書行世。

神道表

鄒全祖望鮎埼亭集

顧氏世爲江東四姓之一。五代時由吳郡徙徐州。

種案徐乃
徐之譜

南宋時遷海門。已而復歸於吳。遂爲崑山縣之

花浦村人。其達者始自明正德間。曰工科給事中。廣東按察使司僉事。漆及刑科給事中。濟刑科生兵部

侍郎章志。侍郎生左贊善紹芳。及國子生紹芾。贊善生官廕生同應。同應之仲子曰絳。卽先生也。紹芾生

同吉。早卒。聘王氏未婚。守節以先生爲之後。先生字曰甯人。乙酉改名炎武。亦或自署曰蔣山僮。學者稱

爲亭林先生。少落落有大志。不與人苟同。耿介絕俗。其雙瞳子。中白而邊墨。見者異之。最與里中歸莊相

善。共遊復社。相傳有歸奇。顧怪之。目於書無所不窺。尤留心經世之學。其時四國多虞。太息天下乏材。以

至敗壞。自崇禎己卯後。歷覽二十一史。十三朝實錄。天下圖經。前輩文編說部。以至公移邸抄之類。以

於民生之利害者。隨錄之。旁推互證。務質之。今日所可行。而不爲泥古之空言。曰天下郡國利病書。然猶

未敢自信。其後周流西北。且二十年。通行邊塞。亭障無不了了。而始成。其別有一編曰肇域志。則考索利

病之餘。合圖經而成者。予觀宋乾淳諸老。以經世自命者。莫如薛良齋。而王道夫。倪石林繼之。葉水心尤

精悍。然當南北分裂。聞而得之者多於見。若陳同甫。則皆欺人無實之大言。故永嘉永康之學。皆未甚粹。

未有若先生之探原竟委。言言可以見之施行。又一稟於王道。而不少參以功利之說者也。最精顧學。能

據遺經。以正六朝唐人之失。據唐人以正宋人之失。欲迫復三代以來之音。分部正秩。而究其所以不同。以知古今音學之變。其自吳才老而下。廓如也。則有曰音學五書。性喜金石之文。到處卽蒐訪。謂其在漢唐以前者。足與古經相參考。唐以後者。亦足與諸史相證明。蓋自歐趙洪王後。未有若先生之精者。則有曰金石文字記。晚益篤志六經。謂古今安得別有所謂理學者。經學卽理學也。自有舍經學以言理學者。而後邪說以起。不知舍經學。則其所謂理學者。禪學也。故其本朱子之說。參之以慧谿黃東發日抄。所以歸咎於上蔡橫浦象山者甚峻。於同時諸公。雖以苦節推百泉二曲。以經世之學推梨洲。而論學則皆不合。其書曰。下學指南。或疑其言太過。是固非吾輩所敢違定。然其謂經學卽理學。則名言也。而日知錄三十卷。尤爲先生終身精詣之書。凡經史之粹言。具在焉。蓋先生書尙多。予不悉詳。但詳其平生學業之所最重者。初太安人王氏之守節也。養先生於襁褓中。太安人最孝。嘗斷指以療君姑之疾。崇禎九年。直指王一鶚。請旌於朝。報可。乙酉之夏。太安人六十。避兵常熟之郊。謂先生曰。我雖婦人哉。然受國恩矣。果有大故。我則死之。於是先生方應崑山令楊永言之辟。與嘉定諸生吳其沆。及歸莊共起兵。奉故鄣撫王永祚。以從。夏文忠公於吳江東。授公兵部司務。事旣不克。永言行遁去。其沆死之。先生與莊幸得脫。而太安人遂不食卒。遺言後人。莫事二姓。次年閩中使至。以職方郎召。欲與族父延安推官咸正赴之。念太安人尙未葬。不果。次年畿豫吳勝兆之禍。更欲赴海上。道梗不前。先生雖世籍江南。顧其妻稟頗不類吳會人。

以是不爲鄉里所喜。而先生亦甚厭幕履浮華之習。嘗言古之疑衆者。行僞而堅。今之疑衆者。行僞而脆。了不足恃。既抱故國之戚。焦原毒浪。日無甯晷。庚寅。有怨家欲陷之。乃變衣冠作商賈。遊京口。又遊禾中。次年之舊都。拜謁孝陵。癸巳。再謁。是冬。又謁而圖焉。次年。遂僑居神烈山下。遍遊沿江一帶。以觀舊都畿輔之勝。顧氏有三世僕曰陸恩。見先生日出遊。家中落。叛投里豪。丁酉。先生四謁孝陵。歸持之急。乃欲告先生通海。先生亟往擒之。數其罪。湛之水。僕壻復投里豪。以千金賄太守。求殺先生。不繫訟曹。而卽繫之。奴之家。危甚。獄日急。有爲先生求救於某公者。某公欲先生自稱門下。而後許之。其人知先生必不可。而懼失某公之援。乃私自書一刺以與之。先生聞之。急索刺還。不得。列揭於通衢。以自白。某公亦笑曰。甯人之卞也。曲周。路舍人澤溥者。故相文貞公振飛子也。僑居洞庭之東山。識兵備使者。乃爲艱之。始得移訊松江。而事解。於是先生浩然有去志。五謁孝陵。始東行。墾田於章邱之長白山下。以自給。戊戌。遍遊北都諸畿甸。直抵山海關外。以觀大東。歸至昌平。拜謁長陵以下。圖而記之。次年。再謁。旣而念江南山水有未盡者。復歸。六謁孝陵。東遊直至會稽。次年。復北謁思陵。由太原大同以入關中。直至榆林。是年。浙中史禍作。先生之故人。吳潘二子死之。先生又幸而脫。甲辰。四謁思陵。事畢。墾田於雁門之北。五臺之東。初先生之居東也。以其地溼。不欲久留。每言馬伏波田疇。皆從塞上立業。欲居代北。嘗曰。使吾澤中有牛羊千。則江南不足懷也。然又苦其地寒。乃但經營創始。使門人輩司之。而身出遊。丁未之淮上。次年。自山東入京。

師。葉之黃氏。有奴告其主所作詩者多株連。自以爲得。乃以吳人陳濟生所輯忠節錄。指爲先生所作。首之書。中有名者三百餘人。先生在京聞之。馳赴山東。自請勘訟。繫半年。富平李因篤。自京師爲告。急於有力者。親至歷下解之。獄始白。復入京師。五謁思陵。自是遠往河北諸邊塞者。幾十年。丁巳。六謁思陵。始卜居陝之華陰。初先生遍觀四方。其心耿耿未下。謂秦人慕經學。重處士。持清議。實他邦所少。而華陰箱穀關河之口。雖足不出戶。而能見天下之人。聞天下之事。一旦有警。入山守險。不過十里之遙。若志在四方。則一出關門。亦有建瓴之便。乃定居焉。王徵君山史。築齋延之。先生置五十畝田於華下。供晨夕。而東西開墾所入。別貯以備有事。又餌沙苑蒺藜而甘之曰。啖此久。不肉不茗可也。凡先生之遊。以二馬二騾。載書自隨。所至阨塞。卽呼老兵退卒。詢其曲折。或與平日所聞不合。則卽坊肆中發書而對勘之。或徑行平原大野。無足留意。則於鞍上默誦諸經注疏。偶有遺忘。則於坊肆中發書而熟復之。方大學士孝感熊公之自任史事也。以書招先生爲助。答曰。願以一死謝公。最下則逃之世外。孝感權而止。戊午。大科詔下。諸公爭欲致之。先生豫令諸門人之在京者辭曰。刀繩具在。無速我死。穆案先生之辭大科乃二徐之力。謝山蓋誤以魏洲之事例先生也。次年。大修明史。諸公又欲特薦之。貽書葉學士詎庵。請以身殉得免。或曰。先生盍亦聽人一薦。薦而不出。其名愈高矣。先生笑曰。此所謂釣名者也。今夫婦人之失所天也。從一而終之。死靡慝。其心豈欲見之於人。若曰。盍亦令人孩委禽焉。而力拒之以明節。則吾未之聞矣。華下諸生請講學。謝之曰。近日二曲。亦徒以講學故。

得名遂招逼迫。幾至凶死。雖曰威武不屈。然而名之爲累。則已甚矣。又況東林覆轍。有進於此者乎。有求
文者。告之曰。文不關於經術政理之大。不足爲也。韓文公起八代衰。若但作原道。諫佛骨表。平淮西碑。張
中丞傳後諸篇。而一切諛墓之文不作。豈不誠山斗乎。今猶未也。其論爲學。則曰。諸君關學之餘也。橫渠
藍田之教。以禮爲先。孔子嘗言。博我以文。約之以禮。而劉康公亦云。民受天地之中以生。所謂命也。是以
有動作禮義威儀之則。以定命。然則君子爲學。舍禮何由。近來講學之師。專以聚徒立幟爲心。而其教不
肅。方將賦茅鷓之不暇。何問其餘。尋以乙未春。出關觀伊洛。歷嵩少。曰。五嶽遊其四矣。會年饑。不欲久留。
渡河至代北。復還華下。先生既負用世之略。不得一遂。而所至每小試之。墾田度地。累致千金。故隨遇即
饒足。徐尙書乾學兄弟。甥也。嘗其未遇。先生振其乏。至是鼎貴。爲東南人士宗。四方從之者如雲。累書迎
先生南歸。願以別業居之。且爲買田以養。皆不至。或叩之。答曰。昔歲孤生。飄搖風雨。今茲親串。崛起雲霄。
思歸尼父之轅。恐近伯鸞之窳。且天仍夢夢。世尙滔滔。猶吾大夫。未見君子。徘徊渭川。以畢餘年足矣。庚
申。其安人卒於崑山。寄詩挽之而已。次年。卒於華陰。無子。徐尙書爲立從孫洪慎。以承其祀。程案。洪慎乃
先生之從子。

先生既立吳江族子衍生爲嗣。又立
洪慎之子世樞爲孫子後。此皆誤。

年六十九。縣門人奉喪歸葬崑山之千墩。高弟吳江潘耒。收其遺書。序而行

之。又別輯亭林詩文集十卷。而日知錄最盛傳。歷年漸遠。讀先生之書者雖多。而能言其大節者已罕。且

有不知而妄爲立傳者。以先生爲長洲人。可哂也。

種案。梓村集。有顧甯人小傳。稱爲吳之長洲人。謝山查卽指此。

徐尙書之冢孫涵。持節粵中。

數千里貽書以表見屬。余沈吟久之。及讀王高士不庵之言曰。甯人身負沈痛。思大揭其親之志於天下。奔走流離。老而無子。其幽隱莫發。數十年靡訴之衷。曾不得快然一吐。而使後起少年。推以多聞博學。其辱已甚。安得不掉首故鄉。甘於客死。噫。可痛也。斯言也。其足以表先生之墓矣。夫其銘曰。先生兀兀。佐王之學。雲雷經綸。以屯被縛。緲然高風。寥天一鶴。重泉拜母。庶無愧怍。

何紹基顧先生祠詩 甲辰五月附

亭林先生祠。小子始營繕。緊惟城西偏。慈仁森佛殿。當時寺宇宏。市集萃圖卷。國初諸老儒。買書乘暇晷。先生結契廣。僑寓置鐘扇。至今雙松下。彷彿見遺躅。承平二百載。光陰若流箭。古碣餘斷龜。空梁墜飢燕。我卜隙地寬。謂可靈爽奠。諸公聞此議。合作相呼忭。畚鍤猥見屬。木甃自遊揀。荆蕪出古樹。明月夜來闕。崇崇屋三楹。爛爛秋一片。落成奉遺像。覽揆潔盟薦。肅然道義容。警我塵土賤。車徐禮歲月。張子重論議。江南大河北。餘韻蒐討徧。張石州據車秋喻徐星翁所撰亭林年譜合為定本增益辨正甚博且精摛稿至山東江南蒐得遺事詩文頗多勒記待貞珉。儀徵滯老硯。阮相國師

寄到冬燠倏已飄。春鷲復來囀。次第皆識職。初終矢無倦。持衡恩命被。萬里指羅甸。五月一日紹基奉命主試貴州登程復

過祠。仰止有餘眷。溯惟明代末。世苦龍蛇戰。氣節誠乃隆。兵將多不練。小儒獨何為。俗學爭相煽。語錄飾陋窟。詞章鬪輕蕩。先生任道堅。千古係後先。研窮經史通。曠朗天人見。鬱積忠孝懷。慘澹時世變。同時願李閭。驟靳隨鞞。餘子因人成。鞭鐙亦相戀。經心執聖權。首啟熙朝彥。兵刑禮樂尊。九數六書衍。漢宋包羣流。周孔接一線。精光燦日星。果力策雷電。自非菰中人。孰開衆目眩。欽惟純廟年。四庫盛編纂。萬軸歸文淵。千士萃祕院。儀徵實後至。草創儒林傳。論學采源流。全編有冕弁。諸儒始相驚。乙覽大稱善。阮師撰 詞史儒林

傳以先生居首。

元氣入人心。史筆非私擅。小子雖憤學。遺書早窺眄。泊與脩史職。讀傳生歎羨。從來聖道大。青史資爛絢。微言察天地。正路化狂狷。功名與文章。因時見陶鍊。惟茲下學事。萬古有繼禪。儒林道學分。宋史妄矜銜。六藝天道樞。班書儒林傳語意。傳例重班掾。先生冠儒林。狂瀾植匡堰。君親鑒吾身。學行須貫穿。願從實踐入。敢恃虛談便。且當語黔士。庶弗規爲瑱。再拜別先生。歸來已覓覿。

右顧亭林先生年譜四卷。國朝張穆撰。按穆字石州。平定人。優貢生。候選訓導。博學善屬文。久游京師。名動公卿。與程春海侍郎交契最深。侍郎遺集。即其所編輯也。國朝儒者。學有根柢。以顧亭林先生爲最。繼往開來。內聖外王之道備。故阮文達國朝儒林傳稿。以先生居首。而江鄭堂漢學師承記。則以先生與黃梨洲傳附卷末焉。此自有定論。然先生與梨洲。原不專以漢學名也。是書緣起。石州自序已詳。於先生事蹟。固搜括無遺。徵引殆遍。且於勝國本朝戰守興亡全局。以至當時士大夫暨高人逸士。與先生往還者。其前言往行。兼收博采。俾知人論世者。足資考證。正不必以其未盡合年譜體例而議之耳。又汪容甫不可一世。述學別錄。與畢侍郎書。稱中少日問學。實私淑顧亭林處士。故嘗推六經之旨。以合於世用。及爲考古之學。惟實事求是。不當墨守云云。容甫固未易才。然竊謂數語。舉以移贈先生。尤覺當之而無愧色。又孫淵如平津館文稿呈初撫部書。謂先生所撰天下郡國利病書。是未就之稿。如能增補成書。實爲經濟要務。不獨有功於顧氏云云。此亦讀先生遺書者。所當參其末議也。又郭頻伽靈芬館雜著。有先生像贊云。古之學者。其道一貫。誰與分歧。儒林文苑。卓哉先生。自有千古。又云。浙東姚江。關中二曲。猗歟先生。莫克榮辱。德容粹然。清而不耀。遺民孝子。通才碩儒。亦足以櫟括先生生平。是譜原無卷數。蓋爲四卷。重刻焉。俾開先生之風者。頑廉懦立。亦下學指南也。咸豐癸丑。八月晦日。南海伍崇曜謹跋。

中華民國三十年八月初版

(030421)

中國史
顧亭林先生年譜附一冊

每冊
定價
陸角
隨費一元

編者 張 穆

發行人 王 雲 五
長沙南正路

印刷所 商務印書館

發行所 商務印書館
各埠

◆一二三四

書

